

मुनि  
नग



## षट् ऋतु काव्य संग्रह ॥

वसन्त ऋतु के कवित्त व सवैया १ ॥

कवित्त ॥ फूले हैं रसाल नवपल्लव विशाल बनजूही औ  
पलाश मल्ली आदि बहुको गनै । कूजत बिहंग पिक  
कोकिलादि एक सङ्ग गुंजत मलिन्द बन बीथिकानि  
में घनै । बहत समीर मन्द शीतल सुरभि धीर रहत  
न योग युत मुनिगनके सनै । सरै ब्रजरंग सेसेसमै रहे  
सङ्ग नतु दहन अन्त मिशु गोपिकानके तनै १ सुमन  
अनंत फूले बिपिन लसन्त पौन सौरभ बहत भौर गुंजै  
रसमन्त है । सुतरु फलन्त कूक कोकिल कलन्त तजै  
ध्यान मुनि सन्त जहां केलिको अगंत है । सबै रसवन्त  
औ वियोगिनिको गन्त जहँ रतिही को तंत तोख सु-  
कावि भनन्त है । बेधे रतिकन्त पायतरुणी यकन्त अब  
जाहु कित कन्त ऋतु भूपति वसन्त है २ सङ्गकी सहेली  
रहोपजत अकेली शिवातीर यमुनाके बीर चमक च-  
रहे । हैंतौ आई भागत डरत हियरातें घरे तेरे शोच



करी मोहिं शोचित सवाई है । बंचिहै वियोगी  
 जानि सरदार ऐसी कराठते कलित कूक कोकिल  
 ढाई है । बिपिन समाजमें दराजमी अवाज हाति आज  
 महाराज ऋतुराज की अवाई है ३ सुखद समीर सीर  
 रुखी ह्वै चलन लागी घटिचली रैन कहु शिशिर हि-  
 मंतकी । फूलैलागे फूल फेरि बौरै बन आम लागे को-  
 किला कुहकैलागीं मातीमदमन्तकी । हरीचन्द काम  
 की दुहाईसां फिरन लागी आवै लागी सरासरा सुधि  
 प्यारे कन्तकी । जानीपरै आजु बिरहीन की सिरानी  
 अब आयो चाहैं रातें फेर दुःखद वसन्तकी ४ बन बन  
 आगिसी लगाइके पलाशफूले सरसों गुलाब गुलाला  
 कचनारो हाय । आइगयो शिरपैचहायमैनबाशानिज  
 बिरहिन दौरि दौरि प्राण न सहारोहाय । हरीचन्द  
 कोइलैकुहकी फेर बनबन बाजै लारयोजग फेरिकाम  
 को नगारो हाय । दूरप्राण प्यारो काको लोजिये स-  
 हारो अबआयो फेरिशिरपै वसन्त वजूमारो हाय ५ ॥  
 सबैया ॥ सखि आयो वसन्तऋतुन को कन्त चहंदिशि  
 फूलिरही सरसों । बर शीतलमंद सुगंध समीरसतावन  
 हारभयो गरसों । अब सुन्दर सांवरो नन्दकिशोर कहै  
 हरिचन्द गयो घरसों । परसों को विताय दियो बर-  
 सों तरसों कब पांय पिया परसों ६ ॥ कवित्त ॥ आयो  
 परवाना पात डार छांह तम्ब तानि कोकिलादिवान  
 बोर तोर पतनावै चुनि । छडीदार कैलिया पहार  
 देति आठों आम बायूफूल सेजिया मजेजिया बिक्र-



तुनि । भगडालालसेमर सुगन्ध हरिकारा वर बाजत  
नगारा जो मलिन्दगगागावैधुनि । शवद दराज भोदि-  
वाकरज पक्षिनके दक्षिणाके देशऋतुराज आज आवै  
सुनि ७ बिरही दुखारी कामकीन्हो अतिकारी चञ्च-  
रीकगगा जारिदेश कियोहै देवारीसों । पेड़पत्तभारी  
कल कौलि बोली भारी शुभ सौरभ पसारीछीन छाये  
फूलवारी सों । भनत दिवाकरजू छाकैभये कोकिल  
बसन्ती सारी युवती शरीरपैन्है प्यारी सों । फरैलागे  
बिटप बेलाके फूल फूलैलागे व्यापै लगे सबमें वसन्त  
बायुदारी सों ८ पुनि शरशालक मरिन्दन लपटिकर  
दक्षिणासे आइ शुभलागत शरीरमें । मन्दमन्द चालसे  
मरालके लजात तात बपुह्वै पवित्रतानहाये गङ्गनीरमें ।  
सुखद सुहावन सुहावन सुनीश मन नारी सों नवोढा  
गतिचले अति धीरमें । भनत दिवाकर सुधासों निशि  
सनी प्रात जानी क्या बहार है वसन्तके समीर में ९ ॥  
सवैया ॥ आज सुभायनहीं गई बाग बिलोकि प्रसूनकि  
पांतिरही पगि । ताहि समै तहँ आयेगोपाल तिन्हें लखि  
औरो गयो हियरो ठगि । पै द्विजदेव न जानि पखोधैं  
कहां त्यहिकाल परे अँशुवा जगि । तूजो कहै सखिलोना  
स्वरूप सो में अँखियान में लोनी गई लगि १०  
फूलनदे अबै टेसू कदम्बन अम्बन बौरन छावन देरी ।  
रो मधुमत्त मधूकन पुंजन कुंजन शोर मचावन देरी ।  
क्योंसहिहै सुकुमारि किशोरि अरी कलकोकिल गा-  
वन देरी । आवतही बनिहै घर कन्तहि बैरी वसन्तहि



आवन देरी ११ नौलवसन्त उठे अकुलाय सुने कल  
 कोकिलकी किलकारी भाँवरै सी भरै साँवरै साँवरै हात  
 निछावर ते सहचारी । देव दुहं को दुहं दुरिके रँग  
 है पठई अँग अँग उजारी । केसरिया खुलै नन्दकिशोर  
 किशोरी कि केसर की रँगी सारी १२ मदमाती  
 रसाल कि डारनपै चढी आनँद सों यों विराजती हैं ।  
 कुल जानिकि कानि करै न कछु मन हाथ परायहि  
 मारती हैं । कोऊ कैसे करै द्विज कहै नहिं नेको  
 दया उर धारती हैं । अरी कौलिया किकि करे जनकी  
 किरचै किरचै किये डारती हैं १३ भोरिसे कौने लिये  
 बनबाग ये कौने जु आँवनकी हरिआई । कोयल काहे  
 कराहति है बन कौने चहं दिशि धरि उडाई । कैसे  
 नरेश बयारि बहै यह कौन धौं कौने सों माहुर नाई ।  
 हाथ न कोऊ तलाश करै ये पलाशन कौने द्वारि  
 लगाई १४ आयो बसन्त दहन्त सखी घर आयो न कन्त  
 न पाये संदेशन । शंभु कहैं पथिकाये सबै अरु कोऊ  
 बिदेशी रहे न बिदेशन । चन्द्रमुखी दुगते अँशुवा दु-  
 रिआनि पड़े कुचयाही अँदेशन । मानो मयंक सरोजन  
 में मुक्ताहल लैलै चढावै महेशन १५ ॥ कवित्त ॥ जब  
 ते हमारे प्राणायारे हैं पधारे उत धीर नहिं धारे जात  
 पीरहि यमैं जगैं । शीतल समीर भयो तीर कालिन्दी के  
 तीर बीरबलवीर बिन नीर दुगते डगैं । केशरी समान  
 जब निरह परै हैं भान योग ज्ञान ये गयन्दयूथ तबहीं  
 भगैं । बोली कोकिलान की करै हैं शलहज हमैं ऊधो



ये कदम्बन के फल गोली से लगें १६ औरै भांति  
 कुंजन में गुंजरत भौर भीर औरै डौर भौरन में बौरन  
 के हूँ गये । कहैं पदमाकर सो औरैभांति गलियान  
 छलिया छबोले छल औरै छबि छवैगये । औरै भांति  
 बिहग समाज में अवाजहेत ऐसे ऋतुराज के न आज  
 दिनद्वैगये । औरैरस औरै रीति औरैराग औरैरंगऔरै  
 तन औरै मन औरैबन ह्वैगये १७ पात बिनकीन्है ऐसी  
 भांतिगगाबेलिन के परत न चीन्हैजे ये लरजत लुंजहैं ।  
 कहैंपदमाकर बिसासीया वसन्तकेसो ऐसेउतपात गात  
 गोपिनके भुंजहैं । ऊधोयह साधोसां सँदेशो कहिदीजो  
 भले हरिसौं हमारे ह्यां न फले बन कुंज हैं । किंशुक  
 गुलाब कचनार औ अनारनकि डारनपै डोलत अंगा-  
 रन के पुंजहैं १८ ॥ सवैया ॥ ब्रूभतुहौ कहाबाकी दशा  
 भुवनेश ज बात वृथा बहिजायगी । सांची कहेपतिया-  
 हुनहों नहिं कांची कछू हमसों कहिजायगी । आश नहीं  
 बचिबेकी अबै पर प्यारीजऊरहते रहिजायगी । बीस  
 बिसेवन फले पलाशन देखि अंगारन सों दहिजायगी  
 १९ कोकिल कूकि कलोलकरै कलकोइल कूजै नि-  
 कुंजन में । कीर उदोत कपोतके गोत छके सदसोंरव  
 गुञ्जनमें । किंशुककेतकि कुन्दजुही बिकसो भुवनेशज  
 पंजन में । काहे न ऐसी समै अलितोहिं सोहातअहै  
 रसभुंजन में २० ॥ कवित ॥ कालित कमण्डल कमल  
 कलिकाके करि किंशुक कुसुमवर अम्बर सुहायोहै ।  
 ठौर ठौर भौरनकी अगोप माल सौर सजै हैं रसाल



जटाजटसों बढायो है । शिष्यन के गीतकीर कोकिल  
 कपोतसंग पढ़े हैं उमंगचहं ओरशोर छाये है । कन्त  
 बनमाली को पढाये लालीसों लसन्त आलीरी बस-  
 न्तधनि सन्त बनिआयो है २१ गानकोकिलान के सु-  
 बाँसुरीकि तानमनोसजें बनमाल फूलजालये अनन्त हैं ।  
 सोहत समद अलि कोकनद पै भूपात मुख पै प्रभात  
 जनु लोचन लसन्त हैं । उडत परागपट पीत फहरात  
 सोईहियो हहरात बिरहिनिको तुरन्त हैं । आयोरी  
 बसन्त श्यामाकन्त को बनाय बेस देखो बिलसन्त यह  
 कैसो छविवन्त हैं २२ ललितलता के नवपल्लव पताके  
 सजें बजें कोकिलान के सुकलगानकेनिशान । ठौरठौर  
 मोरन पै भौरभोर भौरकरें दौर दौर गावत नकीवन  
 की तौरगान । फूलनकी सैन सैन सैनसीकरे हैं चैन शी-  
 तल सुगन्धमन्द मारुतचलतबान । सजिके समाजसाज  
 बिरही बिकल काज सहे बजराजकृतुराज आज हरे  
 प्रान २३ जामें पंचसुर धुनि सुखसा बिराजि रही देखे  
 सुविनोदमें सुवास सदागति है । कुन्दनकिकला चहुं ओर  
 भलामलै हाति मनो उमापति की उदेत ज्योति अति  
 है । साधव सेवै रसाल बिकसे विशाल बेला ठौर ठौर  
 जामें शुकवाणी हुलसति है । किधौं सुखराशी है बसन्त  
 कृतु दोनयाल किधौं अबिनाशी पुरीकाशी बिलसति  
 है २४ सबकुल यूथ मिलि बन्धु जीव सोहत हैं कसरमें  
 अम्बरसुखगजनवास है । करै अलिगान फिरै भौरी मुद  
 भी मुद चहुं ओर आवत गुलाबकी सुवास है । सजै अति



मुक्त द्युति भालरति काननमें कुन्दन की कला फैलि  
 रही आसपास है। सौरहैरसालरहें शाखाद्विज दीनदयाल  
 दयाहको समाजधों वसन्तको प्रकास है २५ सो है शुक  
 बाणी चहुँ ओर मंजु कानन में यदपदी धुनिप्रात बेली  
 बिलसन्त हैं। केतकि अशोकपरसेवत सुधीरद्विज बोलत  
 रसाल सुमनस बिकसन्त हैं। तरुणीके देखनको नैनन  
 नचावैं जित साधवों सुरतियुत बात बिकसन्त हैं। उ-  
 पजैं विशाल रुचिदेखतहीं दीनदयाल किधों सन्तसभा  
 किधों शोभित वसन्त हैं २६ ॥ सबैया ॥ नागरसे हैं खडेत रु  
 कोऊलिये कर पल्लवमें फलफूलन। पाँवड़े साजिरहे हैं  
 कोऊ कोऊ बीथिन बीच पराग दुकूलन। फूल भरें  
 द्विजदेवके ऊपर काननमाहँ कलिन्दजाकूलन। आ-  
 गममें ऋतुराजके आज सबै विधिखोये सबै निजशालन २७  
 कवित ॥ औरै भांति कोकिल चकोर ठौर ठौर बोलैं  
 औरै भांति शबद पपीहनके छवै गये। औरै भांति पल्लव  
 लिये हैं वृन्द वृन्द तरु औरै छवि पुंज कुंज कुंजन उनै  
 गये। औरै भांति शीतल सुगन्ध मन्दडोलै पौन द्विजदेव  
 देखत न सेसे फलहै गये। औरै रीति औरै रङ्ग औरै साज  
 औरै संग औरै बन औरै छन औरै मन है गये २८ ॥  
 सबैया ॥ देखतही बन फूले पलाश बिलोकतही कहु  
 भौर कि भीरन। बावरीसी मति मेरी भई लखि बावरी  
 कंजखिले घटे नीरन। भाजिगयो कटि जानहि येते न  
 जानि परयो कब छोड़ि कै धीरन। कन्धन कौनके लो-  
 चन होय पराग सने हरसात समीरन २९ ॥ कवित ॥



फेरि वैसे सुरभि समीर सरसान लागे फेरि वैसे बेलि  
 मधुभारन उनैगई । फेरि वैसे चहँकि चकोर चहँ और  
 बोले फेरि वैसे कौलिया कि ककन चहँभई । द्विजदेव  
 फेरि वैसे गुनी भौर भौरै फेरि वैसेही समय आये  
 आनंद सुधामई । फेरि वैसे अंगन उमंग अधिकाने फेरि  
 फेरि वैसे कछूक मति मेरी भारी हूँगई ३० फेरि  
 वैसे बेलिमन्द डोलन चहँघा लगीं फेरि वैसे फूलनपै  
 मन्दभरि लागीहोन । फेरि वैसे भसिभई बासित  
 सुवासन सेां फेरिवैसे पूरितपरागन भयेहैं पौन । द्विज-  
 देव फेरिवैसे सोहे तरु धुंज कुञ्जकुञ्जनमें फेरिवैसे मार  
 हूँगयेहैं मौन । फेरि वैसे पलटिगईहैं गृहवापिकाऊ  
 फेरिवैसे पलटि गये हैं चारों और भौन ३१ फेरिवन  
 बोरैमन बोरैसे करनलागे फेरिसन्द सुरभि समीरहवै  
 कितन्तगो । फेरिधीर नाशन पलाशनमें लागी आगि  
 बहुरि बिरहिजुह डरपि इकन्त गो । द्विजदेव देखि  
 इन भाइन घराते फेरि जानिये कहांधों भाजि सोहि-  
 मन्त अन्तगो । फेरिउर अन्तर ते डगारि गयोई ज्ञान  
 फेरि वन वागनमें बगारि बसन्तगो ३२ ॥ सवेया ॥ फले  
 निकुंजघने द्रुम संजुल भृङ्ग लताननतान कहे । अतिशी-  
 तल मन्द सुगन्धघने चहुँ तीक्ष्णतातीर समीरबहे । धुनि  
 कोकिल कीर कपोतनके भरकानन कानन जातसहे ।  
 उरशालत शूलसमूह प्रताप बसन्तमें कन्तबसन्तरहे ३३  
 नित हेरत वार थकीं अखियां दुहं पावक से अंशुवान  
 बहे । दिनके गिनते घिस छोर गये जियरा अब धीर



अधीरगहे । कहियो इतने ई सँदेशा भूटू बिहुरे भलकैतव  
 काहकहे । अब पाहन सेां हियरोके प्रताप वसन्त में  
 कन्त वसन्तरहे ३४ ॥ कवित ॥ डालेहैं तमालपत्र पांवड़े  
 अवाई सुनि गावतहैं गुणीजन इतउतछाहके । फूलिउठे  
 कुन्दये मलिनंद वेग चाय उठे कूकिउठीं कोकिला क-  
 लापोचित्तचाहके । प्यारेआमबौरिउठे पक्षीगगा दौरि  
 उठे चांदनी चँदोवा जबलागे नरनाहके । गिलमें गुला-  
 बनकि गद्दीचारु चम्पनकि बाग बीच डेरे हैं वसन्त  
 बादशाहके ३५ तालनपै तालपै तमालनपै आलन पै  
 लालमाल बालपै रसाल सरसोपरै । पढ़ै कविरामचंद्र  
 कुन्दकुन्द बंदनपै चन्दनपै चन्दपै मलिनन्द दरसो परै ।  
 केकी केलकेसर करंज केतकी पै कंज कारकूल को-  
 किल कदम्ब परसोपरै । रंगरंग रागनपै संगही परागन  
 पै वृन्दावन बागन वसन्त बरसोपरै ३६ सुमन समुद्रहू  
 ते शीशमोर फन्दहूते चारुमुख चन्दते अनन्द दरसो  
 परै । पीतपट बसनहूते कुंदसे दसनहू ते मन्द बिहसन  
 हूते रससरसोपरै । मन्द रवितानहूते बंशीसुर गानहूते  
 मैनपैन बानते पराग परसो परै । भूषणा विशालहूते  
 लाल गुंजमालहूते पीर बनमालते वसन्त बरसोपरै ३७  
 पीरीतन सारीशीशपरते उत्तारिडारी जबते वसन्तऋतु  
 आगम जनार्इहै । पीरेपीरे भूषणा करनलागे पीर तन  
 बिना पीव प्यारे पियराई उरछाई है । ऋतु पियराई  
 सभा इंद्र मन भाई सखि हमैं पियराई दुखदाई होन  
 आईहै । जोई पियराई तनहूक हात मेरी आली सोई



सौति मालिन पियर फूल लाई है ३८ आये है  
 वसंत बौर बागन बसी है धूम बेलि पगपुंज अस पीरो  
 दरशान हैं । गुंजिरहे भौर ठौर ठौर फूले फूलनमें फवत  
 समीरमें सुगन्ध सरसान हैं । नन्दराम देखौ तो पपीहरा  
 पुकारत है पीउपीउ प्यारी के पियय अधरान हैं । कैसे  
 लाल चलिबे कि चरचा चलावत है ऐसे समे ऐसे बैन  
 बानके समान हैं ३९ लोकन सवाँरो तो सवाँरो ना बि-  
 गारो कहु लोकन सवाँरि नरनारिन सवाँरतो । कीन्हे  
 नरनारि तीन प्रेमको प्रचार देतो प्रेमको प्रचारो तीन  
 मैनको प्रचारतो । मैनको प्रचारो तो प्रचारो ना संयोग  
 देतो कीन्हे जो संयोग तो बियोगना विचारतो । नंद  
 राम कीन्हे जो बियोग बिधना तो भूलि बौरवन बा-  
 गन वसन्तना बगारतो ४० आसनमें आसन अकाशमें  
 आवासनमें आलिनमें आलिन कि आलिनमें दौरिगो ।  
 कहैं नन्दराम त्यों बिहंगनमें बागनमें वनमें विनोदनमें  
 बौरनमें बौरिगो । क्षितिमें कुबोलनमें क्षपामें क्षपाकर  
 में कुत्तिनमें छातिनमें छेकि छलछोरिगो । देखुरी वसंत  
 में बतावत है कन्त में नसारी सरसन्त में अंगारन बि-  
 थोरिगो ४१ फेरि वैसे कुंजनमें गुंजरन लागे भौर फेरि  
 वैसे कौलिया कुबोलन ररै लगी । फेरि वैसे पातन पै पूरि  
 गो परागपीत फेरित्यों पलाशनमें आगि सी बरै लगी ।  
 फेरि वैसे पपिहा पुकारै लगे नन्दराम फेरि वैसे धाम  
 धाम सौरभ भरै लगी । फेरि वैसे उधमी वसन्त विशवा-  
 सी आये फेरि वैसे डारन में डाकसी परै लगी ४२



आयो री वसंत कूकि कौलिया पुकारै लगीं हमसी  
 गरीबिनी को गात गारि डारैगी । मन्द मन्द मारुत  
 सुगन्ध सरसान लगीं ज्वाल को जगाइके जरुह जारि  
 डारैगी । नंदराम बागन में फलैलगीं बेली बन करिके  
 अधीरिनी सुधीर टारि डारैगी । येरीतशवीर तौदेखादे  
 मोहिं मोहन की आखिर कदम्बन की डारै मारि  
 डारैगी ४३ जालिम जुलुम दार जाहिर जहान जौन  
 डगर डगर बिष बगर बगरिगो । कहैं नन्दराम ब्रजगाम  
 कोगरीबिनिन रावरे की चेरिन पै बेरिनको मारिगो ।  
 ऊधोजी हवालकाहिदीजो नंदलालजूषां गोकुलकीगैल  
 गैल गजबगुजारिगो । फूलैनापलाश येपलाशके वसंत  
 बाजकाहिके करेजा डारडारनपै डारिगो ४४ ॥ सवेया ॥  
 लागे अनारन पांडर डारन देखत देव महा डर माचैं ।  
 मानरो भौरन अम्बके बौरन भौरनके गन मन्त्रसेंवां-  
 चैं । लागिउठैं बिरहागिनकी कचनारन बीच अनारन  
 आंचैं । सांचहु चारविचार कहैं पिकी नाचेबनैगीवसंत  
 किपांचैं ४५ ॥ कवित ॥ देशबिन भूपति दिनेशबिनपंकज  
 फणेशबिनमणिऔर शशबिनयामिनी । दीपबिनगेह  
 औसुगेह बिन संपति औदेह बिन देहघनमेह बिनदा-  
 मिनी । कवितासुखंदबिन मालती मलिंदबिनसर अ-  
 रविन्दबिन हातछावि छामिनी । दास भगवंत बिन संत  
 अतिव्याकुल वसंतबिनलतिका सुकंतबिनकामिनी ४६  
 कूकि उठीं कौकिलान गंजि उठी भौर भौर डोलि उठे  
 सौरभ समीर सरसावने । फूलि उठीं लतिकाहू लौगन



किलोनी लोनी भूलि उठीं डालियां कदम्ब सुख पा-  
 वने । चहँकि चकोर उठे कीरकरि शोरउठे ढेरिउठीं  
 सारिका बिनोद उपजावने । चटकि गुलाबउठे लटक  
 सरोज पंज खटकि सराल ऋतुराज सुनि आवने ४७  
 सवेया ॥ पीयबिदेश गये जबते तबते सखिकेतो उपाय  
 करंती । चांदनी ओरन कोरकरै मरिा मन्दिर भायै  
 कथा गुणावन्ती । नीर तडागनको निकरायकै हैबिन  
 कीरति रूपकिगन्ती । डौंडीफिरी ब्रजमें चहुंधा जनि  
 कोई रँगै अब चीर बसन्ती ४८ शोभितहै मरिामन्दिर  
 में बहुधा चिक शुभ्रतहां दर्शंती । शोधेसनी पर्यंक पै  
 प्यारी लसै कुच कंचुकी आप धरंती । ताहीसमय पर-  
 मेश भनै पति आयो लखे बिहँसी गुणावन्ती । द्यंगय  
 सन्यो तिनबैनठन्यो घनप्रयाम बन्यो तुमबाग बसंती ४९  
 जोहित तोहिं पठायेहुती कहतीनहिं आली बड़ीगुणा-  
 वन्ती । नैन लजीले सोढीलेपरे बँद कंचुकी आननकी  
 दरशन्ती । भायै प्रमेश तिहारी खुतीं अलकें चहुंधा  
 सुचियां लटकन्ती । आप गंभीर तु हे सतिधीर दियो  
 किन वीर सुचीर बसन्ती ५० रैन कि चैन बितायो  
 कहं किबिना गुनमाल लसै यहपंती । नींदभरे दरशात  
 दुअौ दृग देखत राजिरही असुगान्ती । जावक अंजन  
 रेखदियो विश्वनाथ कहै वैतिया गुणावन्ती । सांची  
 बताओ कृपाओनमोसन पायोकहां यहसारी बसंती ५१  
 कबित ॥ योगलागे चलन वियोगसें वियोग लागे लोग  
 लागे सेवक संयोग सुख साजते । गन्धलागेसौरभी द्वि-



रेफ होन अंधलागे तरुके प्रबंधलागे फूलनकी छाजते।  
 रौनलागे बिहग सुपौन मोन गौनलागे होनलागे नाच  
 राग रंगऊ समाजते । संतलागे कांपन अनंत काम तन्त  
 लागे अंतलागे सिसिर वसंत लाग आजते ५२ वरन २  
 तरु फूले उपवन बन सोई चतुरंग संगदल सजियतु है ।  
 बंदीजिसि बोलत बिरदबीर कोकिलहै गुंजत मधुप  
 गान गुण गाहियतुहै । आवै आसपास पुहुपनकीसुवास  
 सोई सौंधेके सुगंधमाँझ सनेरहियतुहै । शोभाकोसमाज  
 सेनापति सुखसाज आज आवत वसंत ऋतुराज कहि-  
 यतुहै ५३ मलैगिरिमारुतके सिसि बिरहाकुलनि दिशि  
 दिशि व्यालनको विषवगराघोरी । तापर किशोरतैशो  
 पंचमन बलराग कोककी कलान भीनो कोकिलन  
 भायोरी । कोनसुनि मोचैमान लौचैकोन मिलनको  
 शोचैकोन श्यामदेखि नेहसरसायोरी । आसनके भौर  
 लागे अंकुरन सौरलागे भौरलागे भ्रमन वसंत अब आ-  
 योरी ५४ अवनिते अंबरते दुमनि दिगांवरते अपर अडं  
 वरते सखि सरसोपरै । कोकिलकी कूकनते हियनकी  
 हूकनते अतन भभूकनते तनतरसोपरै । कहत किशोर  
 कंज पुंजनते कुंजनते मंजुअलि गुंजनते देखुदरसो परै ।  
 वसनते वासनते सुमनसुवासनते बँहरतेबनते वसंतवरसो  
 परै ५५ कोकिला कलापो कूजें यमुनाके नीरतीरबीर  
 ऋतुराजको समाज दरस्योपरै । भनत किशोर जोरअ-  
 वनि कदंबनिते मंजुमंजरीनते सुगंध सरस्योपरै । काम  
 व्यग्रामेटनको सुखद समेटनको भेंटनको पीतमको प्राण



तरस्योपरै । अवनिते अंबरते द्रुमनिदिगम्बरते बैहरते  
 वनते वसंत वरस्योपरै ५६ कूलनमें केलिमें कछारनमें  
 कुंजनमें क्यारिन में कलित केलीन किलकंत है । कहै  
 पदमाकर परागनमें पौनहूमें पातनमें पिक्कन पलाशन  
 पगंतहै । द्वारमें दिशानमें दुनीमें देशदेशनमें देख्यो दीप  
 दीपनमें दीपति दिगंत है । वीथिनमें ब्रजमें नबेलिन में  
 बेलिनमें वननमें बागनमें बगखोबसंतहै ५७ तरुपत भा-  
 रनमें किशालित डारनमें रमित पहारनमें द्युतिमें दिगंत  
 है । त्रिविध समीरनमें यमुनाके तीरनमें उदित अवीरन  
 में भलाभलकंतहै । छायरह्योगुंजनमें अलिपुंज कुञ्ज-  
 नमें गानमें गोपाल ऐसेा रूपदरशंतहै । फूलमें दुकूलमें  
 तडागनमें बागनमें डगरमें बगरमें बगरो बसंतहै ५८ देश  
 में दिशानमें लतान द्रुमबेलिनमें कुञ्जनमें कञ्जन में रङ्ग  
 दरसानोहै । पल्लवमें पौनमें परागहूमें किशलयमें कुसुम  
 कलीन अलिगुंज सरसानोहै । हारनमें क्यारनमें फूल  
 कचनारन में झारन पहारनमें मोद सरसानोहै । विरिछ  
 अनन्तनमें लतिकानतन्तन में दशदिशि अन्तन वसन्त  
 वरसानोहै ५९ अवनि अकाश अंबुअनिल अनलआभा  
 औरै भांतिभईजो मनेज सहिसन्त की । करजनिमान  
 या दिशान ह्वैगईहै मन्द मति ह्वैगईहै सब जान जग  
 जंतकी । कहत किशोर जोर जरनकुयोगिनको भोगिन  
 को भावनि वियोगिन के अन्तकी । लहलही उमगते  
 लखि लसिरही तैसी लहलही लौदन में लहरि वसंत  
 की ६० आयो ऋतुराज फुले सुमन समाजभयो असल



अकाश बहै पवन हँहँहँ । लपटे लतानसें तमालनके  
जालमौरे अमित रसालते विशाल मनकों हँहँ । कहत  
किशोर किल कोकिला चकोर नहीं गनै सांभ भोर  
चारोंओर शोरको करें । आनंद मगन कैसी लगन ल-  
गाये देव मंदिरन कुञ्जकुञ्ज अलिपुञ्ज गुञ्जरेँ ६१ मेरे  
मेरे मौर तरुमञ्जरीन मौलि आली गंध गुणमयी मंद  
मारुत भुंकारेलेत । नवल किशोरी लोनीकंपयुतलति-  
कान लपटि लपटि रस आनंद अथोरेलेत । गरलकि  
गाँठसे गठेसे गठे शिरकटे फिरत अमान मानगढ़ हठि  
छोरेलेत । कामकैसे चारऋतुराज कैसेसहचर चाँचरि  
करत चंचरीक चितचोरेलेत ६२ मंजुमलयाचलके पौन  
के प्रसंगनते लाल लाल पल्लव लतान लहकैलगे । फूलै  
लगे कमल गुलाब आववारेघन शंकरपरागभू अकाश  
अहकैलगे । बोलैलगीं कोकिल भनन्त भौर डोलैलगे  
चोपसों अमोलै मकरंद चहकैलगे । नेकीना अटक  
चहयो कामको कटक चारु चारोंओर चटक सुगन्ध  
महकैलगे ६३ गौनहदहेन लागे सुखद सुभीनलागे  
पौन लागे विषद वियोगिन के हियरान । सुभग स-  
वादिले सुभोजन लगनलागे जगन मनेजलागे योगिन  
केजियरान । कहतगुलाब बनफूलनपलाश लागेसक-  
ल विलासन को समयो सुनियरान । दिन अधिकान  
लागे ऋतुपतियान लागे भान लागे तपन सुपान लागे  
पियरान ६४ मलय गुलाबीहाथ सुमन पियालेआले  
चटकगुलाब चाखचाखत बिचारोसो । कहै हरिकेश



मोद चारों ओर छाया जोर मधुर अलापें राग ताल  
 ककभारोसो । मुनिमन बसन लथारे नेहदोरे बलि हे-  
 रिभक्तभोरै करै कोरेपियप्यारोसो । सुरभी कलार  
 कंज सदन सुखाक्यो बाँको मन्दमन्द आवत मरुतमत  
 वारोसो ६५ बागनमें चारु चटकाहट गुलाबनकिताल  
 देततालिया तुलनतुकतन्तकी । गुंजत मलिनंदवृन्द तान  
 सो उपजपुंज कलरवगान कोकिलान किलकन्तकी ।  
 गोकुल अनेक फूल फूलेहैं रंगेदुकूल भूमैआमबौरहाव  
 भाव रसवन्तकी । लहरै तरुन तरु छहरै सुगन्ध मन्द  
 नाचतनटोसी आवै बैहरि बसन्तकी ६६ मलयजगिरि  
 तरु कोशतेकढीहै चढी संजु मकरन्द पुंज पानिपअ-  
 पारसी । अलि वियबूझी बलिकहति कहाहै जापै  
 सौरभ की लहरि धरीहै खरधारसी । कहत किशोर  
 चारों ओर न वियमवेय प्रबल प्रचण्ड पेयि भरपन  
 भारसी । रहत न रोंकी बहैचाहति बियोगिनपै बै-  
 हरिवसन्तकी तिरीछी तरवारिसी ६७ सुरहीके भार  
 सूधे शब्द सुकीरन के मन्दिरन त्यागिकरै अनत कहं  
 न गौन । द्विजदेव त्याहीं मधु भारन अपारन सों देखु  
 भुकि भुमि रहे मोगरेमरुवदौन । खोलि इन नैननि  
 निहारैतौनिहारै कहा सुखसा अभूत आयरही प्रति  
 भौन भौन । चाँदनी के भारन देखात उनयो सो चन्द  
 गन्धहीके भारनबहत मन्दमन्दपौन ६८ द्रुमडार पलना  
 बिछौना नवपल्लवके कुसुम भँगूला तेई तन सुखसारी  
 दै । पवन भुलावै केकीकीर बतरावै मिलि कोकिल



हिलक झुलरावें करतारीदै । भरत परागते उताखो  
 करै राईलोन कुन्दकली नायिकालतान पुचकारीदै ।  
 मदन महीपज को बालक वसन्त ताहि प्रातही जगा-  
 वत गुलाब चुटकारीदै ६६ मल्यो उर आनंद अपार  
 मैनसोवताहि पायसुधि सौरभसमोरन मिलनकी । नेह  
 के झकोरन हिलाय उर दोन्हे सखि सुखमा लवङ्ग  
 लतिकान के हिलनकी । स्वपन भयोधौ कैधैं साँचो  
 करतार इमि समुझत रीति लखि अङ्ग शिथिलनकी ।  
 खिलिगयेलोचन हमारे एकवारसुनि आहत गुलाबनके  
 आखिल खिलनकी ७० चहँकि चकोर उठे शोरकरि  
 भौर उठे बोलि ठौरठौर उठे कोकिल सुहावने । खिलि  
 उठीं एकैवार कलिका अपारहिलि हिलि उठे मारुत  
 सुगन्ध सरसावने । पलक न लागी अनुरागी इन नैनन  
 पै पलटिगये धैं कबै तरु मन भावने । उमगि अनन्द  
 चँशुवान लैं चहँघा लगे फूलि फूलि सुमन मलिन्द  
 बरसावने ७१ हारैहारै डोलतीं सुगन्धसनी डारनते औरै  
 औरै फलनपै दुगुन फबीहै फाव । चौथते चकोरनसों  
 भूलेभये भौरनसों चारोंओर चरपनपै चौगुनी चढीहै  
 आव । द्विज देवकीसों द्युति देखत भुलानो चित्त दश  
 गुनी दीपति सों गहव गुच्छेगुलाब । सौगुनेसमीरहै स-  
 हसगुने तीरभये लाखगुनी चांदनी करोरिगुने माह-  
 ताब ७२ गुंजरनलागीं भौरभीरकेलि कुञ्जनमें कौलिया  
 के मुखते कुहकनि कहैलगी । द्विजदेव तैसीकछूगहव  
 गुलाबनते चहँकि चहँघा चटकाहट बढैलगी । लागेसर-



सावन मनेजनिज ओजरति बिरही सतावन की बतियाँ  
 गढैलगी । होनलागी प्रीति रीति बहुरि नईसी नवनेह  
 उनईसी मतिमोदसों मढैलगी ७३ पाँखुरीलै साजी सेज  
 सेवतीकी बेलिन चमेलिनहँ सरसवितान छविछाईहै ।  
 फँल्यो चहँ ओरन गुलाबनको गंधधूर धुंधुरित सौरभी  
 समीर सखदाई है । चारों ओर कोकिल चकोर मार  
 शोरनसों ओर क्षिति छोरन अनंद अधिकाईहै । आज  
 ऋतुराजके समागमके काजहेत धामधाम बेलिन के  
 आनंद बधाईहै ७४ गुंजरनलागे भौर ठौर ठौर कुञ्जनमें  
 लाग्यो बेलि पंजन दबासो कामजुरको । बेलन लगेहैं  
 पिक चातक चकोरमार बँधिगयो सरस सनाको एक  
 सुरको । काम बनबानिक विलोकि इहि भाँति दीह  
 दुरिदुरिजात दुख कौनके न उरको । बंद भयो चाहत  
 सुरेशको समाज आज मंदभयो चाहत अनंदसुरपुर को  
 ७५ कुंजलागे लसन प्रसन विकसन लागे रसन सुगन्ध  
 मकरंद की भरीन के । भौरन के पुञ्ज मंजु गुञ्जरन  
 लागे बन जाललागे धरन रसाल मञ्जरीन के । छाई  
 छवि शेषर वसन्त की अवाई ब्रज लागो मोद बहन  
 विनोद की भरीनके । रंगलागेचढ़न उमंगऊबढ़नलागे  
 संगलागे कढ़न सुहाये सुंदरीनके ७६ गांवने धमारिको  
 सुलागत सुखद महा धावने समारुत को आनंद अनंत  
 को । चावने बढावने भो आलिन को गन गुनि हिय  
 हुलसावने भो कोकिल भनंतको । मरिादेव भनतकलेश  
 को परावने भो अङ्ग उमगावने भो देखेपदकन्तको ।



छावनेा गुलाल को सुहावनेा लगत आली भावनेा ल-  
गत मोहिं आवनेा वसन्त को ७७ बीर सौर किंशुक  
सुकङ्कन कलित सौर भूषणा सुफूलके परागपट भायो  
है । ठाकुर पताके पतालाल कञ्ज सिंहासन कुञ्ज भेद  
पालकी गयंदरथ छायोहै । पौनहै सुदौर बने विरिछ  
बराती तौर भौर चोपकादि बोल बाजने बनायो है ।  
जोहनसे मोहन बहारबनरीहै संग सोहन वसन्त बंदरा  
सो बनिआयोहै ७८ पीरोफूल चम्पक को शोभियत  
कर्नफूल तैसोहि दुकूल अतिसरस सुहायो है । लहंगा  
है पीरो कुचकंचुकी सुहात पीरी पीरिहीशरीरमाने  
केसरि लगायो है । मोतिनकोमाल गर सोहै बनमाल  
पीरी पीरोपोखराज नगजटित जरायोहै । कञ्चनकी  
भूमि तामे धरै पग भूमिभूमि देखो ब्रजचन्दजू वसन्त  
बनिआयोहै ७९ नैन अरविन्द मकरन्द रस भरे सोहैं  
भूषणा विविध फूल बन छबिछाईहै । कोकिल बचन  
बरअधर सुपलव से कुन्दकली दन्त द्युतिदीपति सुहा-  
ईहै । चम्पक सुमन गात सौरभ हंसन बात फौज भौर  
भीर सङ्ग सखी समुदाईहै । प्यारे ब्रजराजजसों उमगि  
अनङ्ग प्यारी खेलन वसन्त को वसन्त बनिआईहै ८०  
सरस सुधारी राजमन्दिर में फूलवारी भौर करें शोर  
गान कोकिल विरावके । सेनापति सुखद समीरहै सु-  
गन्ध मन्द हरत सुरत अमशीकर सुभावके । प्यारी  
अनकूल कहं करत करनफूल कहूं शीशफूल पांवड़ेऊ  
मृदुपावके । चैतमें विभात साथप्यारी अलसात लाल



जात मुमुकात फूल चुनत गुलाबके ८१ रङ्ग रङ्ग फूली  
 बेलि बिरुप अनेक सङ्ग देवकी नंदन कहै शोभायों  
 अनन्तकी । विविध समीर डोलै बोलै पिक प्यारे बाल  
 पुञ्ज अलि गुञ्ज गति मोहै सैन मन्तकी । सखिन स-  
 मेत साजे जेवर जराऊ सबै बसन बसन्ती शोभा भारी  
 प्यारी कन्तकी । वेशबङ्गलामें वेश सुनत बसन्त राग  
 बागवन बनक बिलोकत बसन्तकी ८२ विषहि बगा-  
 खोचहै बात मलयाचलकी गिली उगिलीहै बरव्याल-  
 न के जालकी । बाडवको सङ्गी विधुभयो है कुठङ्गी  
 याते क्यों न करै चहंओर चांदनी जवाल की । कहै  
 शिवकवि फूले कुटिल पलाशकूर जानै कहा बात काहू  
 दीन प्रतिपालकी । प्यारी बिन देखिये बसन्त में अ-  
 चम्भो सक शालतहिये है मृदु मञ्जरी रसालकी ८३  
 फूलेंगे अनार कचनार नहसुत आम फूलेंगे सिरिस औ  
 पनसफल शूलेंगे । फूलेंगी सुपांडर औ मालती अमि-  
 लतास सेमर पलाश फूलि आगिरूप तूलेंगे । फूलेंगे  
 कनैर माधवी चमेली रघुनाथ फूलेंगे गुलाब जिन्हें  
 देखि चेत भूलेंगे । बिरहको बिरवालगायो जौनकन्त  
 सखी आवत बसन्त कहौ वहौ अब फूलेंगे ८४ भूले  
 भूले भौरभाँवरै भरेंगे चहं फूलि फूलि किंशुकजकैसे  
 रहिजायहैं । द्विजदेवकी सां वह कूजनि विसारि कूर  
 कोकिल कलङ्की ठौरठौर पछिताय हैं । आवत बसन्त  
 केन ऐहैं जोपै प्रयास तोपै बावरी बलाय सां हमारेह  
 उपायहैं । पीहैं पहिलेहीते हलाहल मँगाय या कला-



निधिकी एकोकला चलन न पायहैं ८५ विकसी बस-  
 न्तिका सुगन्ध भरी शिवकवि औरैठङ्क भये बन कुञ्ज  
 की घलीनके । कोकिल के कल कल कल नहिं देत  
 पल चारोंओरशोर सखि सुनिये अलीनके । ऐसीसमै  
 मानप्रानपतिसोंन कीजियेरी मेटिवेको मान माननीकी  
 अवलीनके । देखो रतिराज काज ऋतुराज कारीगर  
 गुरुजबनाये हैं गुलाब की कलीन के ८६ कोकिलन  
 खोजिन को सङ्गलै अनेकफिरै चारोंओर प्यारी बि-  
 रही जनके खोजको । यातेहैं कहति चलुप्यारे सुख-  
 दानपास तजिकै अयान दूरकैरीमान सौजको । मरिा-  
 देव भनत रसालन के बौरनके भौरन ये सोहत धरे हैं  
 महाओज को । दायक व्यथारी ऋतुनायक लिये  
 हैं बर घायक परमदीवे शायक मनोजको ८७ बोलै  
 लगीं कोयलै औ कोकिला कलोलैलगीं डोलि डोलि  
 सुखद समीर लाग्यो परसै । फूले द्रुम पुञ्जन पै गुञ्जन  
 मधुपलागे मंजुफूल वृन्दलागे मकरन्द बरसै । शेषर  
 धमारिन की धूमसी मचन लागी मैन लाग्यो नचन  
 नवेली नेहसरसै । कन्त बिन कैसे अन्तधीरज धरैगी  
 आली मानगढ अन्तक बसन्तलागोदरसै ८८ तारे जहाँ  
 सुभट नगारे पिकनादतहाँ पैदलचकोर कोरबांधे बंद  
 वेशकी । गुञ्जरत भौर पुञ्ज कुञ्जरत मोर जहाँ पौन  
 भकभोरघोरघमक हमेशकी । भनत कबीन्द्रसरफौज  
 है बसन्तआली मिलेतन्त कन्तसो मनोजमान वेशकी ।  
 मानवारीगढी पै गुमानढाइवेको बढी चढीहै सवारी



या निशाकर नरेशकी ८६ सदमतवारे भारे भौरगज  
 गुञ्जरत मुनिजन देखि गीतगावत उमाहके । कोकिल  
 नकीब बोल करत कलोल आगे पौनहरकारे आली  
 छूटे चित्तचाहके । मोहन मुकबिजीति शिशिरतगीर  
 कीन्हे बशकरि लीन्हे देशरहेना निबाहके । यहजिय  
 जान मान करना गुमान आली डेरापरे बागन बसन्त  
 बादशाहके ८० बोलि कै मलिन्दवृन्द करखा सुनावै  
 शोर दुन्दुभी धुकार बोलै कोकिला अगाहके । बन्दी-  
 जन बिरद पपीहा बोलै बार बार खोलै खुशबोई तरु  
 सुमन अबाहके । चटकै गुलाब चहंओर ते चटाचटके  
 मानो जंगजीति बाढिदागत सिपाहके । परीहै पुकार  
 बिरहीनिन के द्वारद्वार डेरेपरे बागन बसन्त बादशाह  
 के ८१ शरसहकार शीशबौरनके तारकरे मारन की  
 बाणी बेशबाजै रतिनाह की । परिभृत बन्दीजन बेहद  
 बिरदबोलै भंभापौन ढाढीलखि बाढीपीर दाहकी ।  
 कहै प्रहलाद कवि किंशुक त्रिशूल फल शूलउपजावै  
 कहागति है निबाहकी । बिरही बचैगैकैसे चाहकरि  
 अन्तहेत चढी फौज प्रबल बसन्त बादशाहकी ८२  
 कूक कूक कोकिल कठिन आंच फूंकैलगे दरपभ-  
 भूंकैलगे दमकन दाहके । डोलि डोलि विविध समीर  
 बीर तीखे तीर भोरैलगे साहस सिखाये नेह नाहके ।  
 कविसरदार लागे कठन बिसासी बीर तार लागे च-  
 ढन चहंघा चित्तचाहके । रोज रोज बढन सरोजन के  
 शीशभौर आजलागे पढन मनोज बादशाहके ८३



आयो ऋतुराज महाराज महिमराडलमें तेहि की दपट  
आगे शिशिर हिमन्त को । दुन्दुभी धुकार डफतालहू  
को भुनकार मेरे जान घंटा है सदन मय मन्तको । कवि  
हरिजन कहै प्यारी परवीन सुनो याको तौ बचाव  
है मिलन एक कन्त को । पूरणा प्रताप दिन प्रभुता  
बढ़त आवै कोकिला पढ़त आवै विरद बसन्तको ६४  
बलीको वितान मल्लीदल को बिछौना मञ्जु महलनि-  
कुञ्ज है प्रमोद बन राजको । भारी दरवार भयो भौरन  
को भीर बैयो सदन दिवान इतमाम कामकाज को ।  
परिणत प्रवीणा तजि माननी अमानगढ़ हाजिर हुजूर  
सुनिको किल अवाजको । चोपदार चातक विरदवृद्धि  
बोलैं दर दौलत दराज महाराज ऋतुराजको ६५ लसत  
कुटजवन चम्पक पलाश बन फूलीं सबशाखा जेहरति  
जनचित्त हैं । प्रवेत पीतलाल फूल जाल हैं विशाल तहाँ  
आछे अलि अछर जे काजरके सित्त हैं । सेनापति मा-  
धव महीना भरि नेमकरि बैठे द्विज कोकिल करत  
घोषनित्त हैं । कागदरँगोनमें प्रवीन हैं बसन्त लिखेमानो  
कामचक्रवै के विक्रम कवित्त हैं ६६ फूल फरमान  
छाप छपद दुहाई बास नूतन गजसाज देशू तम्बूदै प-  
रोरी है । केकी कारकून पिकवानी चिठिआई जमा  
विरह बढ़ाई छवि रैयत मरोरी है । शीतल बयारि  
बाद मापिरूप लीने हैरी उपज हमारे हरि ध्यान जो  
धरोरी है । आयो है बसन्त ब्रजलायो है लिखाय शेष  
जोन्हको जलेबदार कामको करोरी है ६७ बैयो बन



बीथिन बनाय दरबार नवपल्लव गिलिम औ गुलाबन  
 की गद्दी है । कीन्हे कीर कोकिल नवीन नवसिंदापात  
 भारिदैमिसिल दफतर कुलरही है । विरह पुरापै निज  
 असल लिखाय लायो हरे हरे चातुरी सों चाँपत चौ-  
 हद्दी है । कीन्हे सतलन्त निज सन्त औ असन्तन पै  
 काम क्षितिकन्तको बसन्त सुतसद्दी है ६८ माघसुदी  
 पञ्चमी के द्योस जे अबालखेलें लाल भये धारिके  
 गुलाल बरवेशको । कहैं कमनीयकवि जोहिके जुगुति  
 ऐसी मरिादेव विमल विलोकि बुधिदेश को । आगि  
 में अधूम भुंजैं तिनकोतेहायभनि कीबेफिरियाद महा  
 पायके कलेशको । प्रबल पलाशगनै अमित असन्त  
 जानि खाजि रहे विरही बसन्त बसुधेशको ६९ बौरै-  
 गे रसाल बतवागन विशाल सुनि कोयल कुहुकि  
 दिन रैन क्यों अतीतैगो । ह्वै हैं जो प्रफुल्ल मल्ली  
 मालती मतली बल्ली अवली अलीन काकलीन कल  
 गीतैगो । परिडत प्रवीरा बिनपीतमबहैगो पौन कौन  
 रतिरङ्गमें अनङ्ग जङ्गजीतैगो । बीतिगयो कैस्यो करि  
 शिशिर हेमन्त आली कन्त बिनकैसे या बसन्तकृतु  
 बीतैगो १०० घन नव बीथिन ते घर घर घेरिरहे लाल  
 पीरे लागत न जानि परै कारेसे । गावत समाज करे  
 आवत न बाज राजकरो ये निलज छकेछाकमतवारैसे ।  
 गोकुल बसन्तमें बियोगिनके जारिबेको होरीसीहिये  
 में हरयित निरधारैसे । भोजे मकरन्द सो पराग लप-  
 टाने देखो मधुकरडोलत फिरत फगुहारैसे १ मधुकर



माल बनेबेलिन के जाल पर कोकिल रमाल पर कु-  
हुक असन्द की । मन्द पौन शीतल सुवास भई वागन  
विलास भई कालिदास रास मकरन्दकी । देखिये  
सयान बैशाख में पयान करें कान्ह को दयान हेत  
गोपिनकेन्दकी । कैसे देखिजोहैं चढ़िचाँदनी महल  
पर सुधाकीचहल बसुधाकी चारु चन्दकी २ आवति  
चली है यह बियम बयारि देखु दबे दबे पायँन कि-  
वाँरनिलरजिदे । कौलिया कलंकिकिनको दैरी समुभाय  
मधुमासी मधुपालिन कुचालिन तरजि दे । आज  
बजरानी के बियोग को दिवस ताते हरे हरे कीर  
बकवादिनहरजिदे । पोपी के पुकारिबे को खोलैंज्यों  
नजीहन पपीहनके जूहन त्यों बावरी बरजिदे ३ फूल  
लाई फललाई नीके नीके दललाई बौरलाई बनितसु  
आइधन गावैना । हरलाल दोऊ करजोर कहैं तोसे  
बीर पीर औरहकी जानि हियो तरसावैना । नेहसर-  
सावैत न रंगवरसावै मोसों पंचशर पावककी चाँचर  
सचावैना ॥ चोवाचारुचन्दन अतरदरशावै जनि कंत  
बिनसालिनि वसन्त मोहिं भावैना ४ घसेघसे चंदन  
उसीरसीर नीरे धरो नीरलावे शीतल समीरलागैग-  
रमें । घोरो घनसाररी गुलाबजल धारन सों लावेदल  
नीके नलनीके नये नरमें । देउरी किवाँरें कोऊ नि-  
करो न द्वारें सुनो आवत बसंतयो पकारें घर घर में ।  
भूलसी गईहैं सुधि देखिफूली धूरिधारा हूलसीमचीहै  
विरहीन के नगर में ५ मलय समीर पीरकरिले अ-



धीरमोहिं नेसुक सुसीरनीरधीर न उधारिले । कहैहरि-  
 केशचन्दभारिले घरीकतूहं साँचो बियकंद चारुचाँ-  
 दनी पसारिले । अबहीं मिलत मोहिं नन्द के दुतारे  
 प्यारे तौलों तू उतार कारीकोकिलकहारिले । गारि  
 ले गरब गरबीले त अनंगकिन मेरे इनअंगन अनंगवान  
 भारिले ६ साँझहीसें दरपरदान देहैं दुरिरही एक  
 जियशंकाया कलानिधि कसाईकी । कन्तकी कहानी  
 सुनि अत्रगा सिहानीरैनि रंचकबिहानी यावसन्तअंत  
 घाईकी । कलकोननेको आली पलकोलगनपाई हरि  
 कितगई नींद नैननमें आईकी । कुहंकह्यो कोयल कु-  
 मतिमेंउधारेहुग जागिके जो देखैं ज्वालजरत जुन्हाई  
 की ७ प्यारे के बियोग आली उठी आगि वृन्दावन  
 जरतींसहेट कुजें सुन्दरी सहाँसहाँ । बीरे कचनारआँ-  
 चउठति पलाशनते कुसुमकरील डीठिपरत जहाँजहाँ ।  
 मंशाराम तिन्हें भेंटि आवत समीर बीर तयोजात तन  
 तालीलागति तहाँतहाँ । मृग अधमारे बिललातहैं भँ-  
 वरकारे कोयलह कोपलै पुकारती कहाँकहाँ ८ आव  
 हरकाय दे गुलाब खस केवडाको चन्दन चमेलीबेली  
 माधवी निवारीमें । जुहीसेनजुही जाहि चम्पक कद-  
 र्बामिली सेवती समेत एला मालती निकारीमें । रघु-  
 नाथ इनको विलोकियो न भावै हमें कन्त बिनआये  
 है बसन्त फलवारी में । भागिचलो भीतर अनारकच-  
 नारनते आगि उठी आवति गुलालाकी कियारीमें ९  
 कुञ्जकुञ्ज प्रतिगुञ्जरत देखुअलिपुंजकूकै कूर कैलिया



कहाँलौं धीर धरिबो । विविध समीर आनि तीरसे  
 लगतहि ये उमगै गँभीरपीर कैसे दिन भरिबो । कहै  
 शिव कविहाय प्रगट्यो वसंतसमै बिनबनमाली आली  
 भोजरूमरिबो । सेमर अपारन में किंशुक की डारन  
 में भयो कचनारन अंगारन को फरिबो १० पातबिन  
 कीन्हे ऐसी भांतिगनबेलिनके परत न चीन्हे जे वे ल-  
 रजत लुञ्जहैं । कहैपदमाकर बिसासी या वसन्तके सु  
 ऐसे उत्पात गात गोपिन के भुञ्जहैं । ऊधो यह सूधो  
 साँ सँदेशो कहिदीजो भले हरिसें हमारी ह्याँ न फूले  
 बन कुञ्जहैं । किंशुक गुलाब कचनार औ अनारनकी  
 डारन पै डोलत अंगारनके पुञ्जहैं ११ मंजु मलिकान  
 के मधुर मकरन्द हेत रिन्द ये मलिनन्द जित तित ते  
 पिलैलगे । जोहिजोहि चांदनी मनाये बिन मोहि मोहि  
 माननी समूह प्राणापतिन मिलैलगे । कहै शिवकवि  
 क्यों वसन्त बिनकन्त बीतै विविध समीर डोलिदाहन  
 दिलैलगे । किंशुक के जाललाल लाल बन बीथिनमें  
 फूलन के मिस आली आगि उगिलैलगे १२ लाललाल  
 केशुफूलिरहे हैं विशालसंग श्यामरङ्ग भेदुमानो मसि  
 में मिलायेहैं । तहाँ मधुकाज आय बैठे मधुकर पुञ्ज  
 मलय पवन उपवन बनधायेहैं । सेनापति माधव महीना  
 में पलाशतरु देखि देखि भाव कबिताके मन आयेहैं ।  
 आधे अन सुलगि सुलगि रहे आधे मानो बिरही दहन  
 कामकौलापरचायेहैं १३ कन्त बिनबासर वसन्त लागे  
 अन्तकसे तीर ऐसे विविध समीर लागे लहकन । सा-



नधरे साँग से चँदन घनसार लागे खेदलागे खरे मृग  
 मेदलागे सहकन । फाँसीसे फुलेललागे गांसी से गुलाब  
 अरुगाजअरगजा लागे चोवालागे चहकन । अंग अंग  
 आगि ऐसे केसरिके नीरलागे चीरलागे बरन अबीर  
 लागे दहकन १४ वेईदल फूलजिन्हें बाढत विलोकिफल  
 शल समते भये समल छवि सारीसो । सेवक बखाने  
 तेई ठौर ठौर भौरतहैं भौरन के तौर और ह्वै गये  
 महारीसो । शीतल समीर सोईपीरको करतहाय धाय  
 धाय परत पराग रागधारी सो । जायन कहन्त कोई  
 कीजै कौन तन्तराम कन्त बिन ह्वैगयो वसन्त अन्त-  
 कारीसो १५ किंशुक समान के निशान फहरानलागे  
 बन्दीजन भीर भारी भौरह गलाकरैं । पञ्चशर साथ  
 हाथ लीन्हे है नवीनशर शीतल सुगन्ध मन्द मारुत  
 चलाकरैं । बगरि उठे हैंरी विलोकि बैरी चहं और  
 ह्वैं करिधावैं भटकहै कोकिलाकरैं । हाथ बिन कन्त  
 को सहाय करै मेरी अब आवत वसन्त बिरहीन पै  
 हलाकरैं १६ बिटप लताकढी है चाप दापसी बढीहै  
 सेसर चढीहै अली अवली सुधरिके । सुमनसुमन जाने  
 वेई शरसँचिताने महा बियसाने जेपराग रहेभरिके ।  
 अहत बिचाखो चटकाहत कलीनपाखो माखो यह  
 चाहत मोबारक अकरिके । जैहैं जरि मैत्र आजु जौ-  
 हरके तोहींपर पावक शिखा पलाश पल्लव पकरिके  
 १७ फूलनलसन्त सतो अनल अनन्तराजैं बाढयो काम  
 तन्त सो वसन्त की बहारमें । धुंधुर परागत धुवांकी



धुधुकार हेरि हारनमें है नहीं अगारन अगारमें । दहर  
दहर बन देखिके कहरत्यागि लागियापहर दुख सा-  
गर के पारमें । साशन सां सैन के विनाशन को देह  
करु आशन को सेवक पलाशनकी डारमें १८ हारन  
में फूलको विदारन विदारनते धारन कस्यो न दुख  
धारन को पारपै । कौलिया कि कूकनि अचूकनि  
शरणा खाय टूकन भयो पै गयो हूकन की डारपै ।  
सालकारि सालन रसालन के सालनकी कीन्हे सौर  
मालन उतालन सुतारपै । साशन सां सैन के विनाशन  
को देहकरु आशन को सेवक पलाशनकी डारपै १९  
मदनमहीपको समन्त बलवन्तदिशि विदिशनि बी-  
रालै वसन्त उठिधायेहैं । करतनवारन अवारन प्रताप  
जाको शङ्कर बखानैयों अजब गुनगायेहैं । फिरत दो-  
हाई भौर भौरन के व्याजकूर ललकारैं कोकिलकी  
कूकनि गनाये हैं । फूले ये पलाश केन फूल काढि  
काढि मानो नेजेमें बियोगी के करेजे लटकाये हैं २०  
उवैरहे सुजान तिन्हैं जात परदेश कोन ह्वै रहे ते भौर  
मिसकीरति बिहीनके । फूल मिसमानो डार पानिपर  
पेखिरहे आनंद अतूलहाय सोभउमहीनके । कहैमरिा-  
देवखरे देखिके पलाशनको जानिके भलाशन बिलो-  
कि बलहीन के । बाढिके सुतेजवान बधिक वसन्त  
बली मानो दीन काढिके करेजे बिरहीनके २१ ठौर  
ठौर चँचर चुहुलमची चंगनकी अंगनकी और दशा  
औरैरूप छायेहै । आनंद उरन अति अमित अखराड



छाये नागर मिलन दिन दाव दरशाये है । लाज औ  
 रुखाई तिय सङ्ग लै विवेकपति भाज्यो ब्रजमेंते मार  
 बाननदवाये है । प्रौढी प्रीत जागन नवल नेह लागन  
 को फागन सनेहिन के भागन ते आये है २२ आई  
 बरसानेते अकेली कोऊ यशुदा पै खालन भिजोइ  
 डारी खेलबीज ब्वैगयो । सुनपुर भानते दुलारी चली  
 कीरतिकी धूम सचपरी भारी गारी घोष च्वैगयो ।  
 नागारि चमकिरही चपलासी चहुँओर घेरे घनप्रयाम  
 शब्द होहोलोक द्वै गयो । घरलाल तरुलाल केकी  
 शुक्रपिकलाल घुमड्यो गुलाल ब्रजलालमयी ह्वैगयो  
 २३ लोल वियलोचन अलोल भलकत छवि छलकत  
 श्रुति मरिा किरिण कपोलमें । दीपति ललारते छुटत  
 विघटत पट नटत किशोर भृकुटी तट कलोलमें । आज-  
 नंदलालसों सुनवलकिशोरीहारी खेलतलसत बिहँसत  
 बरबोलमें । रंग भर भेलत पछेलत अलीनमुख मीडत  
 गुलाल मिलिजात फिरि गोलमें २४ अँचराउरोजनते  
 खुलिखुलि जात प्यारी फेंके पिचकारी भारी लागी  
 रंगवरसात । कहतबनै न कहु देखतही आवैबनि सैन  
 कामिनीसी दामिनीसी द्युति दरसात । कुचउचको-  
 हैं लचको हैं मध्य देश बेश बेणी कवि आनन अनप  
 छविसरसात । छायाजात आनंद लजायजात गोरीसुनि  
 चोटकरि कान्ह पै अलीकी ओट आइजात २५ खेलि-  
 वे को फागु देवदारासी उतरिआई दीरघ दृगन देखि  
 लगत न पलकैं । उरते दुकूल दरशात भुज मूलवरउन्नत



उरोज हारहीरन के झलकें । बेसी कवि भूपर धरत  
 मन्द मन्द पावँ आननके ऊपर अनूप कवि झलकें ।  
 लाललाल रंगभरी मदन तरंग भरी बालभरी आनंद  
 गुलाल भरी अलकें २६ नन्द के कुमारकी अपार  
 पिचकारिनकी धीरन पै धारते सँभारन सँभारिगई ।  
 गाय गाय धाय के धमारि यों मचाई धूम तासु धीर  
 बारिन सों धीरतान धारिगई । मरिगादेव भनत गवाँरी  
 कहि गारीदैके ग्वालिनिको कालिह जो गुमानै निज  
 गारिगई । बीर की सों बीर बलबीर पै अबीर सोई  
 भीरमें अभीर की अभीरि आजु मारिगई २७ हेरी  
 आजचोरी की कहेारी कहा मोरीदई लाडिली पठाई  
 भुजगहन सहेलीको । भारे भाय भावतो गहाय गयो  
 जानि बूझि आयगयो संग में मचाय रंग रेलीको ।  
 ललिता लचायेलंक बाहँ दे बिशाखा गरे डारि हिय  
 हार हरि आनंद चमेलीको । प्यारी लै गुलाल नन्द-  
 लालमुख मीडै जौलैंतौलैं खेलखुवैगयो कपोलअल-  
 बेली को २८ हेरी के दिवस कहूँ गोरी राधिका को  
 देखिकान्ह जियसांभ योंबिचार्यो बुद्धिबीछेते । आजु  
 बिनरंगे केहूँ छाड़िहैं न लाडिलीको घातनमें लाग्यो  
 फिरै आनंद के ईछेते । कहै चिरजीवी त्योंहीं लाल  
 पिचकारी लैके लपक्यो प्रिया पै प्रिया भागी तकि  
 तोछेते । ओहनी सरकि चोरी पीठयों लखात माने  
 इन्दु भाज्योजात औ फरिानन्द पखोपीछेते २९ मचि  
 रही फागु और सबसबही पै घालें रंग औ गुलाललाल



ख्याल अवलोकों मैं । मोपै तुही ठाकुर लगाये घात  
 घुमैघेरि देखौं अब जात कितै इतउत रोकौं मैं । गहि  
 लैहैं गाफिलके सगा मैं छबोले छैल छेदिके छलीज  
 निज नैनन की नोकोंमें । ओरै ह्वे करत पिचकारिन  
 की चोटै कहा सौहैं आव साँवरे सराहैं तब तोकों मैं  
 ३० बावरे न होउ सुनौ साँवरे बिहारी तुम सगामाहिं  
 रावरे गरूर को निकारैगी । राधामहरानी जब येहै  
 उमगानी तब रावरी सुबानी बर वचन बिसारैगी ।  
 मरिादेव भनत बखानकी चलाँकी तासु रावरे सखा-  
 न की न भीरकोविचारैगी । खरेहो गुलालके किलाल  
 मैं तयारपर देखतही लाल तुम्हें लालकरिडारैगी ३१  
 धूंधरि उमंग सों मचायहैं अबीरनकी संगलिये मदन  
 तरंग भरी गोरीमें । रस बरसाय दरसाय हाय भाय  
 तिन्हें गाफिल करौं तो वृषभान की किशोरी मैं ।  
 सहिकै अपार पिचकारिन की धारसेहैं गरक करों-  
 गी हनुमान रंग रोरीमें । खेलन को होरी चहै मोते  
 अरु भोरीपर ओरी आज छैल को गहौंगी बरजोरी  
 मैं ३२ लालकी ललकि लखि दौरि दुरिजातहुती छु-  
 वन न देत छबितन द्युतिजालकी । जालकी दरीचीते  
 निहारि दुरिजातिहुती भातिहुती मन्दिरमें द्युति सों  
 मसालकी । सालकीन सुधिताको आजु मरिादेव कहै  
 ह्वै गई बसनवारी मदन महाल की । हालकी सुनारी  
 चितचोरी करिदौरी वृषभान की किशोरी भोरी  
 भरिकै गुलालकी ३३ डरोना अहीरनते अगर अबीर-



नते चारिजनी चारु चारओरनते धावारी । एकहाथ  
 आडोपिचकारीकी अगारी मार एकहाथ ओट राखि  
 आंखिन बचाओरी । कवि सरदार आयो बड खिल-  
 वारीताहि खेलको सवाद रंगरंगन बताओरी । कीर-  
 तिकुमारी कह्यो हेरिक्के कुमारी कोउ हैरी पुनवारी  
 बनवारी बांधि लाओरी ३४ सुनत निदेश से अशेष  
 वनितासुभेश चली सक सक गहेगरब अकरिक्के । कवरी  
 समेटि बांधी सबरी सुभगशुचि लहंगो जबरकस्यो लंक  
 में जकरिक्के । गिरिधरदास हाथ फलकी छरीलै धाई  
 छविसें अतल हैरी हैरी शोर करिक्के । चपला सी  
 चमकि चहुंघासों चपलचारु चंदमुखी लीन्हें ब्रजचं-  
 दको पकरिक्के ३५ आज ब्रजराज ब्रजबधुन समाज  
 सङ्ग लाजतजि खेलै फागु गोकुल नगरमें । उडत गुलाल  
 क्षिति अंबर भयो हैलाल छिरिक्के गुलाल छूटै पिचकै  
 डगरमें । गहीआय अचकै अकेली हरिहाथधीर गोपी  
 भाजि दुरीभौन भीतर बगरमें । अतर अंबोर तर बतर  
 शरीर कीन्हे सतर उरोजभीने चन्दन अगरमें ३६ रंग  
 भरी कंचुकी उरोजनपै तांगीकसी लागीभली भाईसी  
 भुजान करिखयनमें । कहै पदमाकर जवाहिरसे अंग  
 अंग ईगुरसे रंगकी तरंग नखियनमें । फागकी उमंग  
 अनुरागकी तरंगवैसी तैसी छवि प्यारीकी बिलोकी  
 सखियनमें । केसरिकपोलनमें मुखमें तमोलभरी भाल  
 में गुलाल नन्दलाल अखियनमें ३७ एकै संग हाल  
 नन्दलाल औ गुलाल दोऊ दृगन गयो जो भरि आनंद



मढ़ै नहीं । धोयधोयहारी पदमाकर तिहारीसाँह अब  
 तो उपाय सको चित्त में चढ़ै नहीं । कहा करों कहां  
 जाऊँ कासांकहीं कौनसुनै कोऊतो निकारो तातेदरद  
 बढ़ै नहीं । सरी मेरी बीरजैसे तैसे इन आंखिनते कढ़ि  
 गो अबोरपै अहीरको कढ़ै नहीं ३८ खेलोमिलिहारी  
 घोरो केसरि कमोरी फैंकोभरिभरि भोरी लाजजिय  
 में विचारौना । डारौ बहुरंग संग चंगऊ बजावो गावो  
 सर्वाहरिभावो सरसावोशंकधारौना । जोरि कर कहति  
 निहारि हरिचन्द प्यारे मेरी बिनती है एक ताहि  
 तुम टारौना । नैनहैं चकोर मुखचन्द सों परैगी ओट  
 याते इन आंखिन गुलाल लाल डारौना ३९ आईफाग  
 खेलिकै सकेलि सुख सांवरेसों सुन्दरि सुघर सोसनेह  
 सरसावैहै । केसरिके रंगभीनी चनरी सुरङ्गरङ्ग अङ्गन  
 अनंगकी तरंग दरशावैहै । राजत अनोखो आधोबदन  
 गुलाल मढयो कहत किशोरसो अनूप छवि छावैहै ।  
 अमल अभंग अच्छो उत्तसह सानो सानो अरुणा घटाते  
 शाशि निकसत आवैहै ४० आईखेलिहारी कहुँनबल  
 किशोरी भोरी बोरोगई रंगन सुगन्धन भकोरैहै । कहै  
 पदमाकर एकंत चलि चौकीचढ़ि हारनके बारनके  
 बन्द फन्द छोरैहै । घांघरेकी घूमनिको उरुन दुबीचै  
 पारि आंगोह उतारि सुकुमारि मुख मोरै है । दन्तन  
 अधर दाबि दंदरिभईसी चाप चौवर पचौवरकैचनरि  
 निचोरैहै ४१ बाग के बगर अनुराग भरी खेलि फाग  
 आई अलबेली मन मोहती गोपाल की । कालिदास



ललितललोही छवि कलकति नयमुक्तानकी कपोलन  
 कि भालकी । राजकरो इन्दु अरविन्दसें न काजआज  
 देखिने को शोभा याके बदन रसालकी । बरुनी पलक  
 पर भृकुटी तिलकपर घूमरी अलकपर भलक गुलाल  
 की ४३ फागु खेलि श्याम संग सदन सिधारी प्यारी  
 राजैद्युति दामिनीसी भामिनी भरी अनंग । कबिराव  
 राना बैठि रतन सिंहासन पै दर्पभरी दर्पनलै भयन सं-  
 भारै अङ्ग । चंदमुख चन्दन ते चन्दकी कलासी खासी  
 कंचनकी भारिनमें जलभरि लाईगंग । कोमल कपो-  
 लनते धावती गुलाललाली त्योंत्यों हातिआली अति  
 गहव गुलाबीरंग ४४ सांझहीते खेतत रसिक रसभरी  
 फाग भख्यो अनुराग रागगावै रीझि पगिपगि । केसरि  
 गुलाल सेलबढिरह्यो रघुनाथ रूप की ठगोरी डारि  
 गोरीडारी ठगिठगि । भोडरके किनकायों लाल के  
 बदनपर निरखि जुन्हाई बीच सेसे लसैं जगिजगि ।  
 सानेफूल्यो वारिज विलोकि कलानिधि आली कि-  
 रणौ चलाय ते लुनायरहीं लगिलगि ४५ छाई छवि  
 हीरनकी रविज्योति जीरनकी सुखमां गंभीरन की  
 चिलकारी अलकैं । अबला अहीरनकी पोथी दधि  
 सीरनकी सेनेसे शरीरनकी गारीदेत बलकैं । पिच-  
 कारी नीरनकी मारैं समतीरनकी देहदान चीरन की  
 साँगिबेको ललकैं । सोहैं करिवीरनकी उडन अबीरन  
 कीलाली मुख बीरनकी बीरनकी भलकैं ४६ मारकी  
 मरोर बेशुमारसें फिरै नसहैं मारकुंकुमानकी उरोजन



पै गोरीरी । लालरंग हूँगयो किलाल कालिन्दी को  
 सबडारैं बहुलाल पै गुलालनकी भोरी री । मणिदेव  
 भनत करोरैं करि भावबाल घोरैं रंग दौरैं चहुं ओरैं  
 रंग बोरी री । आनंद समाजकी है जामैं सुधि लाज  
 कीन आजकी अनूप ब्रजराजकी सुहोरी री ४७ खे-  
 लतहैं होरो हरिराधे आजवृन्दावन सेसीजुरी भीर अंग  
 अंगसें छिलतहै । लालको मयंकमुख मंगलसे दरशात  
 जबवाके करके गुलालसें मिलतहै । घूंघुटउधारत क-  
 रत बारबार चोट बालमुख श्याम चोर ऐसे सकिलत  
 है । मानो प्रभुआगे राहु बैर निज लेनकाज चंदगुनहीं  
 को लै गिलत उगिलतहै ४८ मोतीकल गङ्गनीलसारी  
 कालिंदीको संग डखोलालरंग रूपभारताको भरिगो ।  
 सेवक भनतकै हिये को अनुराग जागि उमंगि अदाग  
 आज ऊपर उघरिगो । ललकिललाने मूठि बादलाकी  
 सारी तापै सनखउरोज पर ऐसे अनुसरिगो । मानो  
 भानु परकला आपनीको शूरमानि हूँकै चन्द्रचूरचंद  
 चरपै बगरिगो ४९ किरणसि कटिआई अंगना उ-  
 धारेगात कविपजनेस छैलक्षितिपै कहरिगो । उभकि  
 भूपाक मुख फेरि प्यारेख ओर हेरि हरि हरयहि  
 मंचलपै अरिगो । आधोमुख मलतअबीरते मुकेस साथ  
 नखरेख चिह्नित उरोजन पै भरिगो । मानो अर्द्धचन्द्र  
 को प्रकाश अर्द्धचन्द्रिकापै हवैकै चन्द्रचूर चन्द्रचूरपै  
 बगरिगो ५० फरस जरीको नगजटित घटितमणि मं-  
 डित बितानब्रज भारीभीर भरिगो । कविपजनेस कीट



कुराडलकिशोर मुखमराडल कपूरधूर धंधर धुधरिगो ।  
 गोरीके गुलालभर्यों कंकुमा यों लाग्यो जाग्यो बि-  
 थुरि उरोजपै अदाते सौ बगरिगो । फेरितम मराडल  
 ब्रह्मराडते उमराडमानो अरुणा उदेत हेमगिरिपै बग-  
 रिगो ५१ उमही किशोरी वृषभानकी हरषहोरी सोहैं  
 सङ्ग गोरी बोरी केसरि मईमई । पिचकी जराव जरी  
 भरी लालरंगनते मोहनके मुखदई छबि सों छई छई ।  
 कृष्णलाल ग्वालपै गुलालकी चलाईमूठितातेनभलाली  
 भइ चञ्चला नईनई । बादलाके चूर परिपूर ह्वै लसत  
 मानो रविचन्द जीतिकरिडाख्यो है रई रई ५२ आजु  
 ब्रजराज ब्रजमराडल में खेलैं फागु रोरिन की भोरिन  
 ठगोरिनपै डारिदेत । गेंदगुच्छ कंकुमहजारी पिचकारी  
 भरि भारीदम कलनि बिहारी परिचारि देत । कोऊ  
 तहाँ भूल कोऊ मानत मनोज फूल कोऊ प्रीति मूल  
 कहि सेवक सँवारिदेत । हालनको भेदन गुलालन की  
 मूठि जौनबालनपै कबहूँ मसालनपै डारि देत ५३ खे-  
 लत सुफाग महाराज ब्रजराज आज नाचैं बार अङ्गना  
 सभामें छल छूटिछूटि । सेवक बखानै सुरसकल समाके  
 मचे महतमनोजके मजाकी मौज लूटिलूटि । घूमिघूमि  
 तालसों उभकि भुकि भुमिभुमि हाव भाव भूमिलौ  
 बतावैं तान जूटिजूटि । पूतरीसी पातरी नगीसीपन्नगी  
 सी नरी किन्नरीसी किन्नरीपरीसी परै टूटि टूटि ५४  
 सबेया ॥ चीरसुरंगी सजै तनमें कर केसरिलै रघुबीर पै  
 मेलती । दुलह चारु बने अति सुन्दर देखिके शोभा



नहीं पलफेरती । घूंघुट ओट गुलालकि चोट बचायके  
 लालनपै रंगमेलती । धनिवै बनिता मनिता जगमें सजि  
 कंतके संग बसन्तजे खेलती ५५ ॥ कवित ॥ फूलेतेपलाश  
 है मशाल जगमगात मनैं मन्दिर सोहातगीत कोकिर-  
 न गायोहै । विविध वरनके बनायो है बरातो सब तन  
 मन मोह्यो मधुआनंद बरसायो है । उडत गुलाल नभ  
 बादर भयोहै लाल अबिराकी धूंधुरसों मराडप यों छा-  
 योहै । देखुरी सखी आजु गोरी दुलहिनि व्याहिबेको  
 धरिमौर बतरा बसन्त बनिआयोहै ५६ ॥ सवैया ॥ आली  
 सुनौ बनमाली बियोग पलाशके पुञ्जनको सुखभागो ।  
 पात सुखायगिरे सहिआनि लतानिमें श्यामताको रंग  
 रागो । धीरधरे ठहरात न साधव सैनको जालिम जोर  
 है जागो । भामिनी भौन में भागिचलौ फिरि आगि  
 उठैगी धुआं उठैलागो ५७ ज्याँत्यों रह्यो अबलौ जिय  
 तौ अब आयो बसन्त कछु न बिसैहै । शीतलमन्द सु-  
 गन्धितबीर समीरनपीर गंभीर उठैहै । क्योंकरि प्रारा  
 रहैं तनमें जब कोकिला कूकिके कूक सुनैहै । औरन  
 तेरो फवैगोकछु बलिसंग कुहूके तुह कहिजैहै ५८ शोधे  
 समीरनको सरदार मलिन्दन को मनसा फलदायक ।  
 किंशुकजालनको कलपद्रुम मानिनीबालनहंको मना-  
 यक । कन्त अनन्त अतन्तकलीनको दीनन के मनको  
 सुखदायक । साँचोमनोभवराजकोसाजसो आवतआज  
 इतै ऋतुनायक ५९ वायुबहारि बहारिरहे क्षितिबीथी  
 सुगन्ध न जात सिंचाई । त्यों मदसाते मलिन्दसबै जय



की करखानि रहे कछुगार्डे । मंगलपाठ पढ़ें द्विजदेव  
 सबे विधिसें सुखमा उपजाई । साजिरहे सबसाजघने  
 वनमें ऋतुराजको जानि अवाई ६० बौरे रसालन को  
 चाँद डारन कूकत कौलिया मौनगहेना । ठाकुर पुंजन  
 बुझत गुंजत भौरनकोचै चुपैबो चहैना । शीतल मन्द  
 सुगन्धित बीर समीर लगे तन धीर रहैना । व्याकुल  
 कीन्हो वसंत वनायके जायके कन्तसें कोऊ कहैना ६१  
 को बचिहै यहिवैरी वसन्त सों आवत योवन आगि  
 लगावत । बौरतहो करिडारत बौरीभरे बियवैरी रसा-  
 ल कहावत । हात करेजनकी किरचै कबि देवजू को-  
 किल बैन सुनावत । बीर कि सेां बल बीर बिना उडि  
 जायँगे प्राण अवीर उडावत ६२ ए ब्रजचन्द चलो  
 किन वा ब्रज लूके वसन्त कि ऊकनलागीं । त्यों पद-  
 साकर पेखो पलाशन पावक सी मनैां फूकन लागीं ।  
 वै ब्रजवारी विचारीबधू बनवारी हियेलौं हूकनलागीं ।  
 कारी कुरूप कसाइनै पै सुकुह कुह कौलिया कूकन  
 लागीं ६३ लखे सुखदानि पखानन जानि मयूरन  
 देति भगाय भगाय । मने कौदियो पियरे पहिरावको  
 गावँ में एग्रादे लगाय लगाय । भुलावतीं वाके हिये ते  
 हरीहि कथान में दास पगाय पगाय । कहा कहिये  
 यहु पापी पपीहा द्यथा तन देत जगाय जगाय ६४  
 कवित ॥ बेलीरसरेली अलबेली नवलानसंग मुदितमनो-  
 ज तरु तरुन बिहारेहैं । संजु२ सुमन रसाल संजरीनन  
 पै पुंज२ गुंजत मलिन्द मतवारेहैं । मौनगति छोन दीन



प्रियविन अंगहीन अधिक अधीनहीन विकल निहा-  
 रहैं । राखत न चेत विरहीननके चित्तचैत चैत चन्द  
 चांदनी अचेत करि डारहैं ६५ ॥ सवैया ॥ संगसखी के  
 गई अलबेली महासुख सोवन बाग विहारन । बाढे  
 बियोग बिलासगये सब देखतही वेपलाश किडारन ।  
 जानि बसंत औ कंत बिदेश सखीलगी बावरीसी हूँ  
 पुकारन । चवैचलिहैं चुरियां चलिआवरी आंगुरियां  
 जनिलाउ छंगारन ६६ बैरी बसंतके आवतही बनबोच  
 दवागनि सोपजरेंगी । योगिनिसी बनिहैं बनमाल  
 बियोगनि कैसेकै धोरधरेंगी । गुंजनवै अलिपुंजनकी  
 सुनि कुंजन कैलिया कूककरेंगी । शूलसेफूले पलाश-  
 नकी डरियां डरपावनी दोठि परेंगी ६७ जबते ऋतु-  
 राज समाज रच्यो तबते अवली अलिकी चहकी ।  
 सरसायकैसेर रसालकी डारिन कोकिल कूकै फिरै  
 बहकी । रसिया बनफूले पलाशकरील गुलाबकिवास  
 महामहकी । विरही जनके दिलदागिबेको यहआगि  
 दशों दिशिते दहकी ६८ देकाहि मीर शिकारनको  
 इहिबाग न कोयल आवनपावै । मुंदिभरोखन मंदिर  
 के मलयानिल आयन छावनपावै । आयेबिनारघुनाथ  
 बसंतको सेवा न कोऊ सुनावन पावै । प्यारीको चाहै  
 जिआयोधमारितौ गांवमेंकोऊ न गावन पावै ६९ धंधु-  
 रसी बनधूमसी गावनगावन तानलगे नर बौरी । बौरी  
 लता बनिताभई बौरी सुअौधि अध्यायरही अबथारी ।  
 बेनीबसंतके आवतहीं बिनकन्त अनन्तसहै देखकोरी ।



ओरीघरै हरिआयेन जो पहिलेहैं जरौ जरिहै फिरि  
 होरी ७० बीर अबीर अभीरनको दुखभाखे बनें नबनें  
 बिनभाखै । त्यों पदमाकर मोहनमोत के पाये सँदेशन  
 आठयें पाखै । आयेन आपन पातीलिखी मनकीमन-  
 हीं में रहीं अभिलाखै । सीतके अन्तवसन्त लगयो अब  
 कौनके आगे वसंतलै राखै ७१ ॥ कवित्त ॥ कुञ्ज कुञ्ज  
 परतमाह गुंजरत पुंज अलिकूकैं कोकिलानये कहां-  
 लैं दिनभरिबो । विविध समीर हिये तीसरे लगन  
 लागे उमंगयो गँभीरपोर धीरकैसे धरिबो । कहैशिव-  
 नाथ आनि प्रगटेउ वसन्तऋतु बिन बनमाली आली  
 भोजरूर सरिबो । सेवर अपारनमें किंशुककोडारनसे  
 भयो कचनारनमें अँगारनको फरिबो ७२ आवच्छिर-  
 कायदे गुलाब कुंद केवड़ाको सेवती समीत बेला मा-  
 लती पियारीमें । जूहीसेन जूहीजाय चम्पक कदम्ब  
 अम्ब चम्पा औ चमेली गुलचांदनी नेवारीमें । शिव-  
 नाथबातको बिलोकिबो न भावैमोहिं पीवबिनआयो  
 है वसंत फुलवारी में । भागिचलु भीतर अनार कच-  
 नारौलगा आगेउठी प्यारी गुलालाकी कियारीमें ७३  
 सवेया ॥ तोहिं वसन्तके आवतही मिलिहैं इतनी कहि  
 राखी हितु जे । सो अब बभूतिहैं तुमसों कहु बूभे  
 ते मेरे उदास न हूजे । काहे ते आये नहीं रघुनाथ ये  
 आइके औधके वासरपूजे । देखु मधुव्रत गुंजे चहुँदिशि  
 कोयल बोली कपोतऊ कंजे ७४ जानतिही न वसन्त  
 को आगम बैठिहि ध्यानधरे निजुपीको । सतेमेंकानन



औरसों आइ के कानन में पखो बोल पिकी को । हे  
 रघुनाथ कहाकहिये कहिआयो हाआयो गरो भरि-  
 तीको । लोचन वारिजसों अंशुवाको अथाह बह्योपर-  
 बाह नदीको ७५ बैठो बिसरतिही पिय आगम सतेमें  
 कोयल को सुनिबानी । जागिठो विरहागि महा ल-  
 खि में रघुनाथकी सोंह सकानी । चन्दनलाइ मिलाइ  
 कपरनि सांभरि सींच्यो गुलाब के पानी । कौन कहै  
 बतियां निशिकीन तियाकीतऊ छतियासियरानी ७६  
 काज महा ऋतुराज बलीके यहै बनिआवत है लखते-  
 ही । जातकह्यो न कहाकहिये रघुनाथकहै रसना इक  
 सही । सालरसाल तमालहि आदि है जेतिक वृक्षलता  
 बनजेही । नौदलकीबेको कीन्हे विचारतौके पतभार  
 दियो पहिलेही ७७ ॥ कवित ॥ आयोहै वसन्त कन्तवास  
 कियो अंत लाख्यो सैन शरतन्त सुधि नेकौ नहीं अंग  
 की । गावत धमारै ते अधिक उपचारै आइ कोकिल  
 पुकारै सनो नैन भटजंगकी । हालीके जरतधीर कैस्यो  
 न धरत बने ताही में परत है द्यथा को सनो संगकी ।  
 और नहिं चार सब थाकी के कमाल बाललीन तेहि  
 काल गति पंजर पतंगकी ७८ ॥ सवैया ॥ फूटन को पल  
 कोप नई बिधि तूटत डारभरी सदभौरन । त्यों नवनीत  
 सुगन्धनपर्शि चलै मिलि वायु सुठौरहीठौरन । कुन्दक-  
 मोद कदम्ब कलीपर अम्बन तंबुदियेकरिभौरन । कन्त  
 बिना अब बीरवसन्तमें कौनउपायवचै किहितौरन ७९  
 वासर बीतिगयोबिधिके समरैनिवसन्तकीहै नियराई



मेरुसो अंग उतंग रहे अब सो सम जानिपरै जियराई ।  
 नीर उसीर सो सीरी समीरसों सो विरहागि नहीं सिय  
 राई । चन्द चढो उदयाचलपै मुख चन्दपै आनिचढी  
 पियराई ८० ॥ कवित ॥ आयेरावरे ही तजिसहज स्वभाव  
 जिन्हें कहेनहीं जात कहुतिनके जेहालाहैं । द्विजवल-  
 देव तो बिलोक्यो तुम्हें धीति नहीं नेकहू गनेन जिन  
 शीत भीत पालाहैं । विदित बसन्त तासों तन्त की व-  
 तायेदेत किंशुक कदम्ब कचनार कुंतजालाहैं । आज  
 नन्दलालाकरलीन्हे मृगछालाहाला चम्पेकीसीमाला  
 कुंभिलानी चारुबालाहैं ८१ ॥ सवेया ॥ कोकिलकेगारा  
 ककौलगे तिमिकौलनकी कलिका बिकसन्ती । फूलि  
 उठीलतिका बलदेवजू लोपैलगी चलिलाज लसन्ती ।  
 कैसे रहैगो सुधीरज को दल मैं अनी घनी घेरी ग-  
 सन्ती । बेधै लगे हियरो विरहीनको बौरैबनै बनबाग  
 बसन्ती ८२ गंजत भौर विराग भरेवन बोलत चातक  
 औपिक गाइके । फूले हैं टेसू कुसुम्स जहाँ तहँ दौरत  
 काम कमान चढाइ के । डोलत वायुसुगन्ध समारख  
 लागै हिसे मलया गिरिलाइके । मेरे मनाये न मानै  
 बवाकिसों येहै बसन्त लैजैहै मनाइके ८३ अम्ब बस-  
 न्त में बौरहिगे अरु कामनि चन्दन चीररंगैहैं । डोलै  
 गे पवन सुगन्ध समारख कुंजलता सो लता लपटैहैं ।  
 योगी यती तपसी औ सती इनको विरहानल आनि  
 सतैहैं । ताहि किना सखिप्राण तजै जोपैकन्त बसन्तके  
 तन्तनयेहैं ८४ ॥ कवित ॥ फूले गुलालागुलाव कलियान



लागेताते मदन करत अतिसरसाई है । पवन के चले  
 द्रुमपातभरिजात आली तामें मधुपुरीमें मित्रह सुधि-  
 पाई है । सुन्दर सुवास तन उत्तम अवासपाय कुविजा  
 को रंगरूपनीको बनिआई है । ऊधोजी निपट अँदे-  
 शो है संदेशो यहै कह्यो कुरकन्त सेां वसन्त ऋतुआई  
 है ८५ आंवनके वीरनकी ओपी शिरदोपीधरे कुरती  
 पलाशनकीललित सोहायो है । तरलतमालनकी किचै  
 तुपक तीर रजक पराग सेां अधिक छवि छाये है ।  
 गोली से भवँर भीर बोली भाँति भाँतिनकी फूलो-  
 लियान में सुरीलही जमायो है । वीर विरहिन के क-  
 रेजरैज करिबेको आजुतौ वसन्त यो उजीर बनिआयो  
 है ८६ ॥ सवैया ॥ आयो वसन्त भयोतनतन्त चल्यो दलकाम  
 मतंगसेहूँ । चातक बासकियो बनपास पलासकी डारै  
 अँगारसीफूलै । सेंबर फूलि अकाशलगे मने । भट्वा  
 रंगे मखतलकिभूलै । कौनसहै बिनकन्त सखीयेवसन्त  
 के तन्त के अन्तकी शूलै ८७ फूलिरहे बन बागदशौ  
 दिशि कोकिल कुञ्जसेां कुञ्ज घनेरहै । बोलैमधुव्रत  
 कुञ्जनमेंअरु डोलतपौन सुगन्ध सनेरहै । कविचन्दजू  
 चैतकी चांदनीचारुमें दम्पति को चितनित्तचुनेरहै ।  
 राधाकृष्ण जो रावरी राज्य में बारहू मास वसन्त  
 बनेरहै ८८ फूले पलास विलासधली बहु केशवदास  
 प्रकासन थारे । शेष अशेष मुखानलकी जनु ज्वाल  
 विशालचली दिविबारे । किंशुक श्रीशुक तुण्डनकी  
 रुचि राचे रसातल में चित चारे । चंचन चापि चहुं



दिशि डोलत चारु चकोर अंगारनभारे ८६ ॥ कवित्त ॥  
 शीतल समोर सुभ गंगा के तरंग युत अम्बर बिहीन  
 बपु बासुकी लसंत है । सेवत मधुपगण गजमुख परभृत  
 बोलसुनि हात सुखी सन्त औ असन्त है । अमल अदल  
 रूप मंजरी सुपदरजरंजित अशोक दुख देख तनसन्त  
 है । याकेराज दिशि दिशि फूले हैं सुमनसब शिवको  
 समाज कैधों केशव वसन्त है ८७ और को सुखदभयो  
 हमको दुखद तू है अदभुत गतितेरी कही न परति है । और  
 नको पोखै तोखै बास मकरन्दनसों राखै हमहीं को  
 अरे मोहींसें अरति है । प्रफुलित रसाल तापै हात जात  
 कासों कहीं मेरे अंग अंगमें विक्ल ता करति है । मानत न  
 साखियाते भयो बैशाख सबको ज नाम तेरो बैशाख-  
 ही धरत है ८८ नैनलाल कुसुम पलाश से रहे हैं फल  
 मालगरे मानो बनभालरि सों लाई है । भवँर गुज्जार  
 हरिनाम को उचारति मि को किलासों कहंकि बियोग  
 राग गाई है । हरीचन्द तजि पत भार घर बार सबै  
 बौरी बनि दौरी चारुपौन ऐसी धाई है । तेरे बिहुरे  
 ते प्राणकन्त कै हिमन्त अन्त तेरी प्रेमयोगिनी वसन्त  
 बनि आई है ८९ पीरोतन पखो फूलों सरसों सरस साई मन  
 मुरझानो पतभार मानो लाई है । सारी आसत्रिविध  
 समोर सी बहति सदा अखियां बरसि मधुभारि सी ल-  
 गाई है । हरीचन्द फूलभन मौनके मसूसनसों ताहीसें  
 रसाल बाल बढिके बौराई है । तेरे बिहुरेते प्राणकन्त  
 कै हिमन्त अन्त तेरी प्रेम योगिनी वसन्त बनि आई



है ६३ ब्रज में बसन्त राग बागमें बसन्त बन बेलिन  
 बसन्त सरसन्त आमें बौरमें । भनत दिवाकर समोर  
 नोर तीर तीर बनिता बसन्त करदीन्हे और तौर में ।  
 ठौरठौर कोकिलको बोल अनमोल भयो बगरो बसन्त  
 है मलिनन्दन के भौर में । और और लौरलौर घरघर  
 जहँ तहँ कियो है बसन्त मलसन्त सब दौरमें ६४ चं-  
 चरीक चंचल ह्वै गुञ्जत निकुञ्ज जहांचहुं चारुचमकै  
 चमेली फूलि फूलिकै । तहां एक दीनदाल सांवरो  
 लख्यो रसाल आवत मतंग चाल चलो भूलि भूलि  
 कै । मन्दमुसकानि बीचयेरी चितखींचि लियो नाहिं  
 ठहरात जात गात भूलि भूलि कै । ईछन ह्वै तीछन  
 निरीछन को कोरवांकी उठै बरजोर मेरेहिये हूलि  
 हूलिकै ६५ आई है बहार बनबेलिन नबेलिन में ब-  
 हुधा चमेलिन में भौर भौर छाई है । छाई है छपाकर  
 मरीचिका दरीचिन में तिनहू लखत कै अतन ताप  
 ताई है । ताई है सकल सुधि बुधि अशवन्त मेरी जब ते  
 पियरि प्राण प्यारी बिसराई है । राई है न नेक कहं  
 नवमें कलेवरमें कहियो हो कन्त सों बसन्त ऋतुआई है  
 ६६॥ सवैया ॥ पीर है दूरि पपीहा बकै मतजैये वहां जहां  
 सौतिको तीर है । तीर है वैरि न बोलौ यहां खरोरन  
 गुञ्जत भौरकी भौर है । भौर है धीरज राखिवेको प्रह-  
 लाद बसन्त सनेज की बीर है । बीर है कोऊनहीं यहि  
 गांवमें वभक्त कोउ न काह को पीर है ६७॥ कवित ॥ फूलि  
 रही साधुरी रसाललता साधुरी पलाशन धुरा धुरी



अनेक रंग घेरे हैं । शीतल सुगन्ध मन्द दक्षिणाके पौन  
मान मोचन नरिन्द हरि न क्षिणाक नेरे हैं । प्रफुलित  
कुंजै बैगुलाब अलि गुंजै तेहि जोहन को मोहन परत  
पायँ मेरे हैं । हेरे क्यौन बन तन लाये कहा ऐसी रही  
तनहं में अनगन ठनगनतेरे हैं ६८ डह डही मेरी मंजु  
डार सहकारकी पै चहचही चुहिल चुहंकित अलीन  
की । लहलही लोनी लतालपटी तमालनपै कह कही  
तापै कोकिला की काकलीनकी । तह तही करिरस  
खानके मिलन हेत वह वही बानि तजि मानसमलीन  
की । महमही मन्द मन्द मारुत मिलनतैसी गहगही  
खिलनि गुलाबकी कलीनकी ६९ रोग सां असाधिन  
की औषधी को जानै सब रसन की क्रिया में प्रवीणा  
मन भायो है । मेहत अजीरणा को भूखनि बढाइ देत  
नारिन के शोधिवेको भेद जानि भायो है । कलीना  
खिलत यहै पुरिया खुलति लाली भोगिन को देत  
सेखी सुख सां साहायो है । रिभवार मोहनके आगे  
गुणा प्रगटत आजु बनिदेखुरी वसन्तवैद आयो है २००  
फूलन के दोनां रचि साकलि सुमन सचि सान्यो म-  
करन्द चीकनेलै घृतसातु है । मेहामुनि ऋतुराज काम-  
देव बांचत है खगहोमि साहाकार द्विजन के गोतु है ।  
मदन गोपाल देवताकिपूजा कीजियतु सखीसुखवारी  
प्यारी तेज को उदोतु है । मधु कुराड साँभलाल टेसु  
ये अगिनि भरै आजु तुन्दावनमें अनूठा होम हातु है  
१ ॥ सवैया ॥ नौल वसन्त उठे अकुलाय सुने कल को-



किल की किलकारी । भावरैसी भरें साँवरे साँवरेहात  
 निछावरि ते सहचारी । देवदूह को दूह दुरिके रँगदै  
 पठई अंग अंग उज्यारी । केसरियाखुलै नन्द किशोर  
 किशारी कि केसरिकी रँगीसारी २ साजिवरातचले  
 दशरथ प्रभामिथिलेशकी पौरिलसन्ती । हेमकेखम्भ  
 जड़े मणि आदिक औ मुक्तानकी चौकपुरन्ती । गा-  
 वतकोकिल बैनसखी परमेश भनैसगरी गुणावन्ती ।  
 श्रीरघुवीरकेव्याहसमैसित प्र्यामशरीरमें चीरबसन्ती  
 ३ भ्रमै भूले मलिन्दन देखितितै तनभूलिरहैं किनभामि-  
 नियाँ । द्विजदेव ज डोले लतान चितै हिये धीर धरै  
 किमि कामिनियाँ । हरि हाय विदेशमां जाय बसे  
 तजि ऐसे समय गजगामिनियाँ । मन बौरै न क्यों  
 सजनी अवतौ बनबौरी बिसासिनि आविनियाँ ४ आह  
 के काँपिकराहि उठीदृग आँशुन मोचि सकोच घरी  
 हैं । लैकर कागद कोरो लला लिखिबे कहँ बैठी वि-  
 योग कथाखवै । ऐसे मां आनि कहँ द्विज देव बसन्त  
 बयारि कही तितहीह्वै । बातकी बातमां बौरीतिया  
 अरु पीतह्वै पातो परी करसेचवै ५ रो जबते उत नन्द  
 लला तबते निजहाल न पंक्त कोई । तान तरंग तजौ  
 तुरतै बलदेव मिले पर आनंद होई । पाइ बसन्तन संत  
 रहै मनका विधिसे निजभाव बिगोई । माल विशाल  
 दियो हित लाल भये बिरहाल यहीलय सोई ६ ॥  
 कवित्त ॥ आवत बसन्तबेलि बागनमें फूलींसब पदुम प-  
 लाशे अलिवृन्द मनभायोहै । आनंद अरम्भकरि पक्षी



बन बोलतहैं त्रिविध समीर से सोहायो सुखपायोहैं ।  
 तानन सुमन्त्रपटि बांसुरी बजाई हरि सुनि धुनि जैसे  
 जोस तैसे उठिवायोहैं । भूपटि भरोखे बीच भाँकी  
 बलदेव कहैं ब्रजकी कुमारी श्रीविहारी लखि पायो  
 है ७ उदित प्रकाश आसपास देशदेशनमें द्विजबलदेव  
 बात द्यौतकी बतायेदेत । लहरै समीरै लोनी लतिका  
 लवंगनकी लपटी लतान तरुणाई तरु तायेदेत । आ-  
 वत तमासे ऋतुराजके समासे खासे परन पलाशनके  
 पावक बसाये देत । जाहिरभा युवती जमातिके जसूसी  
 लखि जूटे जोर जुलमी मनेज को जगाये देत ८ हूजे  
 लाजबाज गाज काजहैं कहाँको साज आज ऋतुराज  
 लै समाजताज धै सचेत । द्विज बलदेव बनबागती नि-  
 हारौ नेक बौरै करि डारैं डारैं डाकसी अधीर हेत ।  
 ह्वैहैं काह फेरि वैसे फरसफवे हैं फैलि फहरैं पताके  
 फौज फेरो भख कोतखेत । चौगुन चढ़ावचाव चहकि  
 चकोर उठे ठौरठौर कौलिया कुहकैकरि हूकै देत ९  
 सेवती निवारसेत हीरन के हार जूही यूथ औ अनार  
 मोती बिद्रुम लसन्तभो । पन्ना पोखराज पच चम्पक  
 समाजफाव मारिाक गुलावनील इन्दीवर गन्तभो ।  
 माधवी न सुनो गऊ मेदकल सनो दूना औध बाटिका  
 बजार पुनो बिलसन्तभो । यतन जलूस जोर रतन रसाल  
 रंग अतन अनन्दहेत जौंहरी वसन्त भो १० फूलेकच-  
 नार सहकार औ अपारबन शीतल सुगन्धमन्द मारुत  
 कपायोरी । चन्दनके गार और सुमन सुगन्धसार हार



मुक्तान के वितान तनतायेरी । क्षेमकरणा चंचरीक  
 गंजै औ कूंजैपिक आछे सेज असन बसन में न भाये  
 री । आये मधुमास मोहिं करै उपहाँस मधु मधुपुरमें  
 माधव वसन्तहू न आयोरी ११ चहकि चकोर उठे  
 शोरकरि भौरउठे बोलि ठौर ठौर उठे कोकिल सुहा-  
 वने । खिलि उठीं एके बार कलिका अपार हिलि  
 हिलिउठे मारुत सुगन्ध सरसावने । पलक न लागी  
 अनुरागी इतनैननपै लपटिगये धौं कबै तरुमनभावने ।  
 उमँगिअनंद आँशुवानलौ चहूँघालागे फूलिफूलि सुमन  
 मलिन्द बरसावने १२ होनलागे शोर चहूँ ओर प्रति  
 कुञ्जनमें त्योहीं पुञ्ज पुञ्जन पराग नभछायगो । फूल  
 फल साजनको आयसु बिपिनमाहिं शीतलसुगन्धसंद  
 पौन पहुंचायगो । द्विजदेव भूलेभूले फिरत मलिन्दन  
 की सुखमा बिलोकि हियेसुख सरसायगो । आयेहुते  
 आगेते हरौलनके लोगइत आवत हमारे उत ऋतुपति  
 आयगो १३ पल्लव पील पालकी नगारे कूक कोयल  
 की सुमनसिपाहो सैन्य साजिके सिधायो है । मधुवन  
 नकीव बोलै बोलै वायु चोपदार तोपदार तरुवर त-  
 यारीकरि तायोहै । क्षेमकरणा चाँदनी चमकी चाव  
 देतोहै लेतोहै अँकोरनाहिं हरवल शशिआयोहै । बैरी  
 या वसन्त बरजोरी बजराजबिन मदनमहोप मत मारै  
 उठिधायो है १४ गावो किन कोकिल बजावो किन  
 बेरा २ नाचौ किन भूमरि लतागगा बने ठने । फेंकि  
 फेंकिमारौ किन निजकर पल्लवसें ललित लवंगफूल



पानन घने घने । फूलमाल वारौ किन सौरभ सँवारौ  
 किन येहा परिचारक समीर सुखसां सने । मौर धरि  
 बैठौ किन चतुर रसाल आजु आवत वसन्त ऋतुराज  
 तुम्हें देखने १९ शीतल सुगन्ध मन्द वायुके सनाकबहे  
 नभ मलहीनदेखि मन सकुचातहै । वनविचशालग्राम  
 किंशुक चमाकेअहै अलि भन्न भन्न भन्न धुनि गरजात  
 है । कोयलेनवीन बहुवृक्षन भनाकेसहै भन्ननसांनीर  
 होर शुभ सरसातहै । चित्तनपै सुखहित आनँदतमाके  
 रहै बाहवाहवाह ऐसी ऋतुपति जातहै २० कलकत  
 छवि फूलनमें गलकत मकरन्द आली ललकत ललामी  
 रविभौर सां लजायोहै । लहकत समीर विविध बह-  
 कत कोकिला बैन चहकत चिरैया सब आनँद बढा-  
 योहै । ठनकत चौरसी अरु भनकत नूपुर धुनि धधकत  
 मृदङ्ग ताल रङ्गसां लजायोहै । हरषत सुरेश मन भभ-  
 कत महेश जू को गमकत नगारे सो वसन्तऋतु आयो  
 है २१ ॥ सवैया ॥ आये वसन्त अनन्दित भे मकरन्दित  
 हँके पसाराकरै । अरु बौररसालपै कोयल बैठिके धीर  
 धरै न पुकाराकरै । पतिहीनतिया जे हतो घरमें तिन  
 को विरहानल जाराकरै । पियप्यारेहमारे मिलेसज-  
 नी वै पपीहापरै भखमाराकरै २२ मोतिनचौकपुराइ  
 घनी गनी गायनैवार बधून बोलाइहौ । रङ्गविरङ्गकेलै  
 लै कुसुम्भ उमङ्गसां मालिनि सां गुँधवाइहौ । दे अव-  
 धेश द्विजेशन को धन कञ्चन के घट दीप धराइहौ ।  
 साजिके साज समाज भलीविधि आजु ललाके वसन्त



बधाइहो २३ कल गुञ्जत कुञ्जन पुञ्ज मलिनन्द प्रिये  
 मकरन्द अनन्द भरे । दुसबौरत कौलिया कूकैकरे बहे  
 सौरभ सीरीसमीर हरे । वहितन्त बसन्त को भावैनहीं  
 गुरुदीन जकुलसै कन्तगरे । निशिबासर नींद औ भूख  
 हरी मुखपीरी परी दल पेरेपरे २४ ॥ कवित ॥ कौकि  
 उठीं कौकिलान गुञ्जिउठीं भौर भीर डोलिउठे सौरभ  
 समीर सरसावने । फूलि उठीं लतिका लवंगनकोलोनी  
 लोनी भूलिउठीं डोलियां कदम्ब मुखपावने । चहकि  
 चकोर उठे कीरकरि शोरउठे हरि उठीसारिका बि-  
 नोद उपजावने । चर्तकि गुलाबउठे लट्किसरोज पुञ्ज  
 खर्तकि सराल ऋतुराज सुनिआवने २५ ॥ सवैया ॥ प्र-  
 थमें बिकसे बनबैरी बसन्त के बातनते सुरभाईहुती ।  
 द्विजदेवजताहूपै देहसबै विरहानल ज्वालजरार्इहुती ।  
 यह सांवरै रावरेनेहसों अंगन प्यारी नजो सरसार्इहुती ।  
 तोपै दीपशिखासीनई दुलही अवलोकिबे की न बु-  
 भाईहुती २६ चाहि है चित्त चकोर दवाश्रुति आ-  
 पनो दोषपरोसिनै लैहै । ये दृग अंबुज से अकुलाइ  
 कलाविष बंधु कि हाइ अचैहै । ऐसी कसामसीमें द्वि-  
 जदेव अली अलिके गनगाइ सुनैहै । ह्वैहै सो कौन  
 दशातनकी जोपै भौन बसन्तलौ कन्त न रोहै २७ वाग-  
 निवारानि ह्वैके परागलै ज्यों ज्यों बहै यह बैहरि  
 भूकन । त्योंत्यों परी परचराडसहा परमेशउठै विरहा-  
 गिनि भूकन । कन्त विदेश बसन्तसमै हियरा हहरान  
 लरयो अब हूकन । नेहभरो सिगरो तन जारिके कौला



किये यह कौलिया कूकन २८ फूले अनारन पेहिलू  
 डारन देखतदेव महा उरमाचै । माधुरी भौरन आंवके  
 बौरन भौरनके गनमन्त्रसे सांचै । लागिरही विरहीजन  
 के कचनारन बीच अचानक साचै । सांचेहुंकारै पुकारै  
 पुखी कहिनाचे बनैगी वसन्त की पांचै २९ ॥ कवित ॥  
 आये ऋतुराज आज देखत बनैरीआली छाये महा  
 मोद सो प्रमोद बनभूमि भूमि । नाचत मयूर मद उ-  
 न्मद मयूरन को मधुर मनेज मुख चारवै मुख चूमि  
 चूमि । परिडत प्रवीन मधुलम्पट मधुप पुञ्ज कुञ्जनमें  
 मञ्जरी को लेत रस धूमि धूमि । हेली पौन प्रेरित  
 नबेलीसी द्रुमन बेलिफैली फूल दोलनिमें झूलि रही  
 झूमि झूमि ३० बलीको बितान मली दल को बि-  
 छौना मंजु सहल निकुञ्जहै प्रमोद वनराजको । भारी  
 दरबार भिरी भौरनकी भीर बैठी सदन दिवान इति-  
 माम काम काज को । परिडत प्रवीन तजि मानिनी  
 गुमान गढ हाजिर हुजूर सुनि कोकिल अव्राज को ।  
 चोपदार चातक विरद बढि बोलै दर दौलत दराज  
 महाराज ऋतुराजको ३१ चन्दन चमेली चाप चौसर  
 चढाय चारु मधुमदनारैसारे न्यारैरसकारैहै । सुगति  
 समीर मदस्वेद मकरंद बुन्द वसन पराग सो सुगन्ध  
 गन्धधारैहै । वारन बिहीन सुनि मंजुल मलिन्द धुनि  
 बलदेवकेसे पिकवारैलाजहारैहै । फूलमालवारै रति  
 बलरी पसारैदेखो कन्तमतवारैकी वसन्तधूमधारैहै ।  
 ३२ फूलीमंजु मालतीनपै मलिन्द वृन्द वर सुरभिल-



येथ्यो मन्दमधुर बहैसमीर । ललित लवंगनकी बलरी  
 तमाल जाल लतिका कदम्बनकी देखे दूरिहेतपोर ।  
 बोंडी गुञ्ज पुञ्ज अति भोंडी भुकि भावयोवन केकी  
 कुलकलित कपोत पिकबोलै कोर । भरे प्रेम प्रयासा  
 प्रयासगरे भुज धरे दोऊ हरेहरे डोलतहैं तराशा तनजा  
 तीर ३३ चरचत चांदनी चयन चैन चुयो परै चौधा  
 सोलरयोहै चारोंओर चित्तचेतना । गुञ्जत मधुपवृन्द  
 कुञ्जन में ठौरठौर शोर सुनिसुनिरह्योपरतनिकेतना ।  
 राम सुने ककन करेजो कसकत आली कोकिल को  
 कोऊ सुख मूँदि अब लेतना । अंतकरेडारत बसन्तहि  
 बनाय हायकन्तहि बिदेशते बोलाय कोऊलेतना ३४  
 बरवै ॥ पात पात करि हूँथ्यो सबवनबीनि । घटहि हुते  
 मोबालम पखोनचीनि । बालमसुरति बिसरिगैकहत  
 संदेश । एकहु पथिक न बहुरा कस वहदेश । बालम  
 की सुधिआवत यहगतिमोरि । निकसि निकसिजिय  
 पयसत उग्यो चकडोरि । पातपात करलूटिसि बिपिन  
 समाज । राजनीति यह कसि कसि कस ऋतुराज  
 ३५ ॥ सवैया ॥ बसुधाधर में बसुधाधर में औ सुधाधर  
 मेल्योसुधामेलसै । अलिवृन्दन में अलिवृन्दन में अलि-  
 वृन्दनमें अतिशौ सरसै । हियेहारन में हरहारन में हिमि  
 हारनमें रघुराजलसै । ब्रजबारन बारन बारन बारनबार-  
 नबारबसन्त बसै ३६ वृक्षन बलीचढी करि चोप अली  
 अलिनी मधुपी मुदकारी । कोकिल सारिका कोर  
 कपोत करै धुनि माधुरी कानन चारी । फूले सबैवन



बाग तड़ाग भरे अनुराग प्रिया असु प्यारी । चैन में  
 चारु बिहारकरै दशरथकुमार विदेह कुमारी ३७  
 कवित ॥ सन सन डोलै पौनसन सन सुखयो सन सनसन  
 अंग दुखसन हात हरि धरी । बनबन बोनिलीन्होबन  
 बन व्योहारि व्योहारि बनत न बरगात क्योंहं उरधरधरी ।  
 लेखराज ऊखऊ प्रियूष सों विशेष राखि नाहिं अन-  
 मेख देखि देखि कर करवरी । अबअरवरी शरवरी मिलै  
 कैसे कन्त अरहरी अरहरी अरहरी अरहरी ३८ बन  
 बने बानिक मांवरगा बरगा फूले लोकनाथ ललित ल-  
 तान छबि छाईहै । मंजु मंजु मंजरीन गुञ्जत मधुपपुञ्ज  
 कुञ्जनमें कोकिला की कोकनि सुहाईहै । होरी होरी  
 करत किशोरी दौरी खोरी खोरी गोरी चलतहांबल  
 बल सुखदाईहै । लटक लटक कान्ह बांसुरी बजा-  
 वत है येरी चलि देखिये वसन्त ऋतुआईहै ३९ हस-  
 नमें हसन में लालसनमसन में मैन की मससनमें धीर  
 कैसे रहैरी । कोकिलकी कूकनि में पौन मन्द भूकनि  
 में औसरकी चूकनिमें फेरि पछितैहैरी । बेलिन नवे-  
 लिन में संगकी सहेलिन में खेलिनमें केलिनमें मनसा  
 समैहैरी । वृन्दावन कुंजनमें फूलनके पुञ्जन में भौरन  
 की गुञ्जन में भूलि मान जैहैरी ४० ॥ सवैया ॥ को-  
 मल कञ्जन की कलिका अलिकाहेन चित्त तहां त  
 रमाये । मञ्जरीमंजु रसालनकी तिनको रसक्यों नहिं  
 तो मन भाये । फूलतीं औरै अनेक लता हरिदास जू  
 आयेवसन्त सोहाये ॥ छोड़ि गुलाबन को बनतूकट-



घटञ्जतुकाव्यसंग्रह ।

६२

सैरुवापै किहि कारणा आयो ४१ ॥ कवित ॥ गुञ्जरन  
 लागी भैंर भौरें केलि कुञ्जन में कौलियाके मुखते  
 कुहकनि कढैलगी । द्विजदेव तैसे कछु गहव गुलाबन ते  
 चहकि चहुंघा चटकाहटि बढै लगी । लागो सरसावन  
 मनेज निज ओजरति विरह सतावनकी बतियां कढै  
 लगी । होन लागी प्रीति रीति बहुरि नईसी नवनेह  
 उनईसी मति मोहसो सढैलगी ४२ प्रथम वसन्त  
 पिय आवनकी आश है जो आवत हों आवैं तो बु-  
 लाऊं करजोर जोर । नाहीं तो समीप होनपावैं ना  
 बहारदार शिशिर पुकारो राखो याको मन मोर  
 मोर । परसि पलाशन रसालन प्रसूनबेलि खिलन न  
 पावैं अलिकीजै कृपा थोर थोर । बचूराम विविध  
 समीर बेग दूरिकरो भृङ्गी पिक हटको न शोर करें  
 घोरघोर ४३ बीथिन सघन अति बीथिनमें बोलैंपिक  
 तैसई रह्यो है घेरि विरहा इतै उतै । दूजे भई केसरि  
 समान भुवि पीतमयी पहिरे वसन्तो चीर सखियां  
 जितै तितै । सीरी सुखदायक समीर लै प्रसून बास  
 आवत हमारे हिय बेधत नितै नितै । बचूराम बावरी  
 भईहों में बिहारीबिन पीलीभई देह पीलीपीली को  
 चितै चितै ४४ ॥ सवैया ॥ मिलि साधवीआदिक फूल  
 केव्याज बिनादलवा बरयायो करै । रचि नाच लता  
 गन तानि बितान सबै विधि चित्त चुरायाकरै । द्विज-  
 देवजू देखि अनाखी प्रभा अलि चारन कोरति गा-  
 याकरै । चिरजीवो वसन्त सदा द्विजदेव प्रसूनन की



भरिलायो करै ४५ ॥ कवित ॥ कोकिल नकोव औ  
पपोहा चोबदार दार भवँर नफीरैकीरै मंदमंदगायो  
है । गुटक कपोत गोत ताल मानो तबलन की अब-  
लन की जाति भांति मोरवा नचायोहै । तूतो तालदेत  
भाव भायत भुजंगी भेद चातक उतारै राई लोन की  
बनायोहै । मदन सहीपतिके मनीराम साघसुदीपंच-  
मी को व्याहन वसन्त ऋतु आयो है ४६ गावै राग  
बाणी बरमानो सुधासानी सुनिमोहै सब जानीध्यानी  
ध्यानी अलसन्तरी । केसर कुसुम्भ रंग कंचनके जन्त्र  
भरे भोरीभरिरोरी औगुलालवरसन्तरी । चोवा और  
अतर फुलेलके फुहारे चलै मल्लदेव मीडै मुख सुरसेह  
सन्तरी । मनीराम साघसुदी पंचमी पियारे कान्ह  
साजि ब्रजराज आजु खेलत वसन्तरी ४७ ॥ सवैया ॥  
जादिनते परदेश गयेपिय तादिनतेतनुतापसी दौरत ।  
आवते बेगिइतै नंदरामजू देखते बागवसन्त समौरत ।  
चन्दउदोत न हातउतै अरविन्द मलिन्दके वृन्दनभौ-  
रत । याही अँदेश महामन में सखिका वहिदेश नहीं  
बन बौरत २४८ ॥

ग्रीष्म ऋतु के कवित व सवैया २ ॥

कवित ॥ ग्रीष्म प्रचण्डघामचण्डकर मराडल ते उ-  
मड़यो है देव भूमि मराडल अखण्ड धार । भौनतेनि-  
कुञ्जभौन लहलही डारनह्वै दुलहीसिधारी उलहीज्यों  
लहलही डार । नूतन सहल नूल पल्लवन छुवै छुवै सेद  
ज्वनिमुखावत पवनउपवनसार । तनकतनक मरिगाक-



नक नुपूरपाय आयगई भनकभनक भनकायेबार१॥  
 सवैया ॥ ग्रीयसमें तपै भीयस भानु गइवनकुञ्ज सखीन  
 केभूलसों । घामतेकामलता सुरभानी बयारिकरैघन-  
 प्याम दुकूलसों । कम्पति औ प्रकटे परस्वेद उरोजन  
 दत्तजु ठोढी के मूलसों । ह्वै अरविन्द कलीन पै मान  
 भरै मकरन्द गुलाब के फलसों २ ॥ कवित ॥ भरियत  
 गहरे गुलाब हृद होइन सुधरियत रजत फुहारैतदबीर  
 के । हरियत ढारन सुढारन नहरनीर हरियत घनसार  
 शरद गाँभीरके । करियत तर अतरनसों बिछौना क-  
 विशेषज उघरियत वातायनतीर के । चन्दन पलंग  
 अरविन्दनकी सेजपर सुन्दर सिधारी आज मन्दिर  
 उशीर के ३ बरबरात बेहरि प्रचराड खराड मराडल पै  
 दर्बरात धूपनकी द्युतिपीनअफरात । भर्भरातपवनके  
 भोकआये अररात खरबरातपातपात वृक्षनते भर्फ-  
 रात । भर्भरात भासिन भवन मांझ बैठी जाय हर्बरात  
 हायहाय पीवपीव बरबरात । कहैं बचराम छिनछिन-  
 कमें चुर्भुरात जलविन सीन जैसे सेजहूपै फर्फरात ४  
 प्रीतम न आये जाय कुबिजा गृह छाये ऊधो पाती  
 लै आये यहां ग्रीयस की हूकहै । पवन भरराने धूल  
 लागी फहराने अबकाम शरताने हिय बेधत अधूक  
 है । सूर्यकी चमक दूडेघामकी धमक तीजे लहकी  
 रसकतेउठत तन बूकहै । कहैं बचराम चोली चोरना  
 सुहाय अब बिना मिलेश्यामके कलेजा टूक टूकहै ५  
 सीरे तहरवाने तामें खासै खसखाने साँधे अतर गुलाब



की बयारें रपटत हैं । भूधर सवारें हौद छूटत फुहारें  
 और वारे भारे तावदान धूप दपटत हैं ॥ ऐसेसमें गौन  
 कहु कैसे की बनें तो प्यारे सुधाके तरङ्ग प्यारे अङ्ग  
 लपटत हैं । चन्दन किवार घनसार की पगारदर्ई तऊ  
 आनि ग्रीष्म की भार भपटत हैं ६ शीतल गुलाब  
 जलभरि चहबचन में डारिके कमलदल न्हायवे को  
 धसिये । अंकभरि प्यारीनेह नदिन सुदिनभरि बारिके  
 बिहारतेन बाहिर निकसिये । कालिदास अंग अंग  
 अगर अतरसंग केसर समीरनोर घनसार घसिये । जेठ  
 में गोविन्दलाल चन्दनके चहलन भरिभरि गोकुल के  
 महलन बसिये ७ खासे खसखाने खासेखाने तहखा-  
 ने नलछूटत सरोजकी सुगंध लपटीरहै । अतर अरगजे  
 सों केसर गुलाब नोर छिरके किवारंदार भारभपटी  
 रहै । कृष्णलाल जेठमें गमन कैसे कीजै प्यारे चन्दन  
 मलैकै पंक्त अंक दपटी रहै । उवाल उदभटी कुचवटी  
 कामगटी तटौहटी मरहटी नटी लटी लपटीरहै ८ असल  
 अटारी चित्रसारी वारी रावटीमें बारह दुवारी में के-  
 वारी गन्धसार की । कामानल छायरह्यो चांदनी  
 बिछौना पर छवि फविरही क्षीरसागर कुमार की ।  
 श्रीपति गुलाबवारे छूटत फुहारें प्यारे लपटें चलत  
 तर अतर बयार की । भयगा नेवारी घनसार भीजि  
 सारीभार तऊना बुझानी नेक ग्रीष्म के भारकी ९  
 चावा चौक चांदनी चंदेवाचिके चौकी चौक चम्पक  
 चंपावली चमेली चारु चौजहै । खासेखस फरस उसीर



खसखानिन में पजन कपर चन्दनादि करि चौज है ।  
 लालीलखि ललित ललीके लाल लोइनमें अमल गु-  
 लाबदल मलत उरोज है । अवनिअशीतलपै प्रीयमतपोत  
 लपै प्रिय हाथहीतलपै शीतल सरोज है १० ॥ सवैया ॥  
 शीतलता ते सिराने सहा तहखाने नये खसखाने बने  
 हैं । सैन सवारै सनेते फुहारै अपारै कतारै छुटै अँ-  
 गने हैं । श्री रघुराज तहाँ यदुराज सखीन समाज लै  
 मोदसनेहैं । प्रीयस जानि सहै सुखदानि सुखविमलिसों  
 इति बानिभनेहैं ११ ऊँची अटानि अनन्द सों सोइबो  
 सींचिबो सीकरसौरभसानै । मंजुमयंक मरीचिन सेइबो  
 लेइबो तू अधरामृत पानै । श्री रघुराज सदा सुनिबो  
 सजनीन समाजमें सुन्दर गानै । प्रीयसको बिरहीन को  
 भीयस तीखन तापको मानौ बिलानै १२ ॥ कवित ॥ तातो  
 हात तन और सुखिजाति मुख उद्योति अंग अकुलात  
 चित्त अधिको भवतुहै । जैयतु उसीर भौन लागत न  
 नीको पौन ओला घनसारघनो चन्दन अमितुहै । सो-  
 रेहयतन याते कीनेहैं अनेकभांति तापर तिहारी सौंह  
 दुखनाघटतुहै । जानत हैं व्याप्यो तोहिं विरह प्रसिद्ध  
 आली नायक है कोऊ नाहीं प्रीयस की ऋतुहै १३  
 चन्दन चहल चावा चांदनी चंदेवा चारुघनो घनसार  
 घेरिसींचमहबूबी के । अतर उसीरसीर सौरभ गुलाब  
 नीर राजव गुजारै अंग अजव अजूबी के । फेरन फवत  
 फौलि फूलन फरश तामें फूलसी फबीहै बालसुन्दर सु-  
 खवीके । बिशद बिताने ताने तामें तहखाने बीच बैठी



खसखानेमें खजाने खोलि खबीके १४ आंवाँसी अब  
निधंधी धूपरूप धूमकेतु आंधी अन्धकूप डारै लोचन  
अनेसेके । जमक जलाकन की नाकन की लोह चलै  
दयाकुल जगत सांभपावै जैसे तैसेके । लोकपति लूकसे  
उलूकसेलुकतबेनी कुञ्जकाया जहांतहांछाडरहीऐसेके ।  
कोठरीतखाने खसखाने जलखाने बिनप्रीयमके वास-  
र द्यतीत हेांय कैसेके १५ धौरहरधौल धूपधापहंधसे  
न जामें चहुंधा दुआरके सुगन्ध सारशालासे । मरिा  
दीपमालामरिा भूयसा बलितबाला खासेपरयंक वासे  
सुमननि मालासे । द्यजन उसीर नीर मलयज समोये  
हैं परसत समीरहै सरस शीतकालासे । जिनहेत विरचे  
विरज्जि हैं मसाला ऐसे द्ययित न होतते निदाघजात  
उवालासे १६ चन्दन चहल चित्रमहलहिदेश मोहेरस  
वतियानसों प्रमोद सखियानमें । खासे खस फरश फु-  
हारे फुही फौल फौल फौल भरशीतल समीर छतियान  
में । गोरेगातसोहै गरे गजरा चमेलिनके गोहेवर सुघर  
सहेली अति स्थानमें । गोदते उरोज कर परश गुलाब  
जल छिरकत लाडिलो लली की अखियानमें १७  
सुमन सवांरे भारे भौरन उसीरबारे छूटत फुहारे नीर  
बारेकी शलाकैरी । कहै गिरिधारी सची चन्दन की  
पंक परयंक पर पंक कीन बहुरि चलाकैरी । ऐसे में  
ललन परदेशको गमन कह्यो तरशिाधरशिादेततरशिा  
तलाकैरी । चहुंओर अतर गुलाब सरबोरो सखी धाई  
बरजोरीतऊ जैठकी जलाकैरी १८ धाईहैं धरशिा धूप



दंदकि अंगार जैसे पवन प्रचण्ड लूक लागे दिशि द-  
 सते । बेसी हुम कपताल कुराडनके सोत सुखे सुखे भे  
 कुरंग देहफुंकोंबोरि पसते । प्रीतम सुजानजान कैसेके  
 पयान कीजै शीतल सुगन्ध सींचिराखी बोरि रसते ।  
 तातकीकमाई वित्त बहुतसंगाइदेहैं बंगलाछवायदेहैं  
 तुम्हें खासेखसते १९ ग्रीष्म तपत परचण्ड नवखण्ड  
 मध्यह्नभरे लालेलालेलुहन लुकारेहैं । तीरकेसे तीयरा  
 समीर सरसात आलीमानौ आजवरसत अंगनअंगारेहैं ।  
 ऊबिऊबि आवै सांस ज्योंज्यों अध ऊरध उसासै उप-  
 सायेकसो पूरणा पनारेहैं । सुखे सर सरिता अपार जग  
 मोहनजू दिनविपरीते रीते नदी नद नारे हैं २० भांपै  
 भुकी भपटै भरोखनकी भांभरीकी भोंकन खुलै न  
 कहं खरखसकी टाटीसों । आंगन के ऊपर अंगारकी  
 लगायो लताछिरकै छबीली छोरछोटनकी छाटीसों ।  
 आयोऋतुग्रीष्म गरुजग मोहनजू बगरिवगाखो बार  
 बेलितकी बाटीसों । अगर उसीरनोर सौरभसमीरसीरे  
 सुखद सवारै सेजशीतल की पाटीसों २१ खासे खस  
 खाने सींचे अतर गुलाबनसों सीरे तहखानेचारु चंदन  
 चहलहै । कलित कपूरनके चौतरेचुनेहैं तौन मोदवारे  
 मालतीके मंजुल महलहै । पन्नाकेपलंग रंगपरदाफि-  
 रोजा धरे बेलनकी पांखुरीसों परणा पहलहै । ग्रीष्म  
 के गरमगरुजग मोहनजू दूरदरशात इतचोवन थहल  
 है २२ गाढे गन्धसारन घनेरेघनसार आली घोरिघोरि  
 आजु मेरे बगर बगारिदे । त्योहीं तहखानन में खासे



खसखाननमें अतर गुलाबके फुहारन फुहारिदे । बेली  
 के बिछौना पै सिधारि साधिसलापान आछे मृगसद  
 सां अमोद उदगारिदे । जौ लौं जग मोहन विराजें इत  
 बीर तौलौं बाहर सां बैठि बलिद्वयजना सँभारिदे २३  
 घोरि घनसारन घनेरे गन्धसार आली भारन दें असल  
 अमोद अंगरागौना । खासेखसखानन खुसीस खुशबूके  
 नीर नहरै निराली नई रातौ दिन पारौना । शीतल  
 रहैगो जगमोहन तपीत लागो गरम गरूर लैलैहीतल  
 को भारौना । बाल कैसी पूतरी समेटि अंगमाल कोउ  
 जौलौं नव बालकी रसाल उरलागौना २४ तावरीतपन  
 ताप ज्वाला सों न विरहीन छीन ह्वैरहीं हैं आपनो  
 ड्येकुभावरी । भावरी सजन सध्यजासों सब राजीरहैं  
 नेकलूह लपटसों घटना जरावरी । रावरी न सानिहै  
 सनेह नेह मेरो कह्यो देहमें प्रवेशि बारि बाती को  
 लगावरी । गावरी बजावरी सुवन्दी सनभावरीपै येरी  
 बीर ग्रीष्म तू मोहिं ना सतावरी २५ विकल सकल  
 जल थलनके जीवहेत जेठको जलाकनिमेंपहुमीतपति  
 है । सरिता सरोवर रसाल जलहीनभये मूखे तरुपशु-  
 हूपखेरुन विपतिहै । ग्रीष्म तपनि दूजे विरह तपनि  
 बाढीतापै यह लपटि भूपटि लपटति है । सीरे उप-  
 चारन ते जारत अतंग अंग पिय बिन मान याको कैसे  
 को रहतिहै २६ ॥ सबैया ॥ आतप ताप तपै रबिसराडल  
 तापित तात ततो जल आजहै । तापित वायुबहैबड़सेख  
 सो सोखित कूपतडागनलाजहै । भूमितचैतजि आपनो



भाव दुखी बन बालक ऊँख सुराजहै । हैं सहिषीह  
 कलेशित बारि की शालिकराम सो ग्रीष्म साजहै २७  
 देखेपथी अति व्याकुल लूकसों बाहिहु देखि लजाय  
 के भाजहैं । बौंडोह घास जरीजडु सों सब धंधेह बन्द  
 धनीन के काजहैं । मूँडपैभानु चितै अति कोपित धप  
 धुपोली के बाजन बाजहैं । छोटी निशादिन भारीरहै  
 द्विजशालिकराम सो ग्रीष्मसाज हैं २८ ॥ कवित ॥ सु-  
 वह असिसटंत सब निजसाजे मध्य रात्रि युगयाम प्रभु  
 तहसीलदारीहै । शालिग्राम डिपुटीकमिप्रनरसो आंधी  
 मानौ आदि अन्तरात्रि यामखेवटरा विचारीहै । मन्द  
 मन्द दिनघाम साहब कमिप्रनर औ तेज मध्यदिनघाम  
 फनासिल कारीहै । लूक को लपाकोसेतो चीफअहै  
 सबकेरो ग्रीष्मके लटकी सवारी अति भारीहै २९  
 द्वारन पै खसकेरी टट्टियां चुवतजल अन्दर सुपेदपर-  
 यंकहु तहांपरो । बालाकरि भोजन जेवायपति अति  
 हित शालिग्राम बफले सुराही मध्यतैं भरो । पानन के  
 बीराह खवाय पतिखाय आपु मन्दमन्दमारुत डुलावै  
 नींद मेंगरो । सुख सरसात दिन दुखना दिखात कहु  
 विधिऐसी ग्रीष्मके दूरिना कबैं करो ३० दिनकर  
 जोरतपै घास नहिं देखो जाय आंधी और आगने तो  
 उच्चके निदादई । पन्थसों पथिकसब लूकसों सरतजात  
 जीव अति व्याकुलीसों अर्द्धही गिजालई । भोगी तह-  
 खानेपरे मारुत भुलावैं जन ताहपर आवताव तनसों  
 जुदाभई । धर्मकर्म आपने जनावैं जाके जैसेहायँ शाल-



ग्राम ग्रीष्मसमों आजसों विदाभई ३१ ॥ सबैया ॥ देहतचो  
 बिरहानलसों अति ऊरध आसहि पीनबढाई । मुक्तब-  
 लाकनकी अवली बलदेव कहै सुखसासरसाई । श्याम  
 घटासमकारी लहै द्युति दामिनि त्यों बरदन्त न पाई ।  
 भीष्मबुन्दगिरै दृगसों ऋतुग्रीष्ममें बरयाऋतुआई ३२  
 कवित् ॥ सुमनसुगन्धशुचि सुरभीसमीरसेत भीतलसमाज  
 साज सकल बनायेहैं । नहर नदीनिकट खूबखसखाने  
 जाने खिरकी भरोखा खोलि खासदानलायेहैं । तर  
 करि अतर तमोल तान तामदान भान को समान सो  
 प्रमानके दुरायेहैं । द्विजबलदेव कहै बरफ बिछायबर  
 बारिके फुहारे औ बितान बोलितायेहैं ३३ सुनतसना-  
 के यमुना के नाके ताके सब ग्रीष्मसे ढाके सुखसाके  
 निजगातना । द्विज बलदेव जलदेव कलदेव कहै जल  
 जल जात जल जात जल जातना । मन अनुमान हरि  
 साजो यों समान दिनदीपमान भानकीप्रमान दरशात  
 ना । गंधि गुलगाजरे गुलाबन सों गलकाय गलिन में  
 गरमीकी गरद लखातना ३४ नदिनमें नारनमें नारंगी  
 अनारन में नवल निवारनमें तौरबदलेगये । नन्दराम  
 ग्रीष्म गुसामें गरमी में गैल गहव गुलाबनसें अंगभस  
 लेगये । ऊसर के अंगन में नीर नदी रंगनमें तरल तरं-  
 गन में हरिनछलेगये । हेम गिरि मन्दर में हिमगिरि  
 के कन्दर में अन्दर के अन्दरमें बन्दर चलेगये ३५  
 चौकमें चटक चांदनी में चारुसेज सारु नारन के ऊ-  
 परसेवारन बिछाय दे । चन्दन की चहल चमेली के



अतर घोरि घने घन सारन चहंधा छिरकायदे । कहै  
 नन्दराम तैसे बोरिके सुगन्धनसों हौरै हौरै बेगि बेश  
 बीजना डोलायदे । गहगहे गहब गुलाबन के गंजगुहि  
 गजरा गरैगल गुलाब गलकायदे ३६ जीवन को वाश  
 कर ज्वाल को प्रकाश कर भोरही ते आशकर  
 आसमान छाये है । धमका धमक धूप सखत तलाव  
 कूप पौनको न गौन भौन आगि में तँचाये है । तकि  
 र्यकि रहे जकि सकल बिहालहाल प्रीयम अचरचर  
 खचर सताये है । मेरेजान काहवृषभान जगमोचनको  
 तीसरो त्रिलोचनको लोचन खुलाये है ३७ जेये बिना  
 जोरनसो जलकी जिकिरजोभ जखोजात जगत जला-  
 कनके जोरते । कूप सरसरिता सुखाय सिकता में भई  
 धाई धूर धौरन धराधरके ओरते । बेगी कवि कहत  
 अनात पचहत सब अगिनसों आतप प्रकाश चहुँ ओर  
 ते । तावासों तपत धरामण्डल अखण्डल सो मार्तण्ड  
 मण्डल दवासे हातभोरते ३८ धुधुरे दिगन्त भये बि-  
 गत बसन्त आली प्रीयम बियमदिन काहूना सुहातहैं ।  
 तैसेही प्रचण्ड मार्तण्ड नवोखण्डतपैं बलित बवण्डर  
 बहत चारैंवातहैं । सुखे से लगतद्रुम रुखेभूखे सलिल  
 से भंजन भयावन महावन भुरातहैं । आवा से जगत  
 भयो तावासी तपति भूमि दावा भरे भूधर पजावा से  
 धुवातहैं ३९ प्रीयम में भीयमहैं तपत सहसकर बापी  
 तारे नारे नदी नद सखि जातहैं । भंभा पौन भरपि  
 भरपि भकभोरि भोरि धूरिधार धूसरे दिगन्तन



दिखातहैं । श्रीपति सुकवि कहै आली बनमाली बिन  
 खाली जगमोहिं कैसे बासर बिहातहैं । तावासे अजिर  
 पग लावा सोतचतघर भयो गिरि आवा सो पजावासे  
 धुवातहैं ४२ प्रबल प्रचण्डचण्ड करकी किरणदेखो  
 बैहरउदण्ड नवखण्ड धुसिलतिहै । औटिके कराही  
 रतनाकरको तेल जैसे नैनकाबि जल की लहरि उछ-  
 लति है । ग्रीष्म की कठिन कराल ज्वाल जागी यह  
 काल व्याल मुखह की देह पघिलति है । लूका भयो  
 आसमान भूधर भभकाभयो भभकि भभकि भूमि दावा  
 उगिलतिहै ४३ उछरि उछरि भेकी छपटें उरगपै उरग  
 पगकेकिनके लपटें लहकिहै । केकिनकी सुरति जिये  
 कीना कहूहै भये एकी करि केहरिन बोलत बहकि  
 है । कहै कवि ब्रह्मवारि हेरत हरिणाफिरै बैहर बहति  
 बड़े जोर सों जहकि है । तरणा के तावन तवासी भई  
 भमिरही दण्डू दिशान में दवासी यों दहकि है ४४  
 सेनापति तपनि तपत उत्पति तैसे छाये रतिपति  
 ताते विरहबरतुहै । लूवन की लपटें ते चहुँ ओर भ-  
 पटें यों ओढे सलिलपटें नचैन उपजतुहै । गगन गरद  
 धंधि दशोंदिशा रही हूँधि मानो नभ भार की भसम  
 बरसतुहै । बरणाबताई क्षिति व्योमकी तताई जेठआयो  
 आतताई पुटपाक सों करतु है ४५ सेनापति उवै दिन-  
 करके चलतलुवै नदनदी कुवैकोपि डारत सुखायके ।  
 चलत पवन मुरभात उपवनवन लाग्योहै तवन डाख्यो  
 भूतली तचायके । भीष्म तपतऋतु ग्रीष्म सकुचि ताते



शीतहै कछूक तहखाननमें जायके । मानो शीतकाल  
 शीतलताके जमाइवेको राख्योहै विरंचिबीज धरामें  
 धरायके ४६ चण्डकर भारन भुकोरत सरोय पौन  
 तोरत तमालगन मदन्दन भारोसो । धमकैधरगिरिगिरि  
 तमकै प्रतापजाको देखत सजेजरेज जगत निहारो सो ।  
 तरुसीराखाया सरसोखत समुद्रवन करनविचारदेखो  
 आतप आगारोसो । छावत गगनधूरि धावत धधात  
 आवै चापचढ्यो प्रीयम गयंद मतवारो सो ४७ ओब-  
 रिन दोबरिन तहखाने खसखाने आपने बचायवे को  
 फिरौ मैं तरसिके । रघुनाथ की दोहाई पैयत न कहूं  
 कल लागतही बिहवल होतिहैं अरसिके । आजके  
 पवनकी व्यवस्था कौनकौन कहैं आवतहै तरंगि-  
 रगिको गरसिके । मलयके सांपनके बियको करयि  
 कैकि दावामें भरसिके कि बाडव परसिके ४८ वृष  
 को तरंगितेज सहसौ किरगिरि ज्वालनके जाल  
 बिकराल बरसतुहै । तचति धरनि जग जरत भरनि  
 सीरी छांहको पकरि पंथी पंछी बिरसतुहै । सेनापति  
 नेक दुपहरीके ढरतहोत धमका बिसम यौनपात खर-  
 कतुहै । मेरेजान पौनोसीरी ठौरको पकरिकोनाघरी  
 एक बैठि कहूं घामें बितवतुहै ४९ घोरि घनसारन ते  
 सखिन कचूरचूर लीपे तहखाने सुख दीवेको दुदण्ड  
 की । तामें खसखाने बने उजरेबिताने सुरभौनकी समानै  
 जे निदानै ठानै ठण्डकी । बहत गुलाब की सुगन्ध के  
 समीरसने परत फुईहैं जलयन्त्रनके तराडकी । विशद



उसीरनके फोर परदान प्यारे तऊ आनि वेधत मरीचै  
 मारतण्डकी ५० सोनाबीच ह्वैकर पसीना की बहत  
 धार जीनाभयो जलुमन नैनहंसों घरमी । सेवक भनत  
 पौन पानीते कढति आगि दागिजैये परसिन हात  
 कबौ नरमी ॥ खसखाने रसखाने गये ह्वै अतसखाने  
 कसखाने बैठिकहौ पूजै होसहरमी । इयमसी ह्वैरही  
 नहीयमपरतभरि भीयमभईहैगाढ ग्रीयमकीगरमी ५१  
 सीरे तहखाने तामेंखासे खसखाने सींचे अतर गुलाब  
 की बयार दपटतिहै । भूधर सुधारे होज छूटत फुहारै  
 भारे बारे तापदाननमें धूपदपटतिहै । सेसेमें गवन कहौ  
 कैसेकै कीजियत सुधासी तरंगप्यारी अङ्ग लपटतिहै ।  
 चंदनकिवार घनसारके पगारबीच तऊ आनि ग्रीयम  
 की झार झपटति है ५२ अम्बर अतरतर चन्द्रकच  
 हलतन चंदमुखी चन्दन सहलमैन सालासे । खासेखस  
 खाने तहखाने तरताने तने ऊजरे बितानेछुये लागतहैं  
 पालासे ॥ दत्तकहै ग्रीयम गरमकी भरमकौन जिनके  
 गुलाब आवहौज भरे तालासे । झाला से झरत झर  
 झांपनसी बाराबांधे धाराबांधि छूटत फुहारा मेघ  
 मालासे ५३ चादर चहंधा शिशिरादर मचाइ गिरै  
 नहर निरादरलौ जातिकम्पसानेमें । केतेजलयंत्रशीत  
 यंत्रसे सलैके चलै बीजन स्वतंत्रके तुषार मंत्रमाने में ।  
 फरद फुहारनते ग्रीयम गरद कीन्हौ सेवक त्यो शरद  
 सुवासदे खजानेमें । संग नवलाके मनमोहन अनंगराचे  
 माचे रसरंगकी तरंग खसखानेमें ५४ दर्शौदिशि तची



अवलोकियत ग्रीष्म में जल थल विकल अवनि सब  
 यहरी । अमृत के पुञ्ज दोऊ औचक मिले हैं कुञ्ज  
 द्रुम बेली नीकी तर्कि छांह छवि गहरी । राधे हरि  
 भलि पलरूप छाक सखीसुख रसके समुद्र बढी अनु-  
 रागलहरी । चन्द्रमासें लाग्यो भानु चाँदनीसी लागी  
 धूप शरदकी रातिभई जठकी दुपहरी ५५ क्षिति जल  
 अम्बर दशोंदिशा तचीईजात नेकु न सुहात सब बन  
 बेलि भरसी । सीरीह उसीरन की टाटी आवटीही  
 जात साटीकर नाटीहन नेक जात परसी । ता छिनही  
 आयै कुंजभौनमें कहूँते प्रयास चाँदनीसी लागी घाम  
 सरज लग्यो शसी । दीरघ निदाघ को दिवस घटिका  
 सी लाग्यो हात न द्यतीत जानि छनदा छनकसी ५६  
 चन्दनमहलमध्य चन्द्रक चहलचारु चाँदनीसी चिकै  
 चन्द चाँदनी सुहाईहै । तर अतरन बीर विजन बयार  
 नीर नहर विमलबारि चौगुद चलाईहै । रजतफुहारन  
 की परत फहीहै तहाँ परमानद गुलाब की गिलंबि-  
 छाईहै । ग्रीष्म गरमधर्म पावै क्यों प्रवेश तहाँ जहाँ  
 महाराज ब्रजराजकी आवईहै ५७ कमल बिछाये बर  
 विमल वितानछाये छविभरे छज्जे दरवज्जे महारावके ।  
 घने घनसारके सबारे सखिहौज तामें छूटत फुहारेभारे  
 केसरिके आवके । सौंधी सेज सुमन शिँगार अंगराग  
 हात राग रंग भारे सुरसरसहितावके । चन्दनकी खौर  
 बंदी बन्दन बनाय बैठे राधिका गोविन्द आज मन्दिर  
 गुलाबके ५८ खासे खासे खुले खसखाने खुशबोई



दार आसपास छूटतफुहारे बड़ेताबके । गिरिधारी फ-  
 रश सवाँरी तहाँ फूलन की परेदर परदा दरीचिनमें  
 दाबके । चन्दन भिगोये सुखसोये प्रयामाप्रयाम तामें  
 प्रीयममें ऊयम हेरानी आवताबके । गहबगलफगुल-  
 गुली गुल सुईचारु गिलिम गलीचेतर अतर गुलाबके  
 ५६ भरियत गहरे गुलाबहृद होदन सुधरियत रजत  
 फुहारे तदबीरके । ठरियत ठारन सुठारन नहर नीर  
 दरियत घनसार शरद गँभीरके । करियत तरअतरन  
 सों बिछौना कबि शोभजू उधरियत बातायन नीरके ।  
 चन्दन पलँग अरविन्दनकी सेज पर सुन्दरी सिधारी  
 आज मन्दिर उसीरके ६० रावटी उसीर बिछी शीत-  
 लपटीरबीर तीर तीर त्रिविध समीर झपटत जाति ।  
 चन्दन कपूर लिपी दहरें सुगन्ध भूमि फहरें दुहं के  
 पटचित चपटत जाति । छूटत गुलाबभरे ललितफुहारे  
 भारे परत फुहीकेही के रंग रपटत जाति । सरकिमु  
 शोचि सकुचाय यशवन्त अंक ससकि सलोनी शशि  
 मुखी लपटत जाति ६१ होद बीच पलिका पै राजत  
 रसिक दोऊ चहं ओर छूटें जलयंत्र त्योँ सहमहात ।  
 लागिकै गुलाबनीर फिरत फुहार अंग रंग बैढिवैनमैन  
 नैननि डहडहात । सगबगे बारछूटि रहीँलटें आनन पै  
 रगमगे रागतान बीनामें गहगहात । रोभैं भीजैं लप-  
 टात जातगात बातलगा प्रेमके तमाल नेह बेली ज्यों  
 लहलहात ६२ शीतल महल महा शीतलपटीर पंक  
 शीतलकै लीप्यो भीति क्षिति छाति दहरें । शीतल



सलिलभरे शीतल विमलकुंड शीतल अमल जल यंत्र  
 धारा छहरें । शीतल बिछौननिपै शीतल बिछाड़ सेज  
 शीतल दुकूलपैन्हि पौढेहैं दुपहरें । देवदोऊ शीतल  
 अलिंगननि देतलेत शीतल सुगन्धमन्द मारुतकी लह-  
 रें ६३ दोऊ अनुरागभरे आये रंग भौनभाग मधवाश-  
 चीको लखि लागत सहलहै । बैठे एक आसनपै एकै  
 संग एकै रंग चल्योना परत अंग कोमल कहलहै ।  
 एकनलै अतर लगायो देव दुहुन के छिरकि गुलाब  
 कीन्हे विजन बहलहै । लैके करबीनै परबीनै अलि-  
 यां अलापै मञ्जु सुर पुञ्जन ते गुञ्जत महल है ६४  
 माधोधाम तची भूमि तैसी कामधाम धूम प्यारे बन  
 वारी ज न जैये बनवारी में । उबटि कपूरचारु चरचि  
 के चन्दनसों छूटत फुहारे सुख सेजन सवारीमें । भूधर  
 सुकवि कहूं रबिसों न देख्यो लाल प्यारी अंग संग  
 रंगरीभिरौभि वारीमें । बसो दुपहर रतिखाने बाला  
 खाने बीच भोर हात भौन में अथोत फूलवारी में ६५  
 आईचलिचन्दमुखी चांदनी महलशोभि चमकत बाद-  
 ला बसन बितरनसों । चांदीकी फुहारनते फैलत फुही  
 हैं फूलसेजपर दंपति छकतरस रनसों । बाजैं बीनबाद  
 कलहंसन अवादकिये नूपुरनि नादवे धरन उतरनसों ।  
 सरभये सौतिनके सतरमनोरथ री तरभये पंथके गुलाब  
 अतरन सों ६६ फहरें फुहारे नीर नहरें नदीसी बहैं  
 छहरें छबिनछाम छोटनकी छाटी हैं । कहैं पदमाकर  
 ज्यों जेठकी जलाकैं जहांपावैं क्यों प्रवेश बेश बेलिन



की बाटी हैं । बारहदरीन बीच चारह तरफ तैसी बरफ  
 बिछाई तापै शीतल सुपाटी हैं । गजक अँगूर की अँगूर  
 से ऊँचे हैं कुच आसव अँगूर को अँगूर ही की टाटी  
 हैं ६७ तपै इत जेठ जगजात है जरत जासों ताप की  
 तरनि मानो भरनि करत है । इतही असाढ़ उठे नूतन  
 सघन घनशीतल समोर हिय होतल भरत है । आधेअंग  
 उवालन के जाल बिकराल आधे सुखद समोद हिय  
 धीरज धरत है । सेनापति ग्रीष्म तपत ऋतु भीष्म दै  
 मानो बड़वानलसों वारिधि बरत है ६८ चलै लूक पवन  
 लुकारी जनुसम्बत के मानो भालुजुरे देहमुख जुरे बाघ  
 के । मारतंड तेजसे बिकल भये जलथल रावटी उसीर  
 राजा जाने निशि माघके । पीयेपीये करत जहान रहे  
 रातौ दिन सरिता तलाव आव पीपीपोये दाघके । भ-  
 नत दिवाकर अनलते अधिक आंच कांच चुपेकांक-  
 री दुपहरी निदाघके ६९ ॥ सवैया ॥ ऋतुग्रीष्मकी प्रति  
 वासरकेशव खेलत हैं यमुना जलमें । इत गोपसुता वहि  
 पार गोपाल बिराजत गोपिनके गलमें । अतिबूझति है  
 गति मोनन की मिलिजाय उठै अपने थलमें । यहि  
 भांति मनोरथ परिदेऊ जनदूरिर हैं कबिसों छलमें ७०  
 कवित्त ॥ चलति उसास की भुकोरघोर चहुँ ओर नहीं है  
 समोर जोर मुधा कहैं लोग है । शोचनकी लहरें न ठहरें  
 सकोचन ते रबिकर होय नहीं प्रयास है धुसोग है ।  
 मृगनभ्रमत मेरे मन के मनोरथ ये फेरें नहिं फिरें लगी प्रीति  
 तया को ग है । धीरधरौबीर कैसे तपत उसीर भौननाहीं



यह ग्रीष्मरी भीष्म वियोग है ७१ पतित दुजन को  
 है देति सुमने सुखाय लगे अति काननमें बात तापमें  
 बली । मित्र वृषको है जहां भारी दुखकारी बने बोलें  
 दृगाराते बिन काल वृथा हो छली । जीवन जलावति है  
 लावति है आगि मनो दीन द्याल सारस न मिले जल की  
 थली । देत नाहिं बसन सुबसन उतार बिन किधौ यह  
 ग्रीष्मकै घोर खल मगडली ७२ ॥

पावसक्रतुके कवित्त व सवैया ३ ॥

कवित्त ॥ कंठकित होत गात बिपिन समाज देखे  
 हरीहरो भूमिहेरि हियो लरजतु है । निपट चवाई भाई  
 बन्धु जे बसत गांउ दांउ परे जानिके न कोऊ बरजतु  
 है । सते पै करणध्वनि परत मयूरनकी चातक पुकारि  
 तेह ताप सरजतु है । अरजो न मानी तू नगर जो चलति  
 बेर सरे घनबैरी अब काहे गरजतु है १ ॥ सवैया ॥ बरसे  
 बनकंजन पुंजलतासिक मंजु मयूरनकी सरसे । मधुघोर  
 किशोर करे घनये चपला चलचारु कला दरसे । अलि  
 हो बलत चल बेगि हहा उततो बिन प्राणा पियातरसे ।  
 उमड़े दूमड़े घुमड़े घन आज मिही बुंदिया न मडो बर  
 से २ ॥ कवित्त ॥ पौनहहराई बनबेली थहराई लहराई  
 सौरभ कन्द बनन की सानते । भिल्लो भुननाई पिक  
 चातक चिचियाई उठै बिजु छहराई छाई कठिन क-  
 पान ते । कहैं परमेश चमकत जुगुन नचाय मेरे मन  
 आई ऐसी उक्ति अनुसानते । बिरही दुखारे तिन पर  
 क्रूरदई सारेमानो मेघबरसत अंगारे आशमानते ३ उठत



पहारे घनकारे सारे बहलके कड़जलते कारे धुधकारे  
 देत दामिनी । छूत करारे ते करारे बूंद बरसत भारे  
 अन्धकारे अटा लागत भयावनी । मोरवा कुहंके जोर  
 शोर पिककूके बंदि मराडुक धधूके सोचुहंके कोकि-  
 लाघनी । कस्तबिन कामिनी विरह सरसावनी सो  
 लागैडर पावनीय भादौकेरी यामिनी ४ नीलपटतनुपै  
 घटानसी घुमाई राखौंदन्तकी चमकसों छटासी विच-  
 रतिहैं । हीरनकी किरनै लगाइ राखै जूयनसी को-  
 किला पपीहा पिकबानी सों हरतिहैं । कीच अंशु-  
 वानकी मचाऊं कवि देवकहै प्रीतम विदेशहैं सिधा-  
 रिबो हरतिहैं । इन्द्र कैसें धनुसाजि बेसरि कसति  
 आजु रहुरे बसन्त तोहिं पावस करतिहैं ५ घनको  
 घमंक औ बनक बक पांतिन की बीजुरीचमककर  
 बालसी देखातरी । ललित लतान लखियतुहैं नदान  
 और कहै परमेश त्यों बहत बेस बातरी । मोरन को  
 शोर चहूंओर हात ठौर ठौर दादुरकी ढूँदिघोर करै  
 तनु घातरी । सुख सरसावत लगेरी लोग गावन को  
 बिना मनभावन नसावन सोहातरी ६ छोटे छोटे कैसे  
 तगा अंकुरित भूमिभये जहां जहां फैली इन्द्रवधू वसु-  
 धानमें । लहकि लहकि सीरी डोलति बयारि और  
 बोलत मयूर माते सबनि लतानमें धुरवा धुकारै पिक  
 दादुर पुकारै बक बांधिके कतारै उडैकारे बदरानमें ।  
 अंशभुज डारे खरे सरयू किनारे प्रेम सखीवारि डारे  
 देखि पावसबितानमें ७ ॥ सबैया ॥ भावन कोऊ पठाऊं



उतै उनतौ इहि औसरमें कहे आवन । गावन सरीलगे  
 मुरवा धुरवा नभमंडलमें लगेधावन । छावन योगीलगे  
 शिखलाल सुभोगीलगेहैं दशा दरशावन । तावनलागो  
 वियोगिनको तनु सावन बीरलगे बरसावन ८ ॥ कवित्त ॥  
 पौनके भुकोरन कदम्ब भहरान लागे तुंग फहरान  
 लागे मेघ मण्डलीनके । भनत कवींद्र धरा सारनभरन  
 लागे कोश होनलागे विकसित कन्दलीन के । उटज  
 निवासिनकोत्रास उपजनलागे सम्पुट खुलनलागे कुटज  
 कलीनके । माचो बिरहीनके अहीन स्वर भिल्लिनके  
 दीन भये बदन मलीन बिरहीन के ९ वियत बिलो-  
 कतही मुनि मन डोलि उठे बोलि उठे बिरही बिनेद  
 भरे बनवन । अकल बिकल है बिकानेरे पथिक जन  
 उध्वमुख चातक अधोमुख मंडलगन । बेनीकवि कहत  
 सहीके महा भाग भये सुखद संयोगिनि वियोगिनिके  
 तापतन । कंजपंज गंजन सुखी दलके रंजनसे आये  
 मान भंजनपै अंजनवरगा घन १० घुमडि घुमडि आये  
 बादर उमडिधाये सांवरे विदेशछाये औसर करारमें ।  
 दादुर पपीहा मोर शोर चहुंओरकरैं मारत मरोर उठि  
 कामज्वार जारे में । घम जलधारैं करैं उमंगि सलिल  
 सरैं गाजकी गजौन सरैं बैस सतवारे में । भूकैं भुकि  
 जातीछढी भूलिभूलि गातीदेखि फाटैबीर छाती हा  
 कुठौर भये भारे में ११ ग्रीष्मते तचिबचि पावस मरु  
 के पाई तामें फूके जुगुन भूवकैं लागैं पौनकी । हूकैं  
 उठैहियमें कनूके लखैं बून्दनकी भिल्लिह नमूकैं ये



बिसासी बैरी भौनकी । चपला चहूँ के ल्यों ल्यों तनमें  
 भभूके उठे ऊँके मारे सुखन कहों मैं कौन कौन की ।  
 दादुरको हूँ धायकरत अचूके उर को किलकीकूके  
 तापै बूके देतो नौनकी १२ ॥ <sup>सवैया</sup> ॥ चहुँघाते घरीघरी  
 घेरिघना घनकी घटाघोर घनी घहरै । छिनही छिन  
 छीनन को बरछी छितिलो छन छाया छटा छहरै ।  
 चकवा चकईबकचातक चोरिनकी चिचियानिचहूँ  
 चहरै । बिलखाय बियोगिनि बेदन से बिजया नँद  
 बैठरहे बहरै १३ भूमिरहे घन घूमिघने बलि बोरत  
 भूमिमनो चहुँघा घिरि । है अफसोसन रोसकरै विन  
 होस लतारहि सुखनसों भिरि । बेनी पपीहन मारन-  
 हूँ हहरानन हूँदि करै बहुते फिरि । ज्यों डरपै तड़पै  
 बिजुरी परैकाहूँ बियोगिनि पैन कहूँ गिरि १४ ॥ <sup>कवित्त</sup> ॥  
 ककैलगीं कोइलै कदम्बनपै बैठिफेरि धोये धोयेपात  
 हिलिहिलि सरसैलगे । बोलैलगे दादुर मयूरलगेनाचै  
 फेरिदेखिके संयोगीजन हियहरसैलगे । हरीभई भूमि  
 शोरी पवन चलनलागी लखि हरिचन्द फेरि प्राण  
 तरसैलगे । फेरि भूमिभूमि बरयाको ऋतु आई घेरि  
 बादर निगारे भुकिभुकि बरसैलगे १५ आयाऋतु  
 पावसलों यावन चढ़ाई करि सै सबको फन्द बन्द  
 छोरन चहतहै । ग्रीष्म समान मित्यो जात गुरुजन  
 भीतप्रवन सुखन्दता भुकोरन चहतहै । कामकोघनेरो  
 घन बरसि सनेहबुन्द तनमन प्राण सबै बोरन चहतहै ।  
 वयस नदी में लाल प्रेम को प्रवाह बाढ्यो लोकलाज



सीमाहाय तोरन चहत है १६ कूकैलगीं कोकिलैं  
 कदम्बनपै रातोदिन मोरपिक शोरह सुनात चहुं पास  
 है । मन्दमन्द गर्जत घनेरी घटा घूमिघूमि बहतसमीर  
 धीर संयुत सुवासहै । जिततित नारीनर गावैं सुखपावैं  
 अति भूलत हिंडारेलाल बाढत हुलासहै । हिये भर-  
 सावनको काम सरसावनको बुन्द बरसावनको सावन  
 सुमासहै १७ कैधौवहि देशजहां प्रीतमपियारे बसैं  
 घारे घटा नहिं घूमि घूमि घहरावै है । कैधौ चमकत  
 नाहिंचपला चहुं घातहां कैधौं नासुरेश कबौं बुन्दभरि  
 लावै है । कैधौंकास कुटिल नह्यापत करेजेकैधौंकोऊ  
 नाहिं मेघऔ सलारराग गावै है । कैधौंलाल पावसकी  
 रातमें पीपीहा पापी बारबार पीपीकर कूकनासुनावै  
 है १८ बेलिन सों लपटे ललित लहकारे भये बलित  
 तमालनके देखेपरैं दरखत । चातक शिखंडी मंदमेडुक  
 रहेहैं नादि भींगुर भनक करैं जोर शोर हरखत ।  
 भंभापौन भूकैऔ कुहकैतैसी कोकिलाकी अजबेस  
 बिरह बधूकेप्राण करखत । पारावार धारकी धरामैं  
 जलधारा भई धारन सो धाराधर बारिधारा बरखत  
 १९ मल्लिकान संजुल मलिन्द सतवारे भये मन्दमन्द  
 मारुत मुहीम मनसाकी है । कहै पदमाकरते निनद  
 नदीननित नगर नवेलिनकी नजरि निसाकी है । दौरत  
 दरेरो देत दादुरसे द्वन्दे देह दामिनी दमंकरति दिशान  
 में दिसाकी है । बहलनि बुन्दनि बिलोकि बकुलान  
 बाग बंगलनि बेलिन बहार बरसाकी है २० दामिनी



दमंकनते भिल्लीकी भमंकनते दादुर असंकनते उमग  
उईपरै । बादरते बनते बहार बरहीते वेश बेलिन  
ते फूलन ते फहरि फुईपरै । जलकी जलसजेव योवन  
जमाजमतै जुगुन जमक हरियारी ते हुईपरै । पोहसी  
पहारनते पारावार पारनते पौनते नवीन ऋतु पावस  
चुईपरै २१ धुंधुरित धुर धुरवानकी सुछाई नभ जलधर  
धारै धरा परसन लागीरी । द्विजदेव हरीभरी ललित  
कछारैत्यो कदंबनकी डारै रस बरसन लागीरी । का-  
लिहोते देखिवन बेलिनकी बनक नबेलिनकी मति  
अति असन लागीरी । बेगि लिखु पातो या सँघाती  
मनमोहन को पावस अवाती ब्रजदरशन लागीरी २२  
घटाघन छतरीपै बगपांति भालरहैं इन्द्र धनुबांसरंग  
बिबिध मढ्योफिरै । दामिनी दमंक सोई भगाकीभ-  
मंकमानो बेलिहरी भूमि वृक्षतकिया कढ्यो फिरै ।  
बीरकहै शीतल समीरही कहार किये धुरवा खवास  
रासबिधिसों बढ्योफिरै । प्यारी पहिंचानपति पतनी  
की पौरिपौरि पंचवान पावसकी पालकी चढ्योफि-  
रै २३ उमडि उमडि घन घुमरत आये घने घोरै देत  
निदरि नगारनकी घूमको । कहत किशोर चारौ ओ-  
रनते जोरावरी जोरे देत जुरबिजुरीन वारी घूमको ।  
भाभ भंभा पौन तैसी भूपटि भंकोरे देत भोरै देत  
भालरै तमालनकी भूमको । जलजको जोरेदेत जलद  
को ठारेदेत जलधिको फोरैदेत बोरैदेत भूमि को २४  
भरपि भरपि भूमि भूमि भरै जलधर तरपि तरपि



उठें तरिता घरी घरी । तैसी अभिराम बाम काम सों  
 लपटिघन चिन्तामणि हेरु बेलि बन की हरी हरी ।  
 जकिजकि पापो पिक बकि बकि जोरि जोरि तकि  
 तकि प्यारी कारी सूरति डरी डरी । दौरति गिरति  
 उभकति भुकि भुकि जाति चौंकति चकति चक  
 चौंधति खरीखरी २५ भंभा भकभोरनसों धूकें चहुं  
 ओरनसों पावस भकोरनसों असीसे छन्योपरै । तरु-  
 नाइ तोरनसों हियकी हलोरनसों द्यथा सिंधु वोरन  
 सोंतनहूँहन्योपरै । बोलत मरोरनसों दादुरकी शोरनसों  
 हित मोतीरामकवि कैसेकें भन्योपरै । बादरकी कोर-  
 नसों जलकी घँघोरनसों मोरनके शोरनसों मै नउफन्यो  
 परै २६ अमित शिखशिडन की मराडी धुनि मराडल  
 में भींगुर भकोर भिल्ली भरप भरापैरी । चञ्चल  
 ह्वै चपला चमके चण्ड चारोंओर चातक चुनौटीपीव  
 पीवहि अलापैरी । कहै नन्दलाल गाढ अगम असाढ  
 आयो दादुर दरेरनकी दरत दरापैरी । सरी उर कापै  
 प्राननाथ कुबजा पै अबकोनसहै दापै धुरवान की ध-  
 रापैरी २७ कैसे धरै धीर बीर पावस प्रबल आयो  
 छाई हरि आई सितितम बगपांतीहैं । कोकिलकलापै  
 केकी चातक चकोर भिल्ली दादुरहकीवा करै शोर  
 दिनरातीहैं । घासीराम रातीराती लतन सुहातीमिलि  
 इन्द्रकीबधूटी चहुँ ओर दरशातीहैं । नटके बटासी छटा  
 बिजुरी चमक चारु तड़पि अटा सों घटा घसि घसि  
 जातीहैं २८ लागत असाढ दल साजि चढयो मेरे पर



घेरलेत मोहिं बोलि तेरे जलसरजे । भिल्लिन के भंड  
 बकभुण्डते सुभट संग बोलत नकीब केकी काके रहै  
 वरजे । चंचला निशान आसमान फहरानलागे भूधर  
 सुकावि कहै येही पंचशरजे । आधे आधे बैन कहि  
 राधेमें रह्योनचैन सैनपादशाहके नगारे आनिगरजे २९  
 छायाछाय खसखाने चन्दन लिपायगेह बन्दन बंधाय  
 अरविन्दनकी भापै तो । प्रीयम की तीयन तपन तन  
 ओड़ी अब छोड़ी आसडोंड़ीदै कलापो जो अलापैतो ।  
 बेणी कबिकहै आयो आयोरी आसाह अब जीबे की  
 न आस जिये दूनीह्वै हैं तापैतो । अतनतरापै मनकापै  
 बारबार बीर आय जैहैं बदराबराय जैहैं कापैतो ३०  
 घनघहरान लागे अंगसहरानलागे केकी कहरानलागे  
 बनके बिलासीजे । बोलिबोलि दादुर निरादरसों आठों  
 याम प्रीयमको देनलागे बिरह बिदासीजे । ठाकुर क-  
 हत देखो पावस प्रबलआयो उडत दिखानलागे बकुला  
 उदासीजे । दावेसे दवेसे चहुँ ओरन छपेसे बीर बसिबसि  
 रहैलागे बदराबिसासीजे ३१ आली ऋतुप्रीयमबिताये  
 दिनपीवबिन कठिन कठिनकरि बचीहैं सरीसरी । अब  
 तो इलाजको रह्योनकछुकाज लखि उठी ये घटान द्य-  
 या उमड़ी खरीखरी । अजहूँ नआयेहरी भरी जलभरी  
 भूमि चहुँओरदेखो बनीहारही हरी हरी । छूटनलगेरी  
 धीर धुरवा निहारप्रान लूटन लगेरी बोल मोरवा  
 घरी घरी ३२ जलभरेभूमै मनेभूमै परसत आय दशाहं  
 दिशान घूमै दामिनी लये लये । धूरि धार धूमरे



से धूमसे धुधारेकारे धुरवानधारे धावैं छबिसों छये  
 छये । श्रीपति सुकावि कहै घेरि घेरि घहराहिं तकत  
 अतन तन तापते तयेतये । लालबिन कैसे लाज चादर  
 रहैगी मोहिं कादर करत आय बादर नयेनये ३३  
 भंभापौन भूकेलगे अङ्ग सबहूके त्योहीं उठत भभूके  
 पंचवानजके बानकी । दशौदिशि हूके मेघदौरदेतहूके  
 त्योहीं चातिक उलूके भनै देवन अचानकी । भिल्ली  
 गनसूके चुपहेत जोमरूके त्योहीं जलकी कनूकेआन  
 प्यासीहेत प्रानकी । गयेश्यामजूके उपजावै हियेहूके  
 सखी धुरवाकी धूके हूजेकूके मोरवानकी ३४ कारे  
 जलधर चहुंधा ते भूकरत आवैं दामिनी सोहावै सो  
 जनावै दुख गाढके । भींगुर पपीहा भेक शुक पिक  
 मोर बालें डोलत समीर सो करत आढआढके । कहै  
 कविरामपीरेअंकुरमहीतेकढे बढीपीर बनितके देखे  
 जलबाढके । कामकेउसाहक बिरहीजनदाहक ये आये  
 प्राणागाहक बलाहक असाढ के ३५ बरयत मेह नेह  
 सरसत अंग अंगभरसत देह जैसे जरत जवासेहै । कहै  
 पदमाकरकालिन्दीके कदम्बनिपै मधुपन कीन्होआय  
 महत मवासेहै । ऊधोयह ऊधम जनायदीजो मोहनसों  
 ब्रजसोसवास भयो अगिन अवासेहै । पातकी पपीहा  
 जलपानकोन प्यासोकाह व्यथित बियोगिनके प्राणन  
 को प्यासोहै ३६ श्यामघटा नाहीं येतो धूमकी छटाहैं  
 छाई बीजुरी कहाँहैयेतो भाकैउठै धुरमै । गरज कहाँ  
 है घोर फाटै ऐसी थंवनकी जुगुन कहाँहै येतो चिगै



उठें सुरमै। मेघबुंद नाहीं ये बुझावत फिरतदेव तिनहीं  
 के छींटा देखि आवत अतुर मैं । लालबिन दावानल  
 अबकीबचावैकौनसरीआगि लागीहैपुरंदरकेपुरमें ३७  
 बादर नहोयँ दलआये सैनभूपजुकेबुंदिया न होयँ पंच-  
 बानभरलाईहैं । दादुर न होयँये नकीबबोलैं चारोंओर  
 सुरवा न होयँहाँक शूरनसुनाईहैं । वगुला न होयँ प्रवेत  
 ध्वजा भगवन्तजूके चपला नहोयँ शमशेरें चमकाईहैं ।  
 बालम विदेश यातेविरहिनि जारिवेको जुगुनू न होयँ  
 काम यामकी जगाई हैं ३८ अंकुर कुसुम इन्द्रवधूगन  
 चहुँ ओर करिके भगोहें राखे सुखिवे को पटहै । रूप  
 घनश्याम घटाछटा शिर सोहतहै जलही विभूतिभूति  
 पौनताके तटहै । हहर अवाजसुनी जात घरघर जाको  
 भरिगो तलावबडो खप्पर अघटहै । जगके वियोगिन  
 को कामनिशिदिन दाह्यो सावनहूँयोगी यों दिखायो  
 मरघटहै ३९ राजै रसमैरी तैसीवरया समैरी चढी चं-  
 चला नचैरी चकचौंधा कौंधा वारैरी । पतिव्रत हारैं  
 हिये परत फुहारैं कछुछोरैं कछुधारैं जलधर जलधारैं  
 री । भनत कविन्द्र कुञ्जभौन पौन सौरभ सो कौन को  
 कँपायके न परहय पारैरी । कामकेतुकासे फल डोलि  
 डोलिडारैं मनऔरैं कियेडारैं येकदम्बनकी डारैरी ४०  
 उमडि घुमडि घनघेरिके घमराड कोन्हों चपला समेत  
 चहुँओरनते भूमरे । निशिदिन जापीतापी बोलत प-  
 पीहा पापी कूरहैं कलापी सेसेघोरसुनि घमरे । जियैगे  
 वियोगी कैसे ऐसी समै महाकवि योगी तैवैभोगीभये



फोरिफोरि तूमरे । देखि मेरी आली अबमैनके सतंग  
छूटे धायेआवे धुरवा ये धौरेधौरे धूमरे ४१ उनयेते दिन  
लाये सखा अजहूं न आये उनयेते मेह भारी काजर  
पहारसे । कामके बशीकरन डोरें अवशीकरन ताते ते  
समीर जेहैं शीतल तुयारसे । सेनापति श्यामजूको बि-  
रह छहरिरह्यो फूल प्रतिकूल तनडारत प्रजारसे । मोर  
हरयनलगे घनवरयनलगे बिनुवरयन लगे वरय हजार  
से ४२ दूरज दुराई सेनापति सुखदाई ऋतु पावस की  
आई नहिंपाई प्रेमपतियाँ । धीर जलधरकी यों सुनि  
धुनिधरकी सोदरकी सोहागिनकी छोहभरी छतियाँ ।  
आई सुधि बरकी हियेमें आनिकरकी कही जो प्राण  
प्यारे वह प्रेमभरी बतियाँ । बीती औधि आवन की  
लाल मनभावनकी डगभई बावनकी सावनकी रतियाँ  
४३ बिन घनश्याम धाम लागत निकाम बाम आठो  
याम दहत अतनतन छतियाँ । केकी पिक कूकें हूकें  
उठें ये अचूकें अंग लूकें देतदादुर बिरहआग ततियाँ ।  
पतिया न आई बीर छतिया जरन लागी बतियाँ सु-  
हाति नाहीं भूली गतिमतियाँ । बीती औधि आवनकी  
लाल मनभावनकी डगभई बावनकी सावनकी रतियाँ  
४४ शरदशशीते अधशशी ह्वै बचीहैं कवि चिन्ता-  
मरिा तिमि हिमि शिशिर भूमक ते । सारत मरुके  
बची बधिक बसन्तहू ते पावक प्रजार बाँचा ग्रीष्म  
तमकते । आयो पापी पावस ये प्राण अकुलान लागे  
भागेरी असान घोर घनकी घमकते । ताप ते तचौंगी



जौपै अमिय अँचौंगी आली अबन बचौंगी चपलान  
 की चमकते ४५ गरजि घुमंडिलै सकल सहिमण्डिलै  
 तदण्डिविरहीनको उमण्डिकरि ऐँठैगो । दादुरपपीहा  
 दोह दासुन दिखारिदेत मोरन को शोर तन तोर करि  
 पैँठैगो । चपलाकृपानबुन्द बानसे प्रवीन बेणी शीतल  
 समोर प्रान अधिक अँमैँठैगो । जारीहैं बसन्तकील-  
 थारी मारी ग्रीष्म की पावस कलंक तेरे शीश चढ़ि  
 बैँठैगो ४६ दामिनी दसक सुर चाप की चमक श्याम-  
 घटाकी घमक अतिघोर घनघोरते । कोकिलाकलापी  
 कल कजत हैं जिततित शीकर ते शीतल समोर का  
 झंकारते । सेनापति आवन कह्यो हो मनभावन सु-  
 लाग्यो तरसावन विरह जुर जोरते । आयो सखि  
 सावन मदन सरसावन सुलाग्यो बरसावन सलिल चहुं  
 ओरते ४७ कही दिशि दक्षिणाते घोर घन घटा चढ़ी  
 बड़ी विरहीको दुख देनको न कमहै । ठाकुर भरोखे  
 ह्वै तनक ताकीतीय कह्यो तूरी तार्कि आलीया उतङ्ग  
 रंगतमहै । कह्यो बाहि मेघसों न मानै कहै जानै तन  
 गरजत आवै या सुजान्यो योगहमहै । हैनविज्जुहोत  
 किरवारो दण्ड चमचम जीवआनै आवत जमात जोरे  
 यमहै ४८ आई ऋतुपावस पपीहा बोलैं दादुर ये छ-  
 तियाँ दरत तापैं विरह मदीकरैं । दौलत कहत हाल  
 सुन्दरसरसबाल लालमणि भयगा विशालन रदीकरैं ।  
 चहुं ओर चमकत चपलन चौंधचारु देखिदेखिमृग-  
 नैनी नैनन नदीकरैं । विरहिनि तियनके जियनके गा-



हक ये नाहविन नाहक बलाहक बदीकरैं ४६ आयें  
 से अमल भलाभलऊ के टापे सेवैं विधि कारीगर ने  
 बिचित्र बिसतरेहैं । रंगत गरूरलाल लहरललामलाने  
 छबिकी उमंगन सुहाये जल भरेहैं । ठाकुर कहत पूरे  
 पानिपके मेरीबीर सुखसा भरेहैं तातेउपमा न करेहैं ।  
 पावस फकीरकेके मदन अमीर के ये बासन चिनीके  
 नोके ठौरठौर धरे हैं ५० लारयो मास सावन बिदेशी  
 ठाँव ठाँवनसों आवनलगे हैं कैधों उन्हें सुघरी नहीं ।  
 कैधों बहिगावनमें जावन कहत कोऊ कैतो गुनगावन  
 कीरीभ अगरी नहीं । भनतकबिन्द्र मनभावन तिहारे  
 हम पावनको सेवैं तकसीरहू परीनहीं । हतेतो हिता-  
 वनपै तावनलगेहो देह दावनलगेहोकी बिदावन करी  
 नहीं ५१ शातल समीरउर तीर सों लगतअरी हरीहरी  
 बेलिनपै पावक प्रजारिदे । दादुरनि दूर करि पिकन  
 पकारिदैरी बागनके बाहिर सधुपमोर मारिदे । पावस  
 में पियविन बिपति बढावैं येसु जीवन जिवैबे की उ-  
 पाय उपचारिदे । दामिनी दबायदे तू बादर बिदाकर  
 री बुन्दन बरजिकरि बगन बिडारिदे ५२ पावसप्रथम  
 पिय आपनी अवधि सोतौ आवतही आवैं तौ बुलाव  
 अति आदरन । नाहीं तो न हीलहेन दैरी भीलभा-  
 वरन ग्रीष्महिँ भायि खाली राखि खल खादरन ।  
 बीजुरी बरजिकहि मेघैं न गरजि इनगाजमारे मारमुख  
 माररी निरादरन । चौंच नेच चातकन कंठ रोकि  
 कोकिलन दूरि करि दादुर बिदाकररी बादरन ५३



आई ऋतुपावस न आये प्राणा प्यारे याते मेघन बरज  
 आली गरज सुनावैना । दादुरनि कहि बकि बकि  
 जिन फोरै कान पिक्कन हटकि भलि शब्द सुनावैना ।  
 विरह व्यथामें मैतो व्याकुल परीहांदेव जुगुन चमकि  
 चित चितगो लगावैना । चातक न गावै मार शोर ना  
 मचावै घन घुमडि न आवै जौलैं लाल घर आवैना ५४  
 गरज पुकारसो बियोगी तनहार भये बूंदें बिय बारि  
 परै महाबियधारी के । धुरवा अनेक फन मण्डन को  
 बिजजुमरिा चमकि चकितचित हेत नरनारीके । बोरै  
 फेन भरै वायु मंत्रसों संचारकरै देशनमें रोरिपरै सूरत  
 डरारीके । भासनि भंडारेबिय वासीते निकारेकान्ह  
 फिरै घनकारे नागपावस खिलारी के ५५ घेरि घेरि  
 घहरि घहरि घन आये घोर तापै महामारुत भकोरत  
 भरपसो । सुनि सुनि कूकनि मयूरन की बीर में तो  
 राख्यो निज प्रान यमराजहि अरपसो । भीतभरी भौन  
 ते कढेन कमलापति में तऊबेधे डारै हियो तडिता त-  
 रपसो । गावन सलारको सुहावन लगै न भयो भावन  
 बिनारी मोहिं सावन सरपसो ५६ कारीघटा कामरूप  
 कामको दमामो बाज्यो गाज्यो कवि खाल देत दा-  
 मिनि दरैसी । लपकि भपकि आयो दादुर मचायो  
 शोर हमें तो विरह सखि सदन दरैसी । बालमविदेश  
 बसै चातकको जोरलसै ताहीसमै हेत कछू औरै हर-  
 बेरसी । बूंदनको हृन्दसुनि आँखें मुँदिमुँदि जात आयो  
 सखी सावन सँवारे शमशेरसी ५७ उमडि उमडि नदी



नद कूल बोरतहैं जोर जलधारनसों सुभक्त कहंन है ।  
 परम प्रचण्ड पौन धावनि त्यों धुरवाकी भिल्लिन  
 को शोर सुनेहात कान सुनाहै । गिरिधरदास महावि-  
 ड्जुको प्रकाशसोई लागै दोह दुसह दवानल सों दूना  
 है । सरी बाल जोई श्याम बिन सुखखोई यह पावस  
 न होय प्रलैकाल को नमना है ५८ आई ऋतुपावस  
 बहत पुरवाई पौन काशीरामतैसी ये तडितलागी ल-  
 पकन । भूमिआये बादर बिहंगवन बोलिउठे चहंओर  
 कुञ्जन अंधारी लागी भूपकन । भिन्नाभक्तनात हह-  
 नात मोर शोरसुनि बिरहअगिनि जरि छातीलागीत-  
 पकन । हेरहार हरतन हारदेखों आठोंयाम प्रिया के  
 बियोगमो निशाह लागी हपकन ५९ सावन की रैन  
 मनभावन सुबिन्द बिन देत दुखभरन में भिल्लिन के  
 शोरहैं । कालिदास प्यारी अंधियारीमें चकितहोतउ-  
 मडिउमडि घनघहरतघोरहैं । सुने कुञ्जमन्दिरमें सुंदरी  
 बिसरैबैठी दादुरयेदहकसी लेतचहु ओरहैं । हियमेंबि-  
 योगिनके बिरह की हूकउठी कूकउठी कोइल कुहुक  
 उठे मोरहैं ६० घूमिके चहंघा धायआवैं जलधाराधर  
 तडित पताके बाँके नभमें पसरिगे । द्विजदेव कालिंदी  
 समीपन के नीपनके पातपात योगिन जसार्तिनसों भ-  
 रिगे । चातक चकोर मोर दादुर सुभट जोर निज निज  
 दाँवठाँव ठाँवनमेंअरिगे । बिनयदुराय अब कीजैकहा  
 मायहाय पावसमहीपके चहंघा घेरे परिगे ६१ कारे  
 कारे घन ये दतारे से दबत आवैं बोलत नकीब केकी



कोकिलाप्रमानकी । दामिनिकी दमकचमककिरवा-  
ननकी बाननकी बरया बिरहबुन्ददानकी । घासीराम  
बाजत नगारे भारे मेघकैधों कैधों इन्द्रचापकीन्हे च-  
हजकमानकी । दावन पकरिप्यारी बूझें मनभावन ते  
सावनसमूह कैधों आवन अमानकी ६२ साजेशोरबादर  
समाजैजोर चहंओर बाजैऋतुराजके बधाईकेतुतुरवा ।  
तैसीतनतीरसी बयारबहे सीरीसीरी मन्दमन्दबोलैं सद-  
माते बनसुरवा । गवनकी तुम्हेंपरी आजु इहिसमैहरी  
हरीहरी भूमिभई दूबके अँकुरवा । बूँदेंबरयावन पिया  
के परसावन सनेहसरसावन ये सावनके धुरवा ६३ धु-  
रवा कलिन्दीकूल इन्द्रचापवटमूल राजत अतूलअति  
आनंदकी शालासी । गरजमृदङ्गभारी चातक अलाप-  
चारी केकी ततकारी पिक देतहठतालासी । बड़ीबड़ी  
बुन्दत बखेरि पुहुपांजलि को धीरी पौन उघटि सुघट  
पाँतिआलासी । द्योम राजमराडलमें नृत्यकरैं प्रयास-  
घन आसपास दामिनी विराजैं ब्रजवालासी ६४ भूमि  
नाचै नर्तकसे मोर येरी चहंओर चञ्चला अकाशदेव-  
नारिसी नचतिहै । गायकसे गानकरैं चातक विपिन  
घन गन्धरब गावैंगीत आनंद रचतिहै । गिरिधरदास  
देव फूलबरसावैं जल सुमनलुटावैं तरु बुद्धि यों जचति  
है । पावसको जनम भयोरी यासों सुखसा सों अर्चति  
अकाश में बधाईसी सचतिहै ६५ चंचला चमकैं चहं-  
ओरनते चाहभरी चरजगईती फेरि चरजनलागींरी ।  
कहै पदुमाकर लवंगन की लोनी लता लरजि गईती



फेरि लरजन लागींरी । कैसे धरौंधीर बीर विविध स-  
मीरै तन तरजि गईती फेरि तरजन लागींरी । घुमडि  
घमण्ड घटा घन की घनेरी अबै गरजि गईती फेरि  
गरजन लागींरी ६६ ॥ सवैया ॥ उसडे नभ ते क्षितिम-  
ण्डल मेघ घमण्ड चहुं दिशि धाय रहे । कविचन्दन  
चावसें चालक्रमार हरेवन शोर सचायरहे । पियपा-  
वसमें बिरही बनितानमें आवनहारते आयरहे । कहि  
कारणाहाय बिहायहमें हरिजायविदेशमें छायरहे ६७  
छायकैप्रेम गयेजबते तबतेमेंबची करिकोटिउपायके ।  
पायके पावसरी ऋतुसें अब कोबचिहै उठि कोकिल  
गायके । गायके सो नंदलाल कहै चपला चमके चहुं  
ओरसें आयके । आयके हाय मिले नहिं मोहन मेरी  
अटापै घटारहीछायके ६८ कोरनलौंदुगदेतीहै काजर  
कारीघटा उमड़ी घनघोरन । घोरनते जो चली अलि  
सुंदरनेकदेती नहिं बागकेमोरन । मोरनकीगति नाचत  
है नहिं मानतहै हटको बरजोरन । जोरन अञ्जन देउ  
सखी अंगुरी कटिजैहैं कटासकी कोरन ६९ ॥ कवित ॥  
पावसप्रवेश वेश छाइरह्यो देश देश प्रेम उयेां सरोव  
आस पौन गहिबेपरी । दादुर दबावै तन घेरिघेरिआवै  
घन केकिनकी कूकै बनहूकै लहिबेपरी । जानैना स-  
यानी जाहिमुखहू न आनी अब भूपतिभवानीदीन सोई  
कहिबेपरी । आयेनहीं लालबाल भईहै बिहाल हाय  
चातक चवाइनकी चोटसहिबेपरी ७० ॥ सवैया ॥ तडपै  
तडिता चहुं ओरन ते क्षिति छाइ समीरन की लहरै ।



सदमाते महागिरि शृङ्गनपै गगा मञ्जुमयूरनके कहरै ।  
 तिनकी करणी बरणी न परै सो गहर गुमानन सो  
 गहरै । घन ये नभमण्डलते छहरै घहरै कहूँ जाय कहूँ  
 ठहरै ७१ चपलाचटमोर किरीट लसै मधवा घन शोभ  
 बढावतहैं । मृदुगाजत आवत बीणा बजावत सत्तमयूर  
 नचावतहैं । उठिदेखु भटु भरि लोचन चातक चित्त की  
 तापबुझावतहैं । घनप्रयासघने घनवेधधरे सो बनेबनते  
 ब्रजआवतहैं ७२ ॥ कवित ॥ गर्जिलेघुमणिडले सकलमहि  
 मणिडले औ दण्ड बिरहीन को अदण्ड अब सँठैगो ।  
 पापीह पपीहा पीउ दारुणा देखाइ दुःख मोरन को  
 शोर तन तोरि अंगपैठैगो । चपला कपारा बुन्द बारा  
 सो प्रवीणा बेणी शीतल समीर तन अधिक उमैठैगो ।  
 जारीहैं बसन्तकी लेशारी मारी प्रीयमकी पावसक-  
 लंक शीश तेरे चढ़ि बैठैगो ७३ गगनगरजिछायोमेघ  
 जोर भरिलायो शीतल समीरबहै त्रिविधभयामिनी ।  
 कोकिला कलोलैं करै मोरबोलैं चहूँ ओर कोपिकाम  
 आयोजू अकेली यामकामिनी । ऊधोजी शरीर सुख  
 सबकोऊ चाहतहै कहत बने नहै पराई पीरपामिनी ।  
 मारेडारैमदन मरारे डारै दादुरये दावेमारै बादर दबा-  
 ये मारै दामिनी ७४ ॥ सवैया ॥ आजरी देखु घटाघन  
 सुन्दर सावनकीनो सुहावन साजरी । साजरी भूषण  
 भोग शिंजारसो तेरोई आजु बन्यो सब काजरी । का-  
 जरीआज घरी वहनेहकी तेरे अधीनखडे ब्रजराजरी ।  
 राजरी वारै तिहंपुरको मुरलीधरआये मयाकरिआ-



जरी ७५ कृतुआई सोहाई नईबरयाबढो मोद मयूरनके  
 हियको । हरियाई चहुंदिशि फैलिरही अनुरागबढा-  
 वतहै जियको । चढिऊंचे अटान बिलोके घटा कर  
 कंजसे हाथ गहेपियको । लखि कंजकलीन तडागन  
 में मुखसंजु मलीन भयो तियको ७६ ॥ कवित ॥ बदरान  
 होइँदल आये कोई भूपन के बंदवा न होइँ पञ्चवान  
 भरिलायो है । दादुर न होइँ ये नकीब बोलैं ठौर ठौर  
 मारवा न होइँ हांक शरन सुनायो है । बगुला न होइँ  
 प्रवेतध्वजा भगवन्तजीके चपला न होइँ शमशेरै चम-  
 कायो है । बालम बिदेश बिरहीनिन के मारिबे को  
 जुगुन न होइँ कामग्रामकी जगायो है ७७ नजानी बहि  
 देशघनघटाना घमराड आवैं न जानी बहि देश मेघवा  
 नरेशमरिगयो । नजानी बहिदेश मारचातक न करत  
 शोर न जानी बहि देश पापी पपीहा जरिगयो । न  
 जानी बहिदेश रसबातहू न जानै कोउ न जानी बहि  
 देश रस मदन मान मरिगयो । न जानी बहि देश  
 ज्ञानरच्यो ना बिधातानाथ न जानी बहि देश ज्ञान  
 ज्ञानिन को हरिगयो ७८ कारे कारे बदरा पवन लै  
 प्रचराड करौ घनको घनाक नेक चित्तहं न धरिहैं ।  
 पापीये पपीहा के सचान लैके प्रान लेउं कोकिलाके  
 कराठ कारे काटि काटि डरिहैं । भींगुर भँगार को  
 बोलाइलेउ नीलकराठ शेषको बोलाइ सबै दादुर सँह-  
 रिहैं । आवन दे सावन रेमेरे मनभावन्त को रहुरे अ-  
 साह तेरे हाड हाड गढिहैं ७९ ग्रीष्म विताय ताथ



रंग रंग बरसाके बरसि बरसि बारि सरस सोहायेहैं ।  
 द्विजबलदेव बलवागन बहारवर बाजतहैं बाजने बिहंग  
 बन गायेहैं । विशदबसन बकुबिलगबिलग व्योम बेलि-  
 न बितान बनिता अतनतायेहैं । बिजुल बिपुल लखि  
 बरही बोलत बैनमैनके बिरादर येबादरहैं आयेहैं ८०  
 साजतसमाजै रूप केते उपराजै दिगदेशन मेंभ्राजै शोर  
 सहित ह्वै आजैरी । दामिनीहूँ छाजै दुरि व्योम पुनि  
 बाजै बलदेव हितकाजै मोद सहितल राजैरी । चित्त  
 अनदाजै लहि सारुतकोभाजै फेरि घेरि घेरि गाजैसुर-  
 भी सों शिरताजैरी । आपनो सचाजै राखिलेती मम  
 लाजै क्यों न बोलि ब्रजराजै ये लखावै घनसाजैरी ८१  
 दैके घेरि घुमडि घमण्डि घहरान लगे तड़पि तडाक  
 दै द्विचन्द्र ह्वै घटागये । द्विजबलदेव अबै त्योंहीं सर-  
 सात जात जाहिर जनायो रंग कारेसे भरेभये । कबहूँ  
 सुरंग नील सोसनी सबजसेत संयुत समीर कबैंपीतपट  
 सेठये । सादर लै दामिनि निरादरके ग्रीष्मको कादर  
 करतमोहिं बादर नयेनये ८२ आजै मेघवानको गयोरी  
 रवकान को भुलाने मगमान को संभारतहैं जानको ।  
 आदि करितान बलदेव गुणगानको लगायो मनध्यान  
 को छटान को घटान को । तडित तटानको औ असित  
 लटान को न जातिहैं अटानको बसित ह्वै कटानको ।  
 मदन पटानको डेराती नारटानको जो नागर नटानको  
 लयाती या चटान को ८३ ॥ सबैया ॥ धावनलागे घन  
 बंदरा चंदरासी धराहरी छावन लागे । बंदि सुनावन



लागे शिखी रव दादुररोर सघावनलागे । गावनलागे  
 मलारऔसावन चातककुक उठावनलागे । बैसनभावन  
 आयेनआली बिदेशीसबै घरआवनलागे ८४ ॥ कवित्त ॥  
 चंचलाकी चमकचहंघा चोख चायनसों चाहिचाहि  
 चित्तमें कृपारा चोटकौरहे । इन्द्रको शरासन शरासन  
 सरसवानबुन्दके बिधानन बिनोदनबितैरहे । कहैनन्द-  
 रामतेसेचातक चकोरजोर बोलिबोलि बिरहीबलाके  
 विषवैरहे । आदरकै राखेंमान कैसेहकिनादरलैयमके  
 विरादर येबादरउनैरहे ८५ ॥ सबैया ॥ आये असाढ घटा  
 लखिके चपला चमकै घनबीचसमैहैं । एकही बारबड़े  
 बड़ेबुन्दपरै क्षितिपै छहरानमचैहैं । भीजत देखिउढाय  
 के कामरि लायगरे हरिमोहिं बचैहैं । ह्वैहैं अनन्दसबै  
 ब्रजमें जब गोकुलचन्दजू गोकुल सेहैं ८६ ॥ कवित्त ॥ तीर  
 पर तरनि तनूजा के तमाल तरे तीजकी तयारी तकि  
 आई सखियान में । कहै पदमाकर सो उमगि उमगि  
 उठै मेहदीसुरंगकी तरंग नखियानमें । प्रेमरंग बोरीगो-  
 री नवल किशोरी तहाँ भूलती हिँडारे यों सोहाई  
 पखियानमें । कामभूलैउरमें उरोजनमें दामभूलैश्याम  
 भूलै प्यारीकीअन्यारी अखियानमें ८७ भादोंमेंकारी  
 बिकरारी राति ह्वैहै प्यारी जुगनू जमाति जोर जोर  
 धसकावैगी । घनन घमंडह्वै के बरया अखंडह्वै केपवन  
 प्रचंड द्युति दामिनी दबावैगी । अरुणा बरणा ह्वैके  
 इन्द्रबधू ठौरठौर मल्ल कवि कहै जोर आपनो जनावै-  
 गी । पावस समैमें जापै सेहैंनहीं कन्त तोपै मदन मही-



पतिकी फौजें उठि धावेंगी ठठ घुमडत घुमडि घुमंडि  
घनआये घने तडपन चांडीचढि तडपनिसेहैंये । भूभ-  
कत भूभाकी मभूभा भूमि भूमनिमें भुमक भराने  
भीने भिनफिन सेहैं ये । पछत अगस्त को उदेतजानि  
पियको पजन लखि अंकुर अनेक उकसेहैंये । सिन्धु  
तासां दाबी दशहं दिशान सोहै आज बादरा विसोहैं  
सो विसोहैं बिकसेहैं ये ८६ दिनत घरीको घनघेरि  
घहरानलागे अवनि अंधेरी हवैहै आभा इन्दरनकी ।  
पथिक थोरही थोरी उमिरि अकेली बीर अकुलाई  
नाहींगहौ गैल कन्दरनकी । हुमन लतानमें दिखात पै  
नजीकही सो दुरिदुरिताई प्रवेतताई मन्दरनकी । कहै  
पजनेशकेसे दाहने दुवोंसेकोस डगरनगीच बीचबाधा  
बन्दरनकी ८० ॥ सवेया ॥ सावन शोक नशावनहै नहिं  
राम चरित्र मेरे मनभावन । भावन मोहिं घटा घनकी  
वनकी हरियाली लगी लुकलावन । लावनकोउ कहै  
उनको उनको करजोरिकहै गुणागावन । गावनमें सब  
कोसुखहै हमकोदुखहीदुखहै दरशावन ८१ आयहैना  
ऐसेसावनमें मनभावन पावस कैसे वितायहै । तायहै  
कातनतापनते मनआपन होय सो लेखभेजायहै । जाय  
है जल्दचले पुनि पाछहि रामचरित्र अबेर न लायहै ।  
लायहै औरकछूनाहमें जावनैतोतुहींचट सेां चलेआय  
है ८२ ॥ कवित ॥ दसके दशौदिशा दुनाली द्यौढदामिनि  
की घनकें नगारे भारे उर उलभनके । भनके भनाक  
भुंड भींगुर बिगुर बाजें सनके समीर तीर शक शरा-



सनके । सनके समरसद मेचक भिलसधारे ठनके  
 नकीबदर्प दादुर दसनके । सनके सदन बिन कामिनि  
 कदनकेये आयेबीर बादर बहादर सदनके ६३ बरये  
 पुनरवसु धराहै उदार जहँ इन्द्रगोप गोपिकाली फिरै  
 घूमिघूमिहैं । द्विजहरयावै पयपावै चहुँओरनते अस्वर  
 सुहावै शिखिआवै जूमि जूमिहैं । चपला सहित वसु  
 यासजामैं घनश्यामगति अभिराम अतिचलै भूमिभू-  
 मिहैं । चहुँघा तमालै हैं कदम्ब तालै दीनद्याल पावस  
 रसालैके विशालै भूमिभूमिहैं ६४ भाँदोभरे सरवरनदी  
 नारे धर धर धरापर मेघबुंद भर्भर भरति है । भरि  
 भरि नयननमें नीरनिमै न सारी हारी बरि बरि अरि  
 अरि बीरमें कहतिहै । धरिधरि देखौ करहियोहात  
 धरधर थर थरकांपै धर धीरता धरतिहै । हरि हरि  
 जीवजात देखेलता हरिहरि हरिहरि हरहर रसना र-  
 टतिहै ६५ अम्बुज तटान फौलि फूटत फटान जैसे धावत  
 नटान छवि छाईहै छटानकी । चातक रटान नदी नद  
 उपटान जल जंगल बटान महा मारुत कटानकी । भी-  
 जत पटान बुंद चुवत लटान पुखी तन लपटान मानो  
 सदन घटानकी । पीवके तटान ओढे कुसुमी पटान अरु  
 टाढीहै अटान लेत लहरै घटानकी ६६ बादर पटान  
 कारे सटित सटान जनु धावत नटानन ज्यों बिजु स-  
 टकानकी । अम्बर भुमटानज्यों लपटत भुजटान देव  
 बिजय निशान बुन्दउदित कटानकी । भनै जगेश्वर ऋतु-  
 पावस भट जानियो चातक रटान कूक कोयल हटान



की । नदके तरान ओढे कुसुमी पटान ठाढी देखत  
 अटान चढी लहरै घटान की ६७ छवै हैं नहिं इन्दी-  
 बर ह्वैहैना कलिन्दी माहिं नाहीं अब सखी प्रियाम  
 बिन्दीहू लगायहैं । आनिजनि नीलमणिभूषणनिमेरी  
 बीर दूरिकरि येरीमृगमदको न लायहैं । आलीकाक-  
 पालीकी न सुनिहैं रसाली कूक अबतो तमालन के  
 कुञ्जमें न जायहैं । देखिहैं घटानको न चढिकै अटान  
 ब्राम प्रियामसंग बैर अब हमहूँ चढाय है ६८ भिल्ली  
 भनकारै पिक चातकी पुकारै बनमोरन गोहारै उठै  
 जुगुनू चमकिचमकि । घोरघनकारे भारे धुरवाधुरारे  
 धामधमन सचावै नचै दामिनी दमकि दमकि । भूँकन  
 बयारी वारिलकनलगावै अह कूकनभभूकन सेाँ और  
 मो खमकिखमकि । कैसेरहैं प्राण प्राणप्यारेयशवन्त  
 बिन छोटी छोटी बूंदन सेाँ बरसे भमकि भमकि ६९  
 लटकिलटकि मेघ वारिभहरनलागे तडपितडपिविज्ज  
 करै रव घोरिघोरि । फौलीहरियाई नीरबिहरी बहूटी  
 बीर बापी सर सरिता करार जल छोरिछोरि । भनत  
 दिवाकर बरस बायु भूँकिभूँकि भूँकिभूँकि बिपिन  
 बितपदेत भोरिभोरि । बोहीकाल बालब्रज साँवरो  
 पियाके सेज कुच चुभुकाति मुसक्यात मुख मोरिमो-  
 रि १०० चीरफहरावन भुलावन संयोगिनको हियोहु-  
 लसावनरिभावनसोहायोहै । सुधिविसरावन तरसावन  
 सतावन जगावन अतन शोर मोरन सचायोहै । धीरज  
 गवावन बिभुकावन भुकावन तावन तडित रसाल घन



धाये है । बिन मनभावन बढावन बिरहपान सावन  
 बितावन बियोगिनको आये है १ पावसके आवतइत  
 सरवरसाहिं हंस जलसाहिं हाति देखी नित कलुषाई  
 है । मानसर चलिबेकी सुरतिलगाई निज हंसिनी सु-  
 बंसिनीह हिये यादिआई है । तहांके निवासी पक्षीप-  
 क्षिनी कहनलाये प्रीति परदेशीकी हमैना सुहाई है ।  
 कैसी अद्भुतवरयाकी ऋतुआई जो संयोगिन दुखदबिर-  
 हनि सुखदाई है २ सासुतौ न्यारी ननंद सासुरे सिधारी  
 रैन अंधियारी कारी सुभक्त न कर है । प्रीतमको गौन  
 कविरायन सोहाय आली पवनहहायो अरु लाये मेघ  
 भरि है । सङ्गना सहेली गृहमांभ हैं अकेली अरु ब-  
 यस नवेली तन लाये मैन शर है । आई अधरात मेरो  
 जियरा डेरात जागु जागु रे बटोही यहाँ चोरनको डर  
 है ३ सरतट सुंदर नवीनगृह काजै पुनि भिमि भिमि  
 भिमि भिमि मेघके तडाके हैं । शोभित पलंग पर का-  
 मिनो बहार पेखि पतिसंग हैं सिंहसि सुखके भनाके  
 हैं । बारुणीको पानकरै गिजकसों फेरि फेरि शाल-  
 ग्राम देखो कैसे मदके सनाके हैं । जीवभनै चित्तसे अ-  
 नन्द ऐसे कोन अहै बादरघुमै डै ऋतुपावस भनाके हैं ४  
 आइये जु प्रयाग घनश्यामलता सुरभगाई प्रेमउरभा है  
 जुबिचार चितलाइये । सुखोहीय नालपै सरोजकुंभि-  
 लायगये चातक मनमोर गर्ज बांसुरी सुनाइये । उर  
 बनमाल बक पंगत फवी है किधौ पीतपट फहर बिजु  
 बायु सरसाइये । कैसे बचै हाय सुकुमाकर मरोरे धरै



समझ मननीत नेह मेह बरसाइये ५ सुन्दर सरस ऊंचे  
महलमजाके संजुझंभरी झरोखनमें जायबोर्डकरिये ।  
तडित प्रचंड औ घटानके घुमंडनमें प्रीतिरस प्यारीते  
समायबोर्ड करिये । परिपरियंकपै सुनीतनवअङ्कलाय  
हवैकर निशाङ्क लङ्कगोयबोर्ड करिये । अधर कपोल  
रसरङ्गमेंमगनहाय गरकगलेफबीचसेयबोर्डकरिये ॥  
सवैया ॥ हवैहैं धुरवा धुरवारे अली द्विजदेव चहुँदिशि  
दौडत हवैहैं । त्यों मनमत्त सखापै शिखी मनमोहनऊं  
को बिलोडत हवै हैं । पावस काल करालहहा सणा  
सकह सङ्ग न छोडत हवैहैं । फूलसे वै अँग पीउकेहाय  
घनी घन चोटन ओडत हवैहैं ७ ॥ कवित ॥ सावनी के  
व्याज आज आई गाँव गाँवनते भावनते लेनेछरी क-  
रनप्रसूनकी । गुरुजनहून गूढगुनन रिझावैं तहां गोरी  
गुनवती गाय तानैं टाह दूनकी । द्विजदेव साजैं सबै  
अङ्गन सुरङ्गचीर झालरैभसाकेलगीं कोरनखतलकी ।  
इन्द्रके बधूनकी सुदेखी छवि तूनेइत दूनीछवि देखुरी  
गोविन्द की बधूनकी ८ धुन्धुरित धुरि धुरवान की  
सुछाईनभ जलधर धारैं धरा परसनलागींरी । द्विजदेव  
हाती कछु ललित कछारैं त्यों कदम्बन की डारैं रस  
बरसन लागींरी । कालिहीते देखि बनबेलिनकी बन-  
क नवेलिनकीमति अतिअरसन लागींरी । वेगिलिखु  
पातीवे सँघाती बागोपालै देखु पावसअवाती ब्रजदर-  
सन लागींरी ९ कूकिकूक केकी हिय हूकनि बढावै  
क्योंन विषधरभोजनके अतिउतपातीरी । साजिदलवा-



दरडरावने डरावें करें येतो घनप्रयासजूकेपरमसँघाती  
 री । अजगुति सक तोहिँ बूझन चहति आलीद्विजदेव  
 कीसोंकहु बूझत सकातीरी । अबला अबलजानि सू-  
 नीपरीसेज मोहिँ कैसेछन जोन्हन की दरकति छाती  
 री १० दीनेमनरंचऊन चीठिन बसीठिनपै कीनेकान  
 कानकी न दीन अरजनिमें । द्विजदेव कीसों जऊँ हारी  
 वे सिखायतऊँ सुमुखि सखीन की सुनीन वरजनिमें ।  
 येरीमेरी बीरधीर काबिधि धरैगी होय चातक चवा-  
 इनिकी चोखी चरजनिमें । मेचक रजनिमें कदम्ब ल-  
 रजनिमें सुमेघ गरजनिमें तडित तरजनिमें ११ बूझेहन  
 सुभक्त सुघाटवाट जलथल बिनशी सकल मरयाद सब  
 ठामकी । द्विजदेव देहरीके बाहर धरतपग फेरि सुधि  
 करत न धामकी न ग्रामकी । बूडति अथाहे कुल धरम  
 निबाहे कीन बावरी बिलोकि यह भूकनि सुदामकी ।  
 पावस अँधारीहुती ऐसिये डरारीतापै आठोयासरस  
 वरसनि घनप्रयास की १२ ॥ सबैया ॥ हातेरहे नवअंकुर  
 की छवि छाहँ कछारन में अनियारी । त्यों द्विज देव  
 कदम्बन गुच्छन रुईनये उनये सुखकारी । कीजिये  
 बेगि सनाथ इन्हें चलिये बनकुञ्जन कुंजबिहारी । पा-  
 वस कालके मेघनये नवनेह नई वृषभान कुमारी १३ ॥  
 कवित्त ॥ घन घिरिआयो बन सघन तिमिर छाये रैन  
 को डरैगेलेखि देखियो दृगनतें । नन्दजू कहत वृषभान  
 नन्दनीसों नन्दनन्दनहिँ घरैजाहु लैके बेगिबनतें । गुरु  
 के वचनपाय प्रेमकी रचनभरे चले कुंजतीर तरुदेखि



के विप्रिनते । यमुनाके कूलमें रहसि रसकेलि मयी  
 ऐसे राधा माधौ बाधाहरी मेरे मनते १४ ॥ सवैया ॥ बा-  
 दररेख उठी नभ में पुनि फौलिगई अति आतुरताई ।  
 श्यामतमालते भूमिभई तमपुंजछये तिहि औसरआई ।  
 घोरघटा घनधारलगी अधियारभयो बिजुरी अरराई ।  
 लायहिये हरिको नंदराय डेराय उठे गउवैं सितिराई १५  
 कोउ जाइ शिखीगरा को सितवैं अनखातन क्यों म-  
 घवा खलसों । पपिहाऊ पियै किनजायकै नीर अ-  
 घाइके गोकरके थलसों । अब ऊधो दया करि आये  
 इतै ब्रजवासिन पायो महाफलसों । थल बावरे दावरे  
 बीचकरैं रह्यो सीनन काम कहा जलसों १६ करकी  
 पसुरी जबलागि गई जबते ऋतुपावसकी वरकी । वर  
 की सुधि आयगई जबहीं बरथैं बरया वो धराधरकी ।  
 धरकी नभबन्दसहादुरके सजनी न लखै द्युतिचादरकी ।  
 दरकी छतिया सुमिरे वतियाँ पतियाँ न लिखै अपने  
 करकी १७ ॥ कवित्त ॥ भादों गंभीरनीर बाहो नदीनारन  
 में उतरै न बटोही चित्त चञ्चल भ्रमावैरी । पापीपपीहा  
 मोर शोरकरैं बागनमें बाउरी बलाहक देह दावा सों  
 लगावैरी । करिके शिंगार मोतिनसों भराय साँगसा-  
 खन कबिकहैं नेम आपनो जनावैरी । जिया हुलसावै  
 तिया लोने गीतगावैं हम रामचन्द साहब की साहबी  
 मनावैरी १८ श्यामघन आवैं घोरि बिजु चमकावैं मन  
 मदन जगावैं कूक बिरही सचावैरी । मोहन पै जावैं  
 ममसदनको लावैं बलदेव गुणागावैं हित तोसों सरसा-



वैरी । आनंद मचावै तब पासहभावै गुण मारुत चलावै  
 हठि हियो हुलसावैरी । अभिमत पावै दुख नेकहू न  
 छावै चित धीरज बचावै विरहागिको बुझावैरी १९  
 केते रूपताने धनपावस कमानै डरनेकहू न मानै गहि  
 दामिनि कृपानैरी । घूमि घहरानै बलदेव बल पानै  
 असु देतहैं निमानै सो किसानै सुख जानैरी । आवत  
 रोकानै भेद ताको पहिँचानै मनमदनकी खानै सरसानै  
 बंदवानैरी । कीजै ना गुमानै नेक मेरीकही मानै अस  
 जानै हरिसानै करिआनै सुद ठानैरी २० घन घहरात  
 यहरात अङ्ग अङ्ग सब नीर छहरात राततम अतिछाये  
 री । द्विज बलदेव कहै दादुरि दरारै और भीली भन-  
 कारै मार शोरको मचायेरी । बचीहैं बसन्तते उपाय  
 करि प्रसारहे ग्रीष्म वितायकै अकेलीकरि पायेरी ।  
 पावस कृपाकरि चपलाकी जीतिबेको अबहीं बरषि  
 गयो फेरि भूपिआयेरी २१ केतेसे उपायपाय पावस  
 जगावै मैन जियरा डरातसुनि मेघके नगारेको । द्विज  
 बलदेव कहै दादुरि मचायो शोर मार बरजोर और  
 जोर जलधारेको । चलत समीर शुचि त्रिविध न धीर  
 रहे दामिनी दमकि ललचावै जो हमारे को । सते तौ  
 सवाँरि साज नितही सतावै सखी दोष कहौ कौन है  
 विदेशी वै विचारे को २२ काजरसे कारेघन साजिकै  
 सिधारे अब देत ये नगारे बरबारे जलधारे हैं । आनंद  
 मचारेबलदेव हितकारे उमगात नदनारे ह्वै किनारेसम  
 थारेहैं । मदनप्रचारे सुनिभीली भनकारे दिनआतपह



गारे नभतारे ना निहारें हैं । चार पटवारे नखअग्र गिरि  
धारे बनमाल उरडारे ते हमारे रखवारे हैं २३ ॥ सवैया ॥  
घेरी घटा घनकारी चहूँ दिशि शोर कठोर रहे करि  
दादुर । बन्दि छटा छबिछाई हरी भरी भुस्मिलतानन  
की बिछीचादर । आदरसों रहे कूकि शिखी निशि  
कारी अंधारी करै हियकादर । ताल तमाल न जाल  
विशाल रसालनपै वरये घनेबादर २४ ॥ कवित्त ॥ मालती  
वितानपर भौरन निवासकीन्हे सदमतवारे मन्द मन्द  
सुरगावहीं । कहै नन्दराम जोर मोरन को शोर सुनि  
उरमें दरारहेत भीली भहरावहीं । नद उफनात नदी  
नारनको जातघन घूमि घहरात नये नेरेनीर आवहीं ।  
नउजलन देखियत सज्जल जलदकारे कज्जल गिरीश  
कारे उपमान पावहीं २५ देखौ नन्दराम यह पावसी  
समाज जोरि आइगो मनेज सहि सगडल समातना ।  
देखुरी घटाका घेर ह्वैरहे कटाका साज याह ते घटा  
का जौन जीवन देखातना । पटको पटाका सुनि छाती  
में छटाका छतहेतहै भटाका हित टाँका दरशातना ।  
जायहै अटानप्रात देखिके अटाकारूप बिद्युत छटाका  
री चटाका सहिजातना २६ बाटिका बिहङ्गनपै वारिगा  
तरङ्गन पै वायु वेग गङ्गन पै बसुधा बगार है । बाँकी  
वेनु ताननपै बङ्गले विताननपै बेश औधपाननपै बीथिन  
बजारहै । वृन्दावन बेलिनपै बनिता नवेलिनपै ब्रजचन्द  
केलिनपै वंशीबटमारहै । बारिके कनाकन पै बहलन  
बाँकनपै बिज्जुली बलाकनपै बरया बहारहै २७ हरखे



हरौलहवै असरखे अनङ्ग हेत करखे कलापी चोपि  
 चातक चमूपिली । उसडे घटा हैं मानि करने छटा हैं  
 छटाफेरत पटाहैं ठटा शूरकी हटाकिली । घेरिके अडेहैं  
 बिन बूदन लडेहैं औध आनंद खडे हैं देखि दादुर बडे  
 दिली । कादर बियोगी हारि चादर बलाकफेरि बा-  
 दर बहादुरको नादिर फतेसिली २८ येरी ऋतुपावस  
 में मोर घोर रोरकरैं ठौर २ मंडुक कठोर शोर बैरह्यो ।  
 देखिके बकालीरी कपाली अरिजाली हाली आली  
 बनमाली बिन काली मोहिंके रह्यो । दामिनी दमंक  
 बीच यामिनीबिलोकि नित कामिनीसकात बातमुख  
 पै न धैरह्यो । भिल्ली भनकारैं मेघवारिधारधारैं पिक  
 कोकिल पुकारैं यो महेशदत्त हवैरह्यो २९ ॥ सवैया ॥  
 छोट नदीनद मार्गहि रोकत दिक्षु बिदुसहिं धारबही ।  
 छान छवाय सुखी सबलोग भेदेखत हर्य बहार सही ।  
 नारिन मार बढो भरिलागत कोकिला शब्दहिकूकि  
 रही । द्विज शालग्राम हरिःशरणां ऋतु पावस भूमि  
 भमार्कि रही ३० आई असाढकी कारीघटा घहरान  
 लगे बदरा चहुँओरके । दूजे जो कन्त विदेशगये सुधि  
 पाई न नेकरही मगहेरिके । उसराय स्वभाउ बिहङ्ग  
 कहे मृदुबैन कहै जो सखी कहे टेरिके । सोने से चोच  
 मढैहैं तेरी बलिजैहैं पपीहा पिया कहुफेरिके ३१ ॥  
 कवित्त ॥ सावन के मास मनभावन के सङ्ग प्यारी अटा  
 पर टाढीभई घटाअधियारीमें । दामिनीके धोखे चक-  
 चौंधे दृग कविनाथ छबिनसों सुरि दुरै पियअङ्ग वारी



में । कोटि रतिवारों ऐसी राधाजूके रूपपर रम्भारङ्ग  
 कहा शङ्कशचीके निहारीमें । पागिरही रसजागिरही  
 ज्योति लाजनिमें नेह भीजोवेह मेहभीजो प्रवेत सारो  
 में ३२ गये कहि आवनन आये यहि सावन में ऊधो  
 मनभावन मुलाय रहेहैं तहीं । ह्वैरही बिहाल बाल  
 ब्रजको गोपाल बिना रैन दिन नैनते अपार धार ह्वै  
 बहीं । बैठि जन पुंज ठाम यमुना निकुंज धाम छाँडि  
 प्रियाम पाहि वहां सोहत नहींकहीं । गरजैहैं घन घोर  
 तरजैहैं वन मोर नन्द को किशोर सुनि अरजै अजो  
 नहीं ३३ ॥ सवेया ॥ सावन के दुखदावन ये घनप्रियाम  
 बिना घन आनि सतावैं । तैसे मिले तिन्हें आनियमोर  
 सुजोरके शोरजरेपै जरावैं । प्यारेको नाम सुनायसखी  
 हिये पापी पपीहा ये शूल उठावैं । नेह नवेली भरी  
 अबहो दिन दोइक पीय जो और न आवैं ३४ भादों  
 की कारी अंध्यारी निशालखि बादरमन्द फुही बर-  
 सावैं । प्रियामाजी आपने ऊँचे अटापै छकी रस रीति  
 मलारहै गावैं । तामसै नागरके दृगदूरिते चातक स्वाति  
 की मौजमें पावैं । पौन मयाकरि घुंघटारै दया करि  
 दामिनी दीप देखावैं ३५ चहुँ ओरन ज्योति मँगावैं  
 किशोर जगी प्रभा जेवन जूटीपरै । तेहिते भरिमानों  
 अगार अनी अवनी घनी इन्द्र बधूटी परै । चहुँनाचैं  
 नटीसी जराव जटीसी प्रभासोपटीसी नखूटीपरै । अरो  
 एरी हटापटी बिजु छटाछूटी छूटी घटानते टूटीपरै ३६  
 आइ सोहाइ नई बरया ऋतु रोभ हसारी सोई पिय



कीजिये । जैसेही रङ्गलसै चुनरी मसतैसेहि पाग तुम्हं  
 रंगलीजिये । भूलापै भूलहिं एकहीसंग सुवारकएतो  
 कहो पुनि कीजिये । जैसे लसै घनश्याम सों दामिनि  
 तैसे तुम्हारे हिये लागि भीजिये ३७ ॥ कवित ॥ चातक  
 चिहुँ कमत मुरवा कुहुँ कमत भींगुर भिहुँ कमत भेकी  
 मननाय मत । चक्रवा चिकार मत पपिहा पुकार मत  
 बंदभर धारमत धारधहराय मत । कृष्णलालमाय मत  
 पीर उपजाय मत बालसविदेश पाय मै न तनताय मत ।  
 पौन फहराय मत चपला चवाय मत धाय मत धुरवा औ  
 घनघहराय मत ३८ उमडिघुमडि घनआवत अटानचोट  
 छन घनज्योति छटा छटकि छटकि जात । शोर करें  
 चातक चकोर पिक चहुँ ओर मोर ग्रीव मोरिमोरि  
 मटकिमटकिजात । सावनलौ आवन सुनोहैं घनश्याम  
 जूको आंगनलौ आय पाय पटकिपटकि जात । हिये  
 बिरहानल की तपनि अपार उरहार गजमोतिन की  
 चटकि चटकि जात ३९ ॥ सबैया ॥ सजि सूहे दुकूलन  
 बिजु छटासी अटानचट्टी घटाजोवतीहैं । रंगरातीसुने  
 धुनि मोरनकी मदमातीसँयोग सँजोवती हैं । कहिठा-  
 कुर वेपिय दूरिबसैं हम आँशुनते तनधोवतीहैं । धनि  
 वे धनि प्रावसकीरतिया पतिकी छतियालगी सेवती  
 हैं ४० ककिहैं केकी गिरीनके ऊपर भूपर काम क-  
 मानलै भूकिहैं । भूकिहैं चन्दबधूनके बुन्दन फूकिहैं  
 मन्द समोरन चूकिहैं । चूकिहैं प्रान बिना घनश्याम  
 के प्रयामघटा तनदेखतहूकिहैं । हूकिहैंदैके हियोकरि



तूक अंध्यारीनिशामें पियाकहि कूकहैं ४१ ॥ कवित ॥  
 पावस अमावसकी अधिक अंधेरीराति सासुहै प्रवास  
 मेरी ननंद नदानजू । सुनो सुखभौनहै परोसको भरोस  
 कौन पाहख न जागतपुकारपरे कानजू । पंडितप्रवीण  
 द्यारो बसत बिदेशपति यातेहै अदेश अबरसिक सु-  
 जानजू । सहे बजराजराजसुनिके अरजमेरी आजु बसि  
 जैये बसिजैये तौ बिहान ज ४२ घन मतवारे राज पौन  
 हरकारे बकबीर निरधारे मार ढाढिनकी तानपर ।  
 बिजु बरछीनकी चमक चहं ओरनते त्यों नकीब  
 चातक पुकारन प्रमानपर । देखिदेखिकांपत वियोगी  
 जन कातर सुबेनीकबिकहैं इन्द्र धनुष निशान पर ।  
 कोकिलकी कुहुक दुहाई फिरी ठौरठौर पावस प्रबल  
 दल आयो सहिमानपर ४३ ॥ सवैया ॥ केकीकिकूक  
 पिकी कि पुकार चहंदिशि दादुर दुंदि मचायो । भू-  
 मिहरी चमकै चपला अरु श्यामघटाजुरिअस्वर छा-  
 यो । ऐसेमें आवन होइलछू अबला लखिलाल संदेश  
 पठायो । बावनको पगभो बिरहासो अहो मनभावन  
 सावन आयो ४४ आवतेगाढ असाढ के बादर मोतनमें  
 अति आगि लगावते । गावते चावचढे पपिहा जिन  
 मोसों अनंगसों बैर बंधावते । धावते बारि भरे बदरा  
 कबिओपति जू हियरा डरपावते । पावतेमोहिं न जीवते  
 प्रीतम जोनहिं पावसमें घरआवते ४५ ॥ कवित ॥ बोलतन  
 मारगयो चंदनमलीनभयो चातक रटनि बकी काहेते  
 भुलानीहै । कोकहू मिलेहैं तिन्हें दुख सरसान्यो अति



हरष चकोरनके प्रीति कुम्हिलानी है । बंशीधर कहै  
 भार मंडिन कलोलकरै कैकरि अडोलरहे सौत मन  
 हानी है । चंचला हेरानी घनबानीको न लेशरह्यो कौन  
 रीति पावस की आजु दरशानी है ४६ उठे घनजाल  
 देखि दामिनि कपाल देखि देवराज चापदेखि त्रास  
 अति पावतो । बृंद वृन्दपातदेखि सूर्य अप्रकाश देखि  
 दिनहूको अंतदेखिचैनहू न पावतो । नभको बितारदेखि  
 वायुसुख चारदेखि अति अंधकार देखि मोमेंसन ला-  
 वतो । होतो उहांपावस तो येरी सखी बातसुनी बीस  
 बिसे आजही हमारो कन्तआवतो ४७ ॥ सवैया ॥ काहे  
 को रुसत पावसमें इन बातन तोहिन कोऊ सराहै ।  
 पौनलगे लहराती लतातरु कुंजकदम्बमें केकीकराहै ।  
 बोल सुहावने चातककेलगे इन्द्रवधू गणधार्डधराहै ।  
 बोलि पठाई उतै उनये उनये नये देखिनये बदराहै ४८  
 बहु फूलै कदम्बनिकुंजनमें अरुभावतो पौनबहैनितमें ।  
 वरजै जनिकोऊ मयूरनको गरजै घन आपनेहीमतमें ।  
 शिवलालभयो मनभायो जितो अबऔर करौगीतितो  
 नितमें । वरसाइतमें घरआइगये बड़ेभाग भटू वरसाइ-  
 तमें ४९ ॥ कवित ॥ श्यामघन आये आली श्याम परदेश  
 छाये श्यामकंठ शत्रुआगि अंगमें बहैलगी । श्यामकंठ  
 बोलिसुनि श्यामकंठसैंरि आवैको किलाहुकूकिकूकि  
 प्राणन कहैलगी । भिल्ली मंडूक कूक सुनिहिये होत  
 हूक रामदास तातगुणनिधिसें चलैलगी । रैनअंधि-  
 यारी होन लागी द्रुम बाढी दशकन्ध बन्ध प्यारीऊ



पयानासा करैलगी ५० सीरीसीरी बही चहं ओरते  
 बयारि बड़ी घटन बगारि बड़ो आसरी सोदैरहो । या-  
 हीहेतु छोड़िके नदीनि नद येतेदिन तेरी आशगहेतेरी  
 ओर तकतैरहो । नीरदत आपने विचारि देखु नाम  
 शम्भकहांसे ओसरमें सेसा हठलैरहो । गरजि रहुल-  
 सायो हियो चातकको बंदनके समैमें निमुंद मुखके  
 रहो ५१ ॥ सवैया ॥ दादुरि चातक मेर करो किनशोर  
 सुहावन के भरुहै । नाहतेही सोईपायो सखी मोहिं  
 भाग सोहागहुको बरुहै । जानि शिरोमणि साहिजहां  
 ढिग बैठोमहा विरहा हरुहै । चपला चमको गरजो  
 बरसा घन आशपियातौ कहा डरुहै ५२ ऊंचीअटापै  
 लखें घटादोऊ दुहंनकी ह्वैरहि रूप कलासी । बेसी  
 बड़ेबड़े बंदनते इकबारही बारिंध कोन हलासी ।  
 चौकिचली बिचली गचपै लचकी करिहां कुचभार  
 छलासी । त्योंघनप्रयास गही अबला फिरिके गरे  
 लागि गई चपलासी ५३ ॥ कवित ॥ तीरहैन बीरकोऊ  
 करैना समीरधीर बाढोअस नीरमेरो रह्योता उपाउरे ।  
 पंखाहैन पासक आसतेरे आवनकी सावनकी रैन  
 मोहिं सरत जियाउरे । संगममें खोलिराखी खिरकी  
 तिहारे हेत हातिहैं अचेत मेरी तपनि बुझाउरे । जानु  
 जानिजानौकौन कोजिये उतालगौन पौनमीतमेरेभीन  
 मन्द २ आउरे ५४ दिशि बिदिशानते उमड़ि मढ़ि  
 लीन्हे नभ छोरिदिये धुरवा जवासेयूथ जरिगे । डह-  
 डहे भये दुमरंचक हवाके गुण कहकुह मुरवा पुकारि



मोद भरिगे । रहिगये चातक जहांके तहां देखतही  
 शोभनाथ कहं कहं बंदहन करिगे । शोरभयो घोर  
 चहूंओर नभ मंडलमें आये घनआये घनआयकेउमडि  
 गो ५५ ॥ सवैया ॥ हरीहै सबैसुधि बुद्धिहरी तियसेजपरी  
 तन चेतनरीहै । नरीहै कहां रति रूपरतीकन सेनेके  
 सांचेहरी पुतरीहै । तरीहै मनोज महानंदकी नृपशंक-  
 र शोभित लाल डरीहै । डरीहै खरी यहि पावसमें  
 शिखि शोरसुने लखेभूमि हरीहै ५६ धावन भेजु सखी  
 बहिदेश-बसै जेहिदेश प्रियामनभावन । भावनभीरया  
 लूकलगी तनबीच लगी जियरा भरसावन । सावनमें  
 न भयो हनुमन्त दोऊ मिलि भूलि मलारहि गावन ।  
 भावनमोहिं सुहातनहींबदरा बदराहलगेजुरिधावन ५७  
 कबिबेनीनई उनईहै घटा मुरवा बनबोलत कूकनरी ।  
 छहरै बिजुरी क्षिति मंडल छवै लहरै मनसैन भूमक-  
 नरी । पहिरो चुनरी चुनिके दुलही संग लालके भू-  
 लिये भूकनरी । ऋतुपावस योंहीं बितावतीहै मरि-  
 हैफिरिबावरी हूकनरी ५८ ॥ कवित ॥ तीजनीके रोज  
 सबसजनी गईरी उहां भूलन हिंडोला ब्रजबाला बीर  
 बरबर । तोयनिधि तौलौ उठिधुरवा धरालौ घूमिधा-  
 राधर धरणि बरसि परे धरधर । मोहिं तौ कन्हारि  
 करिकामरी बचाइलीने और सबभीजी तिनतनहाय  
 थरथर । ऐसे बदनाउ यहिगाउं मो गरीबिनीकोदेखि  
 सखी चुनरी चवाउ फैलो घरघर ५९ ॥ सवैया ॥ चमकै  
 चपला भूमकै जुगुन रव भक्तिनको भय छावत है ।



पिक भिल्लिन को गन मोरनसों मिलिके अति शोर  
सुनावत है । कविगोकुल प्यारी बिना गिरिधारी कहै  
अब कौन बचावत है । इहि ओर लखौ क्षिति छोरहिते  
घन बेरतसों चलो आवत है ६० धुरवानकि धावनि  
मानो अनंगकि तुंगध्वजा फहरान लगी । नभ मराडल  
है क्षितिमराडल छवै छनज्योति छटा छहरानलगी ।  
सतिराम समीरलगे लतिका बिरही बनिता थहरान  
लगी । परदेशमें पीवन पायो संदेश पयोद घटा घह-  
रानलगी ६१ ऋतुपावस श्यामघटा उनई लखिके मन  
धीरधिरातो नहीं । धुनि दादुर मोर पपीहनकी सुनिके  
सन चित्त थिरातो नहीं । जबते बिहुरे कबिबोधाहितू  
तबते उरदाहु बुझातो नहीं । हमकोनते पीर कहैं जिय-  
की दिलदारतौ कोऊ दिखातो नहीं ६२ ॥ कवित ॥  
फुही फुही बंदभरें बीरवारि बाहन ते कुह कुह सुनि  
परै कूक कौकिलानकी । ताही समय श्यामा श्याम  
भूलत हिंडोरेचढ़े वारैं छवि कोटिनमें रति पंचवान  
की । कुण्डल लटक सोहै भृकुटी मटकमोहै अटकचटक  
पटपीत फहरानकी । भूलति समयकी सुधि भूलति न  
हलतिरी भूकनि भूकनि उभकोरनि भुजानकी ६३  
कारे २ बादर डरावने लगत अब दादुर की धुनि सुनि  
भूलै दशातनकी । बंदकी भूकोर भूकभोर पुरवाई  
करै हरै मनमोर शोर चहुँ ओर बन की । हरी २ ल-  
तिका करावै घरी २ यादि इन्द्रगोप लखि लालगुञ्ज  
मालगनकी । नन्दके कुमार बिन लागै उर आर ऊधो



पापिहा पुकार भनकार भींगुरन की ६४ ॥ सवैया ॥  
 परकारज देह को धारे फिरौ परयन्य यथारथ हैं  
 दरसौ । निधि नीर सुधा के समान करौ सब भाँतिन  
 सजजनता सरसौ । घन आनंद जीवनदायक हो कछु  
 मेरियो पीर हिये परसौ । कबहुँवा बिसासो सुजान  
 के आंगनमो अँशुवानहु लै बरसौ ६५ भजि बेगिचली  
 सधुराको भटू बचिहै न कोऊ करि जोरनरी । घिरि  
 कारी डरारी घटा नभते लटकी धुरवानकि डोरनरी ।  
 अति चाव चढी लहके चपला बहके बरहीन के शो-  
 रनरी । वह पाछिलो बैर संहारि पुरन्दर चाहै अबै  
 ब्रज बोरनरी ६६ भूमि हरी चहुँ ओर भरे जल है सु-  
 थरी ऋतु आई अयाढी । सीठी महाधुनि मारन की  
 कबिराज सुने सबकी रुचि बाढी । भूलत गोपी गो-  
 पाल मिले वृषभानके आँगन भीरहै गाढी । हेरे हरी  
 मिस वाकी बटाभरि फेरि घटा में अटा पर टाढी ६७  
 उत कारी घटा इतमां अलकें बक पाँति उतै इत मोति  
 लरी । उत दामिनि दन्त चमकें इतै सुर चाप उतै इत  
 भौंह तरी । उत चातक तौ पिउपीउ रहै बिसरै न इतै  
 पिउ सक घरी । उत बुन्द अगाध इतै अँशुवा बिरहीते  
 मनो घन होड परी ६८ ॥ कवित ॥ आये सखि सावन  
 बिदेश मनभावन जू कैसे करि मेरो चित हाय धीर  
 धारिहैं । सेहैं कौन भूलन हिँडारे बैठि सङ्ग मेरे कौन  
 मनुहारि करि भुजा कंठ पारि हैं । हरी चन्द भीजत  
 बचेहै कौन भोजि आप कौन उर लाइ काम ताप नि-



रवारिहैं । मान समै पगपरि कौन समुझैहै हाय कौन  
मेरी प्राणाप्यारी कहिकेपुकारिहैं ६६ घहरघहरघह-  
रात चहुँघाते घेरि सघनघुमडिघनघनबरसतहैं । छहर  
छहर छहरात क्षितिमण्डल पै छूटि छूटि बुन्दन ते छरि  
को छरत हैं । भहर भहर भहरात भौन भीति भारी  
भीति भारी भारती के भौनहूँ भरत हैं । थहर थहर  
थहरात मेरो गात आली विजय अनन्द विदेश में  
बसतहैं ७० ॥ सवैया ॥ भसि हरी भई गेलैं गई मिटि  
नोर प्रवाह बहावे बहाहै । कारी घटाने अँधेरो कियो  
दिन रैनमें भेद कछु न रहाहै । ठाकुर भौनते दूसरे भौन  
लो जातबनै न विचार महाहै । कैसेकै आवैं कहाकरै  
बीर विदेशी विचारे न दोष कहाहै ७१ घुमि घटाघन  
की गरजैं चमकैं चपला क्षिति कुँ फिरैं फेरी । शोर  
करैं चहुँ ओरते मार जुरीकरैं कौलिया कूक घनेरी ।  
गोकुल सीरो समीर लगै कहि भाँति सो धीर रहेंगे  
धरेरी । मोहिँ बिना यह सावनकी निशि भावन कैसे  
बितायहैंयेरी ७२ घेरिघटा उनईचहुँ घा क्षणकमेंवि-  
जुछटा छबिछायहैं । ओपतिरायकहा करबी अरबी  
करिके पिक चातक गाय हैं । कारो पिछौराउतारि  
हहा अबचनरोलाल अनूप सोहायहैं । हैंजुसुनी घरी  
चारिकमें तिया आजु तिहारे पिया घरआयहैं ७३ ॥  
कवित ॥ एकती विदेशी बिन सेसेही दुखीहैं हम दूसरे  
प्रचण्ड लागेपावस सतानेरी । बचनजू बादरकोआदर  
न मेरेयहां अजब अनारीआप बिरहबढानेरी । बरिये



कीहोसहेतौ जायमथुरामेंबर्य सांवरे मिलैगेतोहिं सौत  
 कोठिकानेरी । अरज न मानैनेक हरजहमारोकरे गरज  
 नजानैमेघ गरजनजानेरी ७४ कैसेचितचोरै गुण पवन  
 भकोरै मोर अति बरजोरै मोरै सुखमाबदनके । द्विज  
 बलदेव बरवानिक बसनवेश बीजुरीलैधायेहैं बिरादर  
 मदनके । तही यशलीजै दरशायनेक दीजै अधरामृत  
 को पीजैमोद दाडिम रदनके । प्राणाप्रिय पावसअनंद  
 अतिछावन ये आयेबीर सावन सोहावन सदनके ७५  
 काजरसे डारेलखि मोरगण भारे कूककीन्हेंदईमारै  
 मोदछाये अतिमीनको । द्विजबलदेव बकपंगतिविशेष  
 ताई त्योंही शोर मण्डित मँडूक गन पीनको । भरत  
 सनाके नाके नाकेसब घेरिलियो कैसे करिवे है उर  
 शोभ धरदीनको । धंधुर धुधारे धराधारे अतिभारैसारै  
 आयेघनकारे डरपावै बिरहीनको ७६ ॥ सवैया ॥ नई  
 नाखी भईहो कहा तुमहीं उसही रहती मति दीन्ही  
 दई । दई कान्ह की बीरो न लेत भटू तुम्हैया बतिया  
 कहा को सिखई । खई में न बड़ो भयो कोऊ कहूं  
 क्षिनहीं अतिहीरिसपरिगई । गइभार में नाहींननाहों  
 करां लखो कैसे घनेरी घटा उनई ७७ प्यारी मना-  
 वत प्यारी न मानति बैठिरही करि प्रीति की टूटन ।  
 कारी घटा घहरान लगी सुउठी तब चौंकि चितै चहु  
 खटन । धाय डेराय लगी प्रिय के हिय सो कबि देव  
 सुना सुख लूटन । मानतौ कृत्यो मरुकरिके मनतेनहीं  
 कूटति मानकी कूटनि ७८ दुख दूरिभयो वहि शीघ्रम



को करिबे पिक चातक गानलगे । चपला चमकैलगीं  
 चारों दिशा निशिमैं जुगुनू दरशान लगे । गिरिधारम  
 पावस आवतहीं बकवृन्द अकाश उद्धान लगे । धुरवा  
 सबओर दिखानलगे मोरवानके शोर सुनानलगे ७६ ॥  
 कवित ॥ कारी अधियारी रैन बीजुरी चमकै रैन दा-  
 दुरके बैन मेघ बरसै फुहँ फुहँ । पवन भिकोर भोर  
 भिल्लिन की घोर शोर चातक चकोर मोर कुहँकै  
 कुहँकुहँ । ताहीसमै सुधि मनठानी मनमोहनकी दुरै लागे  
 आंशु नेक नयनसे लुहँ लुहँ । मसकि मसकि प्यारी  
 ड्यों ड्यों लपटात जात त्यों त्यों मुख मोरि मोरि क-  
 रत उहँ उहँ ७७ लपटिलतासी परयंक पटियामें रही  
 डोलैना डोलाये कर पायन दुहँ दुहँ । केती केती भां-  
 तिनसां हरिजूबुझाय हारे कोकिलाके नाई जैसे कुहँ-  
 कै कुहँकुहँ । मेरी ओर फेर मुख बीरह न खात काहे  
 उरसां लगाइ कर बोलत मुहँ मुहँ । मसकि मसकि  
 प्यारी ड्यों ड्यों लपटातजात त्यों त्यों मुख मोरि मोरि  
 करत उहँ उहँ ७८ ॥ सवैया ॥ क्षणाहीं क्षणा दोरै दुरै  
 दरशौ छविपुंज किशोर जमासे करै । अति दीन बिना  
 पिय जान जिये बिरहीन हिये बरसासे करै । अरु  
 देखी भई कबहू थिरहूँ घनको हरिकी उपमासे करै ।  
 चहुंघाते महा तरपै बिजुरी तस तोममे आज तमासे  
 करै ७९ गरजे घन दौरि रहे लपटाइ भुजा भरिकै  
 मुख पागी रहैं । हरिचन्दजू भीजि रहैं हियमें मिलि  
 पौन चले सद जागी रहैं । नभ दामिनिके दसके सत-



राइ छिपी प्रिय अंग सुहागी रहैं । बडभार्गनि ओई  
 अहैं बरसातमें जे प्रिय कगठ सों लागी रहैं ८३ धाये  
 हैं आज घने घन घोर से बोलत मोर बियोग जनाये ।  
 जनायके मोह बियोग सों येवन सारत कामके बारा  
 चढाये । चढायके लायेहैं प्रयामघटा बदरा चहुँ ओर  
 महा भरि लाये । लायके मोहिं कहां बिलमें अजहुँ  
 नहिं पोउ बिदेश सों धाये ८४ ॥ कवित ॥ घोर घन घु-  
 मडि घटानकी घुमराडनमें बीजुरी प्रचण्ड नेक धीरज  
 धरीरहौ । दादुर चकोर मोर शोर चहुँ ओरन ते निशि  
 दिन एक भर बरसै हरीरहौ । उर लपटाय सुखपाय  
 नवनीत संग जंघजुरि केलिरस रंगमें भरी रहौ । गरज  
 हमारी कर दरज दिलोंदे बीचप्यारी नेक और घरी  
 द्वैक तौ परी रहौ ८५ उमडे सरित सर भारे बेशुमार  
 अति बहे नदनारे छहरारे जल थलपै । सरत हहारे  
 तरुवान तोरिडारे पातपात भारिडारे जारिडारे जवा-  
 दलपै । पैदल सवारन चलत घाट बाटनमें भरोहै चहल  
 बन्दि रहल गहलपै । कन्त बिन कामिनी भयामिनी  
 अटापै लगे घेरैरहै घटानेक मेरेहि महलपै ८६ ॥ सवैया ॥  
 चातक मोर करै अति शोर उठी घन घोर है प्रयाम  
 घटा । चमकै बिजुरी अति जोर भरी अरु लागीभरी  
 लिये ठाट ठटा । शोक भरी पछतावै खरी बिरहागि  
 जरी शिरखोले लटा । कराहिके हाय करै पछिताय  
 वह हाफिज देखिके सुनी अटा ८७ गरजी पुनि घोर  
 घटा सजनी रजनी दिन ऊबत भीतरजी । तरजी तडिता



नभ शोर सुने सुमन मन कान भयो सरजी । सरजीहित  
 हाहा करो कितनौ अरजी न कबूल कियो वरजी ।  
 वरजी नहिँ मानत मेरो भट भयो चातक सों जियको  
 गरजी ठठ आयो अघाढ़ सुनो सजनी रजनी दिन घेरि  
 घटा घन छाये । छाये बिदेशहि रामचरित्र अँदेश  
 लग्यो है सँदेशन पायो । पायो भले अपने बश कैधों  
 कहँ कोऊ सौतिन सेज लुभायो । भायो कहा उनके  
 मनसाहिँ कि पावसआयो पियानहिँआयो ठट लागो  
 अघाढ़ सबै सुख सोवत में जियमें बिरहादुख बोई ।  
 सावन में सब केलिकरें में अकेली परी संग साथ न  
 कोई । कैसे जियो घर हे सजनी फिर भादवँ में घनश्याम  
 न होई । कौनसी चूकपरी विधना बरसातगई बरसात  
 न सोई ६० ॥ कवित ॥ सावन सुहावन मनभावनकी राह  
 देखि सगुन जगावैं कब नाह घर आवैंरी । देखि घन  
 घटा चित चौगुना चकित होत छातिन विच पातिन  
 की लीकें करि जावैंरी । चनरी कुसुम रँग सोहैं शिर  
 सखियनके झूलतीं हिंडोरी बिरहिनिको लजावैंरी ।  
 जिया हुलसावैं त्रियालोने गीत गावैं हम रामचन्द  
 साहबकी साहिबी मनावैंरी ६१ ॥ सबैया ॥ यह सावन  
 शोक नशावन है मन भावन यामें न लाजें भरो । यमुना  
 पे चलौ सुसवै मिलिके अरु गाय बजायके शोकहरो ।  
 इसि भावत है हरिचन्द पिया अहो लाडिली देर न  
 यामें करो । बलि भूलौ झुलाओ झुको उझको यहि  
 पाखै पतिव्रत ताखै धरो ६२ ॥ कवित ॥ श्याम घटादेह



जाकीदंतपदप्रवेत जाकीपौन पुरवाईकीपुकार दरसतु  
 है । मन्द मन्द दामिनि मदाइति की भूल तापै अंकुश  
 छटानन की कौन सरसतु है । ठाकुर कहत तापै सैन  
 असवार भयो हलतहै घरीघरीपौन भरसतु है । प्रेमको  
 सँघाती साथी बालम बिदेश छाये छातीपर घूमिघूमि  
 हाथी बरसतुहै ६३ सुन्दर सुखारे अनियारे कारेकारे  
 घन धारे बहु भेष धाम धारे बरसतु है । तरुणा तरारे  
 न्यारे न्यारे उदगारे पौन दादुर दगारे धुनि धारे दर-  
 सतुहै । पीपी के पुकारे पपीहराउ प्यारे प्यारे सारे  
 दुन्दुभि धुकारे तो अनङ्ग सरसतुहै । अचरज यामें कहु  
 कौन मुवनेश जोपै श्याम मिलबे को मन मेरो तरसतु  
 है ६४ ॥ सवैया ॥ दादुर बोल मचै चहुँओर सुने विरही  
 हिय ताप बढ़ावत । पावस की भ्रमकी रतिया पति  
 की छतिया बिन कौन बितावत । बोलहिँगे अलि  
 कुञ्जमें बनके सुरवा धुनि ढेर सुनावत । काह कहैं  
 सखि नाह बिना अब ये बदरा बदराह बतावत ६५  
 आवत देरभई बरयै न लगे करयै पिक चातक दादर ।  
 मोर सशोर लगे घरयै चित चोर सने सुख सौति स-  
 हादर । बन्दि उपाय बनै न किये नहिँ फारिके लाज  
 समाज कि छादर । बाढ धरायके देती जराय ये दायक  
 गाढ असाढके बादर ६६ ॥ कवित ॥ बाजत नगारे घन  
 ताल देत नदीनारे भींगुरन भांभ मेरी भृङ्गन बजाईहै ।  
 कोकिल अलाप चारी नीलकण्ठ नृत्यकारी पौन बन  
 धारी चाटी चालक लगाईहै । मणिमाल जुगनू मुवा-



रक तिमिर थार चौमुख चिराग चारु चपला जगाई  
 है । बालम विदेश नये दुखको जनमभयो पावस हमारे  
 लाये विरह बधाई है ६७ हरित हरित हरि लेत मन  
 बेली बज सघन घटान घन धिरि घहराने हैं । बोलैं चहुँ  
 ओर कीर कोकिल पपीहा मोर कुञ्जकुञ्ज गुंजें अलि  
 पुंज मनमाने हैं । अंकुर बिछाय हित कीनी मरकत  
 मणि तामें इन्द्रबधू जाल लाल सन जाने हैं । दिशि  
 दिशि देख द्युति चाह मनभावन को सावन की सब-  
 जीमें सबजी भुलाने हैं ६८ कारे कारे बादर से बरषत  
 आदरसों दादुर पपीहा पिक उर न समातके । ठौरठौर  
 सरस सरोवर अथाह भये गुंजरें मधुप पुंज पातें जल  
 जात के । हरी हरी दूब छोटी तापर विराजें बुन्द उ-  
 पमा बनी है मिश्र निरखि सिहात के । सावन सनेही  
 मनभावन रिक्तावन को मोतिन गुथाये हैं दुलीचा स-  
 कलात के ६९ मानो सक चौप तम्बू ठाढ़ो है सुख  
 प्रयास डोरी मखतूल तामें लागतसुहावने । कहै शिव-  
 राई शोर करत कलापी पापी भिल्ली भनकारत वि-  
 रह उपजावने । ताही समै प्यारी सखियान ते कहत  
 बात लाल बिन घरी घरी युगन बितावने । काम बाद-  
 शाह के हुकुमते फरास मानो सबुज बनातके बिछाये  
 हैं बिछावने २०० सावन सजल घन बरषै अखण्डधार  
 चहुँ ओर नार खार ताल भिलि भरिगे । भिल्ली भ-  
 नकार ख दादुर अपार मोर शोर कुहुँ कारन उदार  
 छबि करिगे । हरी हरी भूमि तापै इन्द्रबधू फौलिरहीं



उपमा सुताकी रसरस चित्त धरिगे । सबुज बनात पर  
 मानो मैन जौहरीकी गाँठिते उचटि पुंज मानिक बि-  
 थरिगे १ बादर उतङ्ग अङ्ग डोलत अनङ्ग भरे बगन क-  
 तार दन्त दीरघ सँवारेहैं । चरखी चमक तरकत औ  
 गरजगंज बरखै मदन निशि नीरके पनारेहैं । सोमनाथ  
 प्यारे नंदनन्दके विरह जान ब्रजमें उमङ्गन करोर हन  
 कारेहैं । आये घन भारेमें बिचार उर धारे येरी कारे  
 रङ्गवारे ये सतङ्ग सतवारे हैं २ पावस बिबश निशि  
 बासर निशासे भासे भन पजनेश देशदेशन सवारे से ।  
 धूम रङ्ग धीरे धीरे धराधर शृङ्गन पै धावत अधर धूर  
 धुन्ध गतवारेसे । छुटे बादवाननि बिलन्द उयो जहाज  
 मानो आवत हिलत नित नेह नद वारेसे । हाती घनी  
 धूमै धराधरनि की धूमै घेरि घेरि घन घूमै भूमै राज  
 सतवारेसे ३ नाचत कलापी जूह संगलै कलापिनिकी  
 झिल्लिनकी भीर भनकारके जमकि रही । दादुरक-  
 रत शोर घोर चहुँ जोरन सों देखु बगपाँति विरहीन  
 को धमकि रही । कहै हनुमान मान छोड़ि प्राणाप्यारी  
 जाय मोहनसों मिलि देखु लतिका लमकि रही । छाया  
 छाया मेहरहे चावन सों द्योम साहिं धाय धाय चहुँ  
 ओर चपला चमकि रही ४ मेचक कवच साजि बा-  
 हन बयारि बाजि गाढे दलगाजि उठे दीरघ बदनके ।  
 भयगा भनत शमशेर सोई दामिनिहै हेत नर कामिनि  
 के मानके कदन के । पैदर बलाके धुरवान के पताके  
 देखि घेरि घेरि जात चहुँ ओरहिँ सदनके । नकर नि-



यादर पियासों मिलि सादर ये आये बीर बादर बहा-  
 दरमदनके ५ कैसी करों बीर यह घेरि दिशा विदिशानि  
 फेरि नभमण्डल घमण्ड घनछायोरी । पीडित पियास  
 परमातुर पपीहापापी पीउपीउ कहि तन अतनजगायो  
 री । कहत किशोर तैसी पवन भक्कोरनसें मारन त्यों  
 महत मलार सुर गायोरी । बड़े बड़े बुन्दन बिलोकि  
 बारिधरबीर अबहीं बरसि गयो फेरि भूपिआयोरी ६  
 मारनके शोरसुनि पिककीपुकार तैसी चातकाचिकार  
 सुनि सुनी श्याम यामिनी । जुगुन जमक देख भिल्ली  
 की भनक लेख भयसें बिशेखशेख डरै गजगामिनी ।  
 भरन भरतनीर कम्पतशरीर येरी बालमविदेशधीर  
 धरै कैसे कामिनी । मारे डारै मदन मरोरे डारै दादुर  
 ये दावे आवैं बादर दबाये आवैं दामिनी ७ मानगढ  
 घेराहात गरज अरेरा हात दादुर दरेरा हात जेरा हात  
 याम को । पिक भटभेराहात धक्पक हेराहात गरब  
 अरेराहात बेराहात साम को । पवन सरेराहात धनुष  
 धरेराहात बुन्दन गुरेराहात खेराहात बामको । बीजु-  
 री उजेराहात कौंधा चक्रफेराहात घनन को घेराहात  
 डेराहात कामको ८ बिज्जुकी छटामें घनघोरकी घटा  
 में बकपाँति की प्रभा में कैधैं नैननि लगायेना ।  
 दादुर कलामें जोरशोर सरनामें पीउ पीउ पपिहामें  
 हामें शोरसरसायेना । शङ्करजू जामें नीलमसिासी ल-  
 लामें भूमिसोहै ठामठामें तामें कामें तेजतायेना । मार  
 हरखामें नदीनदतरखामें अजहूँ लौं परखामें बरखामें



हरि आयेना ६ भरकी भरनभार भरसी भरत अंग  
 भंभाकी भकोर भुकि भपट भरीनमें । छटाकी उ-  
 छटि छवि छपन छपाकरकी छायरही छनदा सुहाई  
 दिनदीनमें । चातक चिकार चकचौंधा चास चहंदि-  
 शि चक्रित चकोर चकवानके बिहीनमें । आवसपरे  
 हैं पयोकावस परायेदेश पावसमें थ्यावस रह्यो न बि-  
 रहो नमें १० कैधों बहिदेश घनघुमडि न बरसत कैधों  
 सकरन्द नदीनद पथ भरिगे । कैधों पिक चातक च-  
 क्रित चक्रवाकवाक सत्तभये दादुर मधुप मोर सरिगे ।  
 मेरेमनआवत न आली प्यारे आवतहैं कामकरनिकर  
 महीतेधों निकरिगे । कैधों पञ्चशर हर फेरके भसम  
 कोन्हे कैधों पञ्चशरजूके पांचौशर सरिगे ११ कैधों  
 उपवन घनघेरिन घुमडिआये कैधों कीच भूतल में प्र-  
 गती नहीं नई । कैधों दबि दादुर रहेहैं डरव्यालन के  
 कैधों पापी पपिहा पिया की ढेर नारई । घासीराम  
 कैधों पिक बाजनको त्रास मान्यो कैधों बहिदेशबीर  
 पावस नहींठई । कैधों काम प्र्यामजूके तनते निकरि  
 गयो कैधों मेघ जूभे कैधों बीजुरी सतीभई १२ कैधों  
 मोर शोर तजि गयेरी अनत भजि कैधों उत दादुर न  
 बोलतहैं ये दर्ई । कैधों पिक चातक महीपकाहमारि  
 डारे कैधों बकपाँति उत अन्तगतिहै गई । आलमक-  
 हतआली अजहू न आयेपिय कैधों उत रीत बिपरीत  
 विधि ने ठई । मदन महीप की दोहाई फिरिबेते रही  
 कैधों मेघजूभे कैधों बीजुरी सतीभई १३ ओढे नील



सारी घन घटा कारी चिन्तामणि कुचन किनारीचास  
 चपला सोहाई है । इन्द्रवधू जुगुन जवाहिर की जगा  
 ज्योति बगमुकलान माल कैसी छवि छाई है । नील  
 पीत प्रवेत वर बादर बसन तन बोलत सुभृङ्गी धुनि नू-  
 पुर बजाई है । देखिबेको मोहन नवल नट नागर को  
 बरसा नवेली अलवेली बनि आई है १४ कारे कारे  
 धुरवा चिकुर चारु चमकत चञ्चला वरझना सु अति  
 अलवेली है । पचरँग अम्बर अडम्बर पटम्बरनि मुद्रित  
 बदन चन्द सुखत सहेली है । जुगुन जमाति नैन बगुला  
 कतार हार केकी धुनि नूपुर अनूप रसरेली है । कवि  
 शिवदास दिन हूलह सदनभूप बानक बनकबनी बरसा  
 नवेली है १५ चंचलासी चौकति चहँघा आँशु बरसत  
 फौले तम केशकीन सुधि उरधारी है । इन्द्रगोप भारी  
 है आँगारी विरहागि बारी भयगा जराऊ ज्योति रिं-  
 गन बिसारी है । शङ्कर बखानै ह्वे पपीहा पीव पीवरहै  
 लाज हंस जामें गति दूरको निहारी है । शोभा लखि  
 न्यारी मन आपने बिचारी बरसा है यह भारीकी बि-  
 योग बारी नारी है १६ चूनरी सुरङ्ग सजि सहीअङ्ग  
 अङ्गन उमङ्गति अनङ्ग अङ्ग अङ्ग उमहत हैं । भुकि भुकि  
 भांकि भरोखनते कारीघटा चौहरे अटा पै बिडजु  
 छटासी जगत हैं । द्विज देव सुनि सुनि शवद पपीहन  
 के पुनि पुनि आनंद प्रियसमे पगत हैं । चावन चुभीसी  
 मन भावनके अङ्ग तिनहैं सावन की बूँदें ये सुहावनी  
 लगत हैं १७ रसरँग भरे दोऊ उडवल अटापै खरे हरे



हरे हेरत सुहेत हिये पटि उठें । दमकि दमकि जाति  
 दामिनी चहंघा चारु चमकि चमकि चूनरी में अङ्ग  
 ठटि उठें । कहै ऋषिनाथ मोर दादुर करत शोर जोर  
 जोर जमकि पपीहा पीउ रटि उठें । घुमडि घुमडिघन  
 घिरि घिरि आवैं मोद उमडि उमडि दोऊ छतियाँ  
 छपटि उठें १८ घने घन घेरि घेरि उमडि घुमडि आवे  
 ऐसे तम छाये मानो भूमि परसतहैं । चपला चमकि  
 चहं ओर चारु चौरै चित तामें बकपाँतिन के पुंज द-  
 रसतहैं । इतै भरिलागी उतै अनुरागी भये दोऊ कैसे  
 हाव भावनमें सैनसरसतहैं । मुरज सुकवि आजु लखें  
 पिय प्यारी संग लाल बँगला में लालरंगबरसतहैं १९  
 आवत कदम्ब कुसुमनको परागपरि सीरी पौन लह-  
 लही ललित लतान की । घेरै घन घेरि घेरि पावस  
 अँधेरी पिक केकिनकी टेर गुनि अरि हात प्रानकी ।  
 ऐसे समय कुञ्जभौन आनंद उछाह बाढे ठाढ़ेढिग ल-  
 लना मनोरथनि भानकी । सोहन सचाई बात करत  
 रचाई दोऊ छबिसों बचाई छोटें ओट छतनानकी २०  
 चपला चमक घन गरजनि साज संग सहित अनंग के  
 तरंग धरिबो करें । शीतल सुगन्धयुत पवन सहायकरि  
 वसुधा अपार जलधार भरिबो करें । चातक पुकारे  
 मोर शोर करि हारे बन भिल्ली भनकारे हर भाँति  
 अरिबो करें । पियके प्रयङ्गमें निशङ्क हँ भरति अङ्क  
 अब घन घोर चहुँ ओर करिबो करें २१ पकरे उरो-  
 जन के सकुच नवाय ग्रीव नाहीं नाहीं कहि कहि बातें



अरतीहैं जे । हरी हरी डारन में परे जे हिंडोरा तिन्हें  
 देखि भूलिबे को अनखाय लरतीहैं जे । कहै हनुमान  
 तेई धन्य सुन्दरीन माहिं पैन्ह लाल सारी हिये मोद  
 भरतीहैं जे । सावन की हेरि घटा बैठी रंग रावटी में  
 भावनकी गोदमें कलोल करती हैं जे २२ अवली अ-  
 लीनकी अनाखी नवला लैसंग चोखी रतिहैं राजें  
 आनंद अयोरे पै । साजे बिन दूषणके भूषणको अंगन  
 में औरही अनूप आव आई मुख गोरेपै । कहै हनुमान  
 घरहाईके सकौचतते हेरति न लालै भई शोचनकरों-  
 रेपै । हलै हिये सौति के अतलै कबि धारि भूलै मन  
 सों पियाकी गोद तनसों हिंडोरे पै २३ हेरिके बहार  
 बरसाकी बलि बार बार आई बन बाग बीच सदन  
 मरोरे पै । आस पास गावें मंजु घोषासी सहेली सबै  
 मंजुल मलार मन मोहैं बरजोरे पै । कहै हनुमान ता  
 समान में शचीहै कहा जाके रूप सोंहैं रहै रतिहनि-  
 होरेपै । होरन जटित चारु चाँदीको तखत डारि बैठी  
 बाल भूलतिहै हेमके हिंडोरे पै २४ जाके मुखचन्द  
 सोंहैं लागतहै मन्द चन्द कुन्दन ते सुन्दर सलोनी जासु  
 गातहै । औरै कबिकाय रही अंगनमें अंगना के अंचल  
 ते उघरि उरोज दरसात है । कहै हनुमान प्रेम पूरणा  
 उघरिपरयो छपत न कैसेहू कपाये सरसात है । ज्यों  
 ज्यों मचकीन को मचाय बाल भूलति है त्यों त्यों  
 खरी भूमें लाल लपि लपि जातहै २५ नाजुक नबेली  
 अलबेली लै सहेली संग आई बर बाग बीच अधिक



निहेरि पै । हरी हरी क्यारिन में डोलै गलबाहीं दिये  
 बोलैबैन मधुर सुभाव भाव भोरेपै । कहै हनुमान ज्योंहीं  
 झलिवेको कीनामन त्योंहीं सान छाई है सुहाई सुख  
 गोरेपै । झलति हमारे हिये हलतिहै सौतिनके फूलति  
 कलीसी बाल बैठी जो हिंडोरे पै २६ करत अकाश  
 बारि बाहक विलास तैसे बंद परै बसन कुसुम्भी रंग  
 बोरेपै । क्षण छविछटा तैसी घटा घन घहरात होरन  
 के भयगात्यों सोहैं तन गोरेपै । गिरिधरदास लिये गि-  
 रिधर लालसंग झुकति झपकि जाति थोरेह झकोरे  
 पै । हलति है शूल सुख सौतिउन मूलतिहै फूलति है  
 झलतिहै हेमके हिंडोरेपै २७ रहसि रहसि हंसिहंसि  
 के हिंडोरे चढी लेति खरीपैगै छविछाजै उकसनमें ।  
 उडत दुकूल उघरत भुज मल बढी सुखमा अतूल कोश  
 फूलनि खसनमें । ओझलहूँ देखि देखि भये अनिमेष  
 प्रयास रीझत विसूरि असगीकर लसनमें । ज्यों ज्यों  
 लचि लचि लंक लचकत भावती को त्यों त्यों पिय  
 प्यारो गहै आँपुरी दसनमें २८ प्रेमसद पाये अनुरागे  
 लाल बागे दोऊ लागे भले लोचन को झलत हिंडो-  
 रना । लोनीहै चपल द्युति चीरनै चुराय चित चन्द  
 सुखी चंचल चयन गुन बोरना । ज्यों ज्यों प्राणापति  
 परिरंभरा करत ह्यों ह्यों भावती मूरति यहै शोचके  
 झकोरना । शिरस सुमनहते कोमल किशोर उर क-  
 ठिन कठोर कहूँ गडै कुचकोरना २९ रागभरी भीजी  
 सी हिंडोरे झलै सहे पट प्यारी मुख चन्द पै चकोर



भगवत हैं । भुवर सुकावि बोर कंठ साहिं मरिा माल  
 बाजुवन्द किंकिरी कनक नगरत हैं । गहे कर डोरी  
 ज्योति ज्योति जीति लालनसों सौरभ मगन भौर जाल  
 डगरत हैं । कहूँ फूले फूल कहूँ उडत दुकूल कहूँ उर  
 उघरत कहूँ बार बगरत हैं ३० बैठी है हिंडोरे बीच त-  
 खत सुकंचनके जेब सरदारी की मजे जन भुलावहीं ।  
 दुहूँ ओर चँवर डुलावैं सखी चौंरदार सायबान संग  
 सो भुकायेहीं भुलावहीं । खुलेबार हारन जवाहिरह  
 जगमगात देखैं सोहें लाल ठाढ़े डोठि न डुलावहीं ।  
 नागर सुगन्ध की भुकोर उठै पैग संग भूलै श्यामा  
 साहिब सुसाहिब भुलावहीं ३१ फूलन के खम्भा पाट  
 पटरी सुफूलनकी फूलनके फन्दमें फँदेहैं लाल डोरेमें ।  
 कहै पदमाकर बितान तने फूलनके फूलनकी भालर  
 यों भीलति भुकोरेमें । फूलरही फूलन सुफल फूल-  
 वारी तहाँ फूलईके फरस फबे हैं कुञ्ज कोरेमें । फूल  
 भरी फूलभरी फूलजरी फूलनि में फूलईसी फूलति  
 सुफलके हिंडोरे में ३२ यमुनाके तीर भीर भई है हिं-  
 डोरना पै दूरहीते गहगही गति दरसत है । गान धुनि  
 मन्द मन्द आवति है कानन में बीच बीच बंशी धुनि  
 प्रान परसत है । देखिकारे ह्रसन लतान साँझ दामिनी  
 सो पट फहरात पीत शोभा सरसत है । हाहा चलि  
 नागर पै हिय तरसत आली आजु वा कदम्ब तरे रंग  
 बरसत है ३३ कूकन मयूरनकी धुरवाके धूकनकी भू-  
 कन समीरनकी खसन प्रसूनकी । दमकनि दामिनि



की भासिनिकी रसकानि भसकानि नेहकी करोररति  
 हुनकी । नाथकी सों माननकी भोंकें चढियाननकी  
 हंसि हंसि भुकि भुकि तामन दुहन की । उडन दु-  
 कलनकी छवि मुज मलन की काम मन हलन की  
 भूलन दुहनकी ३४ बरसै सघन घन सावन सुहाई बूढ़े  
 कंज में पवन चलै लहर भुकोरे में । कुहुँ के पपीहा  
 मोर दादुर करत शोर गंजत भवँर बिडजु नचत सुजोरे  
 में । आनंद कहत सखी चहूँघा चँवर ढारैं हाथन ल-  
 लाई मानो लालरंग बोरे में । लहकि हरकि जाती  
 अलके कपोलनपै लचकि लचकि भूलै मचकि हिं-  
 डोरे में ३५ घाँघरे की घुमड़ उमड़ चारु चूनरी की  
 पायन मलक सखमल बरजोरेकी । भृकुटी बिकट कूटी  
 अलके कपोलन पै बड़ी बड़ी आँखिन में छबिलाल  
 डोरेकी । तरिवन तरल जराऊ जरबीले जोर स्वेदकन  
 ललित बलित मुख मोरे की । भूलत न भासिनी की  
 गावन गुमान भरी सावन में श्रीपति मचावनि हिंडोरे  
 की ३६ चूनरी की चहक चमक चारु चोपन की चु-  
 रियाँ की चुहुरि चितौचि अख चोरे की । कहै पद-  
 साकर मनोज मदमाती मंजु मेहँदी की महक मजेज  
 मुख मोरेकी । गोला गर्व गंजन गुलाई गोल गालन  
 की गहमही गालिब गोरारै गात गोरेकी । हरित हरा  
 की हीर हारकी हमेलह की हलनि हियोई हरै भू-  
 लनिहिंडोरेकी ३७ सघनघटान छबिज्योति की छटान  
 बीच पिककी रटान ज्योति जीगन जुईपरै । हारहिये



हरित नदीन नद भरित भरीन भर भरित सो धरनि  
 धुईपरै । ऐसेमें किशोरी गोरी भुलति हिंडोरे भुकि  
 भुक्रानि भुकोरै फौल फूलन फुईपरै । कीजिये दरश  
 नंदनन्द ब्रजचन्द प्यारे आजुमुख चन्दपर चूनरि चुई  
 परै ३८ भूलिबेको रसबस नवल हिंडोरे चढी तासमन  
 कोऊ सुर किन्नर असुर की । कहै घनश्याम अभि-  
 राम दृग चंचल सो अंचल उडत बरगौ को छवि उर  
 की । खयाल के मचतही लचत उर बारबार मानो  
 बिपरीति रति सीखबेको दुरकी । उछरि उछरिघोटी  
 पोठपै परत मोटी खोटीके परेतें ज्यों चमोटी काम  
 गुरकी ३९ फूली फूल बेलीसो नबेली अलबेली बधू  
 भुलति अकेली कामकेलीसो बढति है । कहै पदमा-  
 कर भसंक की भुकोरनसों चारोंओर शोर किंकि-  
 नीनकोमढतिहै । उरउचकाय मचकीनकी मचामचसों  
 लंकहि लचाय चाय चौगुनो चढतिहै । रति बिपरी-  
 तकी पुनीत परिपाटीमनो हँसनि हिंडोरेकी सुपाटी  
 में पढतिहै ४० सावन सखीरी मन भावन के संगबलि  
 क्योंनचलि भुलति हिंडोरे नवरङ्गपर । कहै पदमाकर  
 सुयोवन तरंगिनते उमँगि उमंगत अनंग अंग अंगतर ।  
 चोखी चूनरीकी चारोंतरफ तरंग तैसी तंग अंगियाहै  
 तनी उरज उत्तंगपर । सौतिनके बदन बिलोके बदरङ्ग  
 आज रङ्गहैरी रङ्गतेरी मेहँदी सुरङ्गपर ४१ दोऊ रुख  
 मूलभूल भूलमखतूलभूला लेतसुखमूलकहि तोयभरि  
 बरसात । छूटिछूटि अलकै कपोलनपै छहरात फहरात



आंचर उरोजते उघरिजात । रहारहा नाहीं नाहीं अब  
 ना भुलाओ लाल बबाकीसों मेरेये युगलजानु ग्रहरा-  
 त । ज्योंहींज्यों सचत लचकत लचकीलो लंक शंक-  
 निमयंक मुखी अंकनि लपटि जात ४२ भूलत हिंडोरे  
 प्रिया प्रीतम यमुन तीर बोलैं पिक कीर छवि छाजत  
 लतानकी । बांधेपाग पचरंग ओहे चूनरी सुरंग कंचु  
 की दुरंगवेदी कोरिद्युति भानकी । ब्रजबधू गावैं भुकि  
 भुकि कैं भुलावैं श्यामा प्रयासको रिभुविं हातबरया  
 सुगानकी । घोर घनगाजै बगपांतिह विराजै ताके बीच  
 बीच बाजै बंशी सुन्दर सुजान की ४३ भूलत हिंडोरे  
 उठै छविकी भुकोरैं मन साधुरीसैं बोरैं पानखान मुस-  
 कानकी । जोरैं दूगकोरैं हिये सबके मरोरैं मानो शोभा  
 चौंरठोरैं द्युति पट फहरानकी । येवन के जोरैं भुला  
 यामत निहोरैहूँन चोप दुहं ओरैंछूवैं फुनग लतानकी ।  
 बेणीह हिलोरैं फूलछोरैं हार डोरैंलखि आली दगा  
 तोरैंसुधि भली गान तानकी ४४ कौनपरी चूकमेसों  
 सरी मेरी बीरजासों कीनी मन मोहनने ऐसी हायघ-  
 तियां । छाये परदेश पायों कहुना सँदेशयेही जियमें  
 अंदेश कबैं भेजत ना पतियां । कामकी सताई दिन  
 रायकैं बिताओ लाल कैसे कलपायों पीर होत अति  
 छतियां । तापै कल पावनको बिरह बढावनको आई  
 दुखदाई फेरि सावनकी रतियां ४५ आयोपनि पावस  
 अमावस निशाभोदिन छिन बिन प्यारे कहि भांतिन  
 बितायहैं । किरचैं करेजह की कोकिलैं करन लागीं



मोर शोर सुनि किमि चित्त ठहरायहैं । बेदरदी बैरा  
 बदबदरा बड़ेई बुरे नित प्रति तासों प्राण कैसे कै ब-  
 चाय हैं । परत न सकौ पल कल लाल क्यों हूँ हाय  
 काके गरे लागि काम तपनि मिटायहैं ४६ ॥ सवैया ॥  
 ऋतु पावस आइगो भागनते संग लालके कुंजनमें बि-  
 हरौ । नहिं पायहौ औसर और युवत्व कहा अबलाज  
 लजाइ मरौ । गुरु लोग औ चौचंद हाइन सों बिरथे  
 कहिकारण बोर डरौ । चलि चाखै सुधा अभिलाखै  
 करो यहि पाखै पतिव्रत ताखै धरौ ४७ ॥ कवित ॥ घन  
 को घमक औ बनक बकपांतिनकी बीजुरी चमककर  
 बालसी दिखातरी । ललित लतान लखियत है नदान  
 और कहे परमेश त्यों बहत बेश बातरी । मोरन को  
 शोर चहुँ और हात ठौर ठौर दादुरकी इन्दघोर करें  
 तनु घातरी । सुख सरसावन लगेरी लोग गावन को  
 बिना मन भावन न सावन सुहातरी ४८ डोलै पौन प-  
 रसि परसि जल बंदन सों बोलै मोर चातक चकित  
 उठी डरि मैं । कहाँलैं बराऊँ दई मारे मैंन बारानसां  
 थकि रही केतिकौ उपाय करि करि मैं । दत्त कवि  
 प्यारे मनमोहन न पाऊँ कहौ मन समझाऊँरी कहा  
 लैं धीर धरिमें । छाये मेघ मगन सुहाये नभ मराडल  
 में आये मनभावन न सावन को भरि मैं ४९ सद मई  
 कोयल मगन ह्वै करत ककै जल मई मही पग परते  
 न मगमें । बिजु नचै घनमें बिरह हिय बीच नचै  
 मीचु नचै ब्रजमें मयूर नचै नग में । श्रीपति सुकवि



कहै सावन सुहावनमें आवन पथिक लागे आनंद भो  
 अंगमें । देह छाये मदन अछेह तम क्षिति छाये मेह  
 छाये गगन सनेह छाये जग में ५० भली कियों ह्यां  
 की पीर बाढीहै उहां की भरै नैन भरना की सुधि  
 आय उर बाकी है । चपला चलाकी करै नटकी कला  
 की तैसी दौर बादराकी औधुकार धुरवाकी है । हैन  
 कछु वाकी औध आसरा निशा की तामें आइ परै  
 डांकी ये भुंकोर पुरवाकी है । हेर पपिहा की करै  
 शोल समताकी डरै करै उर भांकीसे पुकार पुरवाकी  
 है ५१ कंठ कित हात गात बिपिन समाज देखे हरी  
 हरी भूमि हेरि हियो लरजतु है । निपट चवाई माई  
 बन्धु जे बसत गावँ दावँ परे जानिके न कोऊ बरजतु है ।  
 सते पै करन धुनि परत मयूरनकी चातक पुकारि तेह  
 ताप सरजतु है । अरजो न मानी तू न गरजो चलत बेर  
 सरे घन बैरी अब काहे गरजतु है ५२ घौन हहराय  
 बनबेली घहराय चारु लहराय सौरभ कदम्बन की  
 सानते । भिल्ली भननाय पिकचातक विचारउठै बिजु  
 छहराय छाया कठिन कृपानते । कहै करनेश चमकत  
 जुगुन नचाय मेरे मन आई ऐसी उक्ति अनुमानते ।  
 बिरही दुखारे तिनपर दर्इसारे मानो मेघ बरसतहैं अ-  
 गारे आसमानते ५३ ॥ सबैया ॥ कर कागद लैके बि-  
 योगिनि नारि लिखै इसि प्रीतम को पतियां । यहि  
 पावसमें परदेशछये बलिहारी तुम्हारी शिलाछतियां ।  
 सखियां प्रियसङ्ग हिंडोरे चढीं कहैं गीतमें गाभीभरी



वर्तियां । अतिकारी डरावनी सांपिनि सी मोहिं शा-  
लति सावन की रतियां ५४ सखियां कोउ भुंक्ते भू-  
लनके डरि लागहिं प्रीतम की छतियां । कोउ डोरधरे  
कर एक त्यों एकते पीकी बचावतिहैं घतियां । कोउ  
गाइ मलार रिभाइरहीं अस कोउकरैं रसकी वर्तियां ।  
कवपीर निवारिहौ मोहियकी पियजातीहैं सावनकी  
रतियां ५५ ॥ कवित ॥ धीरगयो हीको सुनि शेर बरहीको  
वीर नाम लैंके पीको या पपीहा आनि पीको है ।  
मेघ अवली को घोर पौन अवलीको बहै मार अवली  
को हायमार अवलीको है । नाहसे पथीको कहूँ आइबो  
नठीको कहै देखि अवनीको रंग लागत न नीको है ।  
डारै अधजीको मोहिं कीने अधजीको यह जानत न  
जीको मेद हरत न जीको है ५६ पीउ पीउ करन मिलैं  
जो मोहिं आज पीउ सेने चौंच चातक मढाऊँ अति  
आदरन । कठिन कलापिन के कंठ न कटाइडारों देत  
दुख दादुर चिराय डारों दादरन । मोतीराम भिल्ली  
गन मन्दिर मुँदाइ डारों बधिक बलाइ बांधैं बन की  
विरादरन । विरहा की उवाहन सों जिरह जराइडारों  
आसन उडाऊँ बैरी बेदरद बादरन ५७ लगी सो लगाइ  
लङ्कखेहनि खराबकरों मारि करों मारन अहार मार  
जारेको । सुकवि निधान कान आंगुरिन मंदि मंदि  
सुनिहैं न घोर शेर भिल्ली भनकारे को । भेकनकी  
भीर सहसानन मिताय डारों मेदिडारों गरब गरुड  
घनकारेको । पाऊँ जो पकरि कहूँ जाल सों जकरि



तन फीहा फीहा करों या पपीहा दर्द मारेको ५८ कै  
 धों वा विदेश घन घुमडि नछावैं चहूँ कैधों वा विदेश  
 कहूँ दामिनी न दरसै । कैधों वा विदेश मार शोर ना  
 मचावैं जोर कैधों वा विदेश बेग बोलिके न हरसै ।  
 कैधों वा विदेशमें न भींगुर भनक भुण्ड कैधों वा  
 विदेशन जुगुन ज्योति सरसै । कैधों वा विदेशराम च-  
 रितरसिक कोऊ कैधों वा विदेश घटाघेरिकेन बरसै ५९ ॥  
 सवैया ॥ निज नैननको बरसा बरसा तरसातन आंशुन  
 धावती हैं । कहूँ रामचरित्रन रोवती हैं दिलकी दिलही  
 बिच गोवती हैं । हमतो नित पावसकी निशिमैं सखि  
 सुनी सेज टकटोवती हैं । धनिवै धनि पावसकी रतियां  
 पतिकी छतियां लागि सोवती हैं ६० धनिवै जिन प्रेम  
 सने प्रियके उरमें रस बीजन बोवती हैं । धनिवै जिन  
 पावसमें पिसिके मेहदी करकज्ज मलोवती हैं । धनिवै  
 जिन मूरति साजिसजै हम लाज के बोझ को ढोवती  
 हैं । धनिवै धनि सावन की रतियां पतिकी छतियां  
 लागि सोवती हैं ६१ धनिवै जिन पावसकी ऋतुमें नित  
 प्रीतिमें प्रीति सँजोवती हैं । धनिवै जिन कारी घटा में  
 अराबिच बिजु छटा छबि छावती हैं । धनिवै जिन  
 रामचरित्र हिये हिलि होसन हरित होवती हैं । धनि  
 वै धनि पावस की रतियां पतिकी छतियां लागि सो-  
 वती हैं ६२ ॥ कवित ॥ पौन भकभोर घनघोर घनेघटा  
 छटा अरा बिच विरह के तापतन तापिनी । कहूँ क-  
 लना परै कामिनी काकरै दरैदुख दापते दामिनी दा-



पिनी । दादुरौ भींगुरौ मोर सब शोरते रामचरित  
 बधे बोलि पिक पापिनी । भूत भूषणभयो चुरी चुर-  
 इल भई राति रकसिनि भई सेज भइ साँपिनी ६३ ॥  
 सवैया ॥ अब सावन में इतनी गरमी भरमी मतिभोग न  
 भावतहै । ऋतुमें अनरीति भई सजनी रजनी दिन जो  
 उबि आवतहै । कवि रामचरित्र कहै किमि कै सुख  
 सोइये तापन तावतहै । बरसातमें बारि भरे बदरा ब-  
 रसावत ना तरसावत है ६४ ॥ कवित ॥ लागे भरि जोर  
 मोर कुहुँ कन कुंजनमें पपिहा प्रिया को नाम लैलै कै  
 प्रकारैरी । कहैं नृप रामपरताप कारी कैलियाहू कूक  
 देती हूके अरु भिल्ली भनकारैरी । दादुर रटनि सुनि  
 हियरा फटन लाग्यो जुगुन चमकि सुधि सकल वि-  
 सारैरी । हाय प्राणप्यारे बिनु घेरि घन आये चहुं  
 बिरह बिधामें मार मार मारडारैरी ६५ उमड़ि घुमड़ि  
 घन बरघन लागे चहुं दशहुं दिशा में लागी दमकन  
 दामिनी । पीनको भकोर अङ्ग अङ्गको मरोरदेत सा-  
 वनकी कारी अति भारी लगै यामिनी । रामपरताप  
 ऐसी समै जाको प्यारो ढिग वाको अति आनंद वो  
 धन्य धन्य भामिनी । मेरे प्राणप्यारे तो बिदेश में  
 बसतहायपरी सुनीसेज तलफति ह्यांमें कामिनी ६६ ॥  
 सवैया ॥ प्यारे औ प्यारी अटा पर बैठिके देखत दोऊ  
 घटाकी छटारी । बारहिं बारगराजतबादर दामिनियां  
 करती ज्यों पटारी । बोलै प्रिया हँसि पीतम सों यह  
 कारी घटा उनईहै अटारी । रामप्रताप संयोगी सुखी



पै बियोगिनि को भई बंद कटारी ६७ घेरी घटाघह-  
 राय रही दरकावतु है बिन प्रीतम छाती । कामिनियां  
 हियरा तरसावत दामिनियां चहुंते दरशाती । रामप्र-  
 ताप भुकोरत पौन भई दुखदाइनि सावन राती । तापै  
 बियोग बढावत है वह पीकहाँ बोलि पपीहरा घाती ६८  
 की वहिदेश बसे जहँ प्रीतम घेरि घटान कबों घहरै हैं ।  
 की वहि देशन दामिनि दीपति बूदन मेह नहीं छहरै  
 हैं । की वहि देशन रामप्रतापजू पौन भुकोर चहूँ ल-  
 हरै हैं । की वहि देशमें पापी पपीहा पिया न कहै  
 जो पिया बहरै हैं ६९ ॥ कवित्त ॥ पीउ पीउ रहत पपीहा  
 ऋतु पावसमें दादुर पुकार सो न बांचीकुल चादरन ।  
 कोकिल की बोलन मयूर मेरु नृत्यनसों भीली भन-  
 कार सुनि भये जिव कादरन । हेतो यह काल आली  
 आल जो दिवाकर जू हाव भाव करतो कलोल अति  
 सादरन । जाइ वह देशको बसत है हमार साईं रोज २  
 बिरह बढावै बैरी बादरन ७० आयो ऋतु पावस सुरेर  
 मेरु बोले मोर धुरवा धुंधार बुन्द बारिके भरै लगी ।  
 भनत दिवाकर सुरेश चाप उगे व्योम दादुर दराजसी  
 अवाज करै लगी । भाइ भाइ बात घहरात घनघोर  
 शोर चातक किशोर चहुं ओर बगरै लगी । भिल्ली  
 भनकार बकपांती हहकार सुनि नेकुना सोहात आली  
 अङ्ग घहरै लगी ७१ पवन वजीर बीर दादुर सिपाही  
 सब पावस मोसाहब पयोद राखे तम्बू तानि । भनत  
 दिवाकर हिरद शोर घोर घन चपला निशान साज



धनु इन्द्र किरपानि । बरही सवार बकपांति हहकार  
 पिक चारणा पुकार बोले बीररस जूह बानि । बूझि  
 कै बिहाल बाल आयो रतिनाथ सैन कादर कियोहै  
 ब्रजनाथ बिन सुने जानि ७२ भूमकि भूमकि भूलि  
 रागकी सिखाति रीति छहरि छहरि बुन्द गिरत अ-  
 कासते । भनत दिवाकर करत मोर शोर बन बिहरे  
 बहूटी बीर मेदिनी हुलासते । चातक चवाई चाई सु-  
 रति बढावै चाव चूर्तारि सुरङ्ग रङ्ग बासी है सुवासते ।  
 सावन सिरायो मनभावन न आयो आली कादर क-  
 रत कारे बादर प्रवासते ७३ पालेंगे शचान पिक  
 कोकिल हिवानहेतु बेनीको लुराइ गाडदादुर लुकावै-  
 गे । भनत दिवाकर सुरज शीश फूल ज्योति आहर  
 सुखाय जिवभूमि प्रकुलावेंगे । विरह द्वारि ज्वाल  
 पेड पातजारि डारें बार बगराइके अधार लजवावै-  
 गे । रुंधन उसाल लुक पावन प्रकाश करि प्रावित  
 प्रबल तो को ग्रीष्म बनावेंगे ७४ कैधौ वह देशशेष  
 दादुर चवाई डारो कैधौं शैल शिखर शिखीन बैठि  
 बोलैना । भनत दिवाकर की इन्द्रके न देश वह धारा  
 में न धार जल गान वह टोलैना । भिल्लीगगा मूकभई  
 शब्द सुनावै नाहिं बिपिन बिहङ्ग सङ्ग करत केलोलै  
 ना । ऐसे समय दुन्द मोहिं बुन्दन उठाय हाय पावस  
 निरानो श्याम आवत अबोलैना ७५ सरिता कलोल  
 करे बनिता हिंडोल धरे चपला चमक चहुं ओर नभ  
 दोडौना । लता लपटत तरु संगन चलत मरु मुरवा



रहत हसु नेकु सङ्ग तोड़ौना । भनत दिवाकर समुद्र  
 ग्राह मडो कच्छ अच्छत प्रतच्छ प्रीति राखत है थो-  
 डौना । सावन भयावन अँधेरीरैनि भादों कान्ह रहेगी  
 अकेली भौन राधे सङ्ग छोड़ौना ७६ भादों की अँधेरी  
 धुरवाकी लटकेरी पाकशासन करेरी सरासरा छोड़े  
 बानरी । बोलत भयान भोगी बासना तजत योगीपति  
 से विहीन ना सोहात खान पान री । भनत दिवाकर  
 करार दरियाव छोड़ी नावके नवाह बादशाह छोड़े  
 शानरी । पावस प्रबल मेरे पिय को छोड़ाय दीन्हें  
 दोषन बिदेशी करै कैसेके पयानरी ७७ बूढ़के बहत  
 काम पावस सुखदधाम मेघअभिराम श्यामवक्र व्योम  
 उसके । भनत दिवाकर बिहंगचोचा खोतालाइ करत  
 बहार सुलहार लेत खुसके । देखि हरिआई भूमिगा-  
 इन हुलास होत रागकी प्रकासबोविकास कास कुस  
 के । कुच सहरात घररात घन सनसन धनधन आली  
 यह कौन चाली रुसके ७८ ॥ सवैया ॥ जाइके द्वारका  
 बैठिरहे जु लहे अबला ब्रजकी दुखभारी । आवत मेघ  
 नयेउनये जुगुनदरसे सरसे निशिकारी । कोकिलकूक  
 करे हियहूक उलूक सो बोलत पीक पुकारी । आंशु  
 भरै अँखियासेतिया छतिया करके बके हाय बिहा-  
 री ७९ ॥ कवित्त ॥ प्रयास सम बादर तडित पीत चादर  
 से आदर से बातलगे सीठी घनघोरसे । छाती बनमाल  
 से लसेहैं धनु देवराज मोतिन की पाँति बक्र बंशी टेर  
 गोर से । भनत दिवाकर सु आनन निशाकरसे हीरन



से जुगुन धमारन के शोरसे । एरे पापी पावसऋमावस  
की राति अस कस अनुहारि पियतारे मन चोरसे ८०  
सवैया ॥ घहरारी घने घनघोर घटा करिशोर उठे  
बहुमेर अटा । घनश्यामै मिले तियताही समै चलीदा-  
मिनीसी फहरै दुपटा । वाकेनैन घनेघने घालै कटाक्ष  
भनै भुवनेश सुकौन छटा । जनुबिच फते करिवेकेहिते  
फरकावै मनोभव भूप पटा ८१ ॥ कबित ॥ घहरिघहरि  
घनघोर चहुंओर छाये छहरि छहरि छवि शोभा  
सरसारैरी । पवन भुकोर जोर दादुर मयूर शेर चौप  
भरे चारोंओर भिल्ली भनकारैरी । येरीमेरी बीरवनै  
धारत न धीर अवपातकी पीपीहा पीव पीवके पुका-  
रैरी । यन्त्र कोनधारै असमन्त्रको उचारै जाते तजिके  
प्रवास मनमोहन पधारैरी ८२ ॥ सवैया ॥ वन बागन के  
प्रतिकुञ्जमें घनी लोनीलवंग लता लहरै । बसिकेनभ  
मण्डलमें भुवनेश भले क्षण जोन्हहियो यहै । बरखें  
घन आंशुन व्याज न नीर तऊपै अधीर भये घहरै । प-  
पिहाऊ पिया रटलायो करै मन मानुषको नहिं क्यों  
हहरै ८३ चमकीसी फिरै चपला चहुंघायुति दन्तन  
को जवहीं सरसै । सुनिके भुवनेश जुबैनसुधासम को-  
किलबोलनिको तरसै । यहमेरेही अंगनके परसादते  
पावस की सुखमा दरसै । लखिके अलकें घन आंशुन  
व्याज बड़ेबड़े बंदन सों बरसै ८४ ॥ कबित ॥ गरजै चहुंघा  
घनघोर मार शोरकरै लरजै लतान वृन्द शोभासर-  
साईहै । दामिनी दमाकै जुरि जुगुन चमाकै कहं कौ-



लिया दमाकै भरीकूकै सुखदाईहै । मन अनुरागै प्रीति  
 रीति उरजागै लखि इन्दु भटूरागै बनबागै छहराईहै ।  
 अरज बिहारीपै हमारी भुवनेशयेती मिलनके योगवेष  
 पावस ऋतुआई है ८५ पवन झकोरै झक झोरै झोरै  
 बुन्द बोरै घने घनघोरै बोरै दोरै चहुं ओरैरी । बिजु  
 छटाकोरै बिनघोरै जी रसालकोरै आवत असाहभारी  
 ठोरै ठोरै खोरैरी । जोरै प्रेम मोरै चित धीरज बिघोरै  
 नाहिं मानत निहारै कान दादुरये फोरैरी । तेरै लाज  
 छोरै कुलकानि बरजोरै बीर मारनकी शोरै मोरै मन-  
 हिं मरोरैरी ८६ ॥ सवैया ॥ घमिघने घुमरै घनघोरचहुं  
 चढि नाचतमोर अटारी । त्यों द्विजदेव नई उनई दर-  
 प्राति कदम्बनिकी छविन्यारी । चूनरिसी क्षितिमाने  
 बिछीइमि सोहति इन्द्र बधूकी पत्यारी । काहि न भाव  
 ति ऐसी समय ठकुराइनिया हरियारी तिहारी ८७  
 कवित ॥ चूनरी सुरंगसजि सोही अंग अंगनि उमंगनि  
 अनंग अंगनाली उमहतिहै । सैंध बैठि भांकती भरो-  
 खनिते कारीघटा चौहरे अटापै बिजुछटासी जगति  
 है । द्विजदेव सुनि सुनि शब्द पपीहराके पुनि पुनि  
 आनँद प्रिययमें प्रगतिहै । चावन चुभीसी मन भावन  
 के अंकतिन्है सावनकी बंदै ये सुहावनी लगतिहै ८८  
 सावनके दिवस सुहावने सलोनेश्याम जीतिरति समर  
 बिराजै श्यामा श्यामसंग । द्विजदेवकीसों तनु उबटि  
 चहुंघा रहा चुंबनकी चहल चुचात चूनरीकी रंग ।  
 पीतपट ताने हरयाने लखै लपटाने उमहि उमहि घन



श्याम दामिनीको ढंग । रतिरत भोजे पैन मैनमदछोजे  
 अरु रसबस हातऊन तनक पसीजे अंगठई कारो नभ  
 कारी निशि कारिये डरारी घटा भूकन बहत पौन  
 आनंद को कन्दरी । द्विजदेव सांवरी सलोनी सजी  
 श्यामजूपै कीने अभिसार लखि पावस अनन्दरी ।  
 नागरी गुणागरी सुकैसे डरैरैनि उरजाके संग सोहैं ये  
 सहायक अमन्दरी । बाहन मनोरथ उमाहैं संगवारी  
 सखी मैनमद सुभट मशाल मुखचन्दरी ६० घहरिघ-  
 हरि घन सघन चहंघा घेरि छहरि छहरि बिय बृन्द  
 बरसावैना । द्विजदेवकीसों अब चूक सतिदावि अरे  
 पातकी पपोहात प्रियाकी धुनि गावैना । फेरि ऐसा  
 औसर न ऐहै तेरेहाथ येरे मरुकि मरुकि मोर शोर तू  
 मचावैना । हैंतोबिन प्राणादेह चाहत जोई अब कतहि  
 मरिसि तू अकाश बीचधावैना ६१ घमिकै चहंघा  
 धायआवै जलधरधार तडित पताके बांके नभमें पसरि  
 गे । द्विजदेव कालिन्दी समीपनकेनीपनके पातपातयो-  
 गिनीजमातनते भरिगे । चातक चक्रोर मोर दादुर सुभट  
 जोर निजनिज दांव ठांव ठांवत सँभरिगे । बिनयदुराय  
 अबकीजै कहा मायहाय पावस महीप के चहंघा घेरे  
 परिगे ६२ उमडि घुमडि घनछांडत अखण्डधार अति-  
 हीप्रचण्डपौनभूकन बहतुहै । द्विजदेवसंयासी कोला-  
 हल चहंघा नभ शैलते जलाहलको योग उमहतु है ।  
 बुधिवलयाको सोई प्रबल निशाको मेघदेखि ब्रजसुना  
 बैर आपनो गहतुहै । येहा गिरिधारी राखो शरणा ति-



हारी अब फेरि यहिबारी ब्रज बडन चहतु है ६३ जबते  
 हमारे प्राणा प्यारे हैं पधारे उत धीरनहिं धारेजात पीर  
 हियमें जगैं । शीतल समीरभयो तीर कालिन्दी के नीर  
 बीर बल बीर बिनु नीर दृगते डगैं । केशरी समान जब  
 विरह परै है भान योग ज्ञानये गयन्द यूथ तबहीं भगैं ।  
 बोली को किलानकी करै हैं शूल हलहमें ऊधोये कद-  
 स्वनके फूल गोलीसे लगैं ६४ दूबरी भई है देह कूबरी  
 सनेह सुने ऊबरी नशाक सिन्धुपाय ज्ञान बोहितै । रहीं  
 अकुलाय हाय करैं शिर को नवाय कहैं यदुराय रहे  
 केते दिनको बितैं । गाढये असाढ देखि बढति वियोग  
 व्यथा दामिनी दसक मोर शोर हैं जितैं तितैं । आये  
 घनप्रयास काहू बामने सुनाई टेरि चौंकि चौंकि उठी  
 चन्दमुखी चहुंघा चितैं ६५ सावन सोहावन ह्यां लागत  
 भयावन सों आवन अवधि अब शोचैं राजगामिनी ।  
 रोहैं कबहुं धौं बलबीरह्यां कि नाहिं ऊधो कैसे धीर  
 धरैं ये अधीर ब्रज कामिनी । जहां तहां योगन की  
 ज्योति जगैं उवात जैसी यमकी जमाति सी जनाति  
 जाति यामिनी । जारै है पपीहरा पुकारै पीउपीउटेरि  
 घेरिमारै बादर दरेरिमारै दामिनी ६६ लीने लेत ज्ञान  
 कोऊ छीने लेत आनि बानि लूटेलेत कोऊ हठिलाज  
 के समाजको । द्विजदेवकी सों या अंधारी अन्धाधंधि  
 में किलेत कोऊ कान्हमुख सम्पतिके साजको । यैरी  
 मेरी तोहिं जऊ मानि मानदोष तऊ समय विचारि  
 कीजै ऐसे ऐसे काजको । तोहिं इतमानके अनादरन



घेरो उत बादरन घेरो जाय जाय ब्रजराजको ६७ बर-  
सत मेहनेह सरसत अंगअंग भरसतदेह जैसे जरतजवा-  
सेा है । कहै पदमाकर कलिन्दी कुन्द बनपर मधुपन  
कीन्हे आय सहत मवासो है । ऊधो यह ऊधम जि-  
ताय दीजो मोहनको ब्रजसों सुवासो भयो अगिन अ-  
वासो है । पातकी पपीहा जलपानको न प्यासो कहा  
व्यथित बियोगिनिके प्राणानको प्यासो है ६८ सोहत  
सुभग बैल बाहन विमल वायु विशद बकालीशेषहार  
लपटायो है । सादर सौ लाय बर बादर विभूति अंग  
दादुर उमंग धुनि डमरू बजायो है । कारीघटा गजकाल  
धारा जटा है विशाल दामिनी छटा विशाल सुन्दर सु-  
हायो है । काटि है कलेशमोद देहरी भटू विशेष धरि के  
महेशवेश सावन लखायो है ६९ कोकिनके नाचगान  
कुहूंकूक कोकिलकी रटनि पपीहराकी नामधुनि  
ठानी है । बंदनके पात अलि लोचन अवत जात जात  
हराजात पुलकावलि निशानी है । माल हैं विशालबक  
पांतिनकी दीनद्याल बारिबाह नये वृन्दबन्दनावखा-  
नी है । भलाभलभल चपलाकी द्युतिध्यानभई पावस  
न होय भक्तिकला प्रकटानी है ३०० घनकी घनक घन  
घटा घनकत आली दामिनि दमकदेत दीपक प्रकास  
है । बंदन के फूल जाल धनुलै विशाल माल आये  
भुर्कि मेघसे प्रणामको हुलास है । मौरनके शोरचहुं-  
ओर बिनय दीनद्याल पवन भकोर चोर करै आस  
पास है । पूजन करत प्रीतिरीति प्रकटाय यह पावस



न होय परमेश्वर को दास है १ प्रयास छवि धरे फिर  
 धरवा धरणा छवैरी इन्द्र धनु पीतपट चटक दिखायो  
 है । दामिनि दमक द्युतिदेत देत वार सोई कुण्डल अ-  
 मोल लोल गति चमकायो है । विशद बलाकनकी  
 प्रांति बनमाल अलि मन्द मन्द मेघ बांसुरीलो स्वर  
 गायो है । आवनअवधि रही प्यारे मनभावनकी सावन  
 सुहावन सों साजसजि आयो है २ पावसमें जागि अनु-  
 रागिरी सरोज नैनरैन दिनदेत उपदेशको मनोजमुनि।  
 नन्दके किशोर बिन कैसेर है जीव छिन पीउ पीउहा-  
 ति पिपिहाकी चहुं ओर धुनि । अंग यहरानलगे लता  
 लहरान लखि सखिनहिं धीर पीतपट फहरानगुनि ।  
 घटाघहरान छिनछटा छहरानलगी हियो हहरानलगी  
 भरि भरान सुनि ३ आलीप्राणा गाहक बकाली ये  
 बलाहक में दाहकसी जगैपीर इन्द्रगोप गनते । धीरधरै  
 वीर किमि पखि सुनासीर चाप उठत समीरलैकलाप  
 तपतनते । ठौरठौर मारनकी कोर चहुं ओरचितै हिये  
 बरजोर हवै मरार छिन छनते । दामिनी दमक देखि  
 उठी बरि कुञ्जवाम लखि घनप्रयासभरि लगीरीदृगन  
 ते ४ पावसन प्यारी चढो सैनसाजि सैनभारी कोकि-  
 लानकी बनौलधौल धुजा बकमाल । बंदीजन मार गन  
 बंदजोर बानघन दादुर निशान देत दीहदीहनदीताल ।  
 प्यारे के निरादर ते कादर करनिहारे कारे कारे धूम  
 धारे बादर हिरद जाल । दामिनि दमक पर बालकी  
 चमक शाल करति बिहालहमें बाल बिना नन्दलाल ५



भूमत भुक्त भूमि भूमिधूमि धूमि चले भूमिओं भि-  
रत मनो बलके उमङ्गये । बारबार गरज सुनावैं वरजे  
न जाहिँ नहीहैं उदारधार मदके तरङ्गये । दन्त बक-  
पांतिते डरावैं बिन कन्तभारे अंकुश समोरहू न मानैं  
कारे रङ्गये । करिये सहाय आय या छिनमें श्यामघन  
होहिँ न सघन घन मदन मतङ्गये ६ सांभहू सकारे  
भनकारे हात नदी नारे पावस के सांभ भांभ भि-  
ल्लिन तजत ये । दामिनि मशाल को दिखावैं ताल  
दादुर दै मोर चहुंओर नाच नाटको सजतये । धुरवा  
मृदङ्गनकी धीरधुधुकार ठान रातेनैन सातकलगानको  
भजतये । शोकको जनम ब्रजशोकमें भयोहै ऊधो सां-  
वरे विरहते बधावरे बजतये ७ सावन सुहावन वि-  
शेषि नभ धनु लेखि यादहोति भटपट पीत अभिराम  
की । तकिमृगापांती बिलपाती अकुलाती मतिआवति  
सुरति वह मौलसिरी दाम की । मोर चहुंओर देखि  
मुकुट सुरतिहोति चपलाचमक देखि कुण्डल ललाम  
की । ऊधो ब्रजवाम कैसेधीरधरें सुनेधाम लेखि घन-  
श्याम सुधिआवैं घनश्यामकी ८ सांचीकहै रावरेसों  
भांवरे लगतमाल आवैं जेहिकाल सुधि सांवरे सुजान  
की । फूलभार भरी डार जैसे यमजार ऊधो कालिंदी  
कछार सजै धार ज्यों कृपानकी । चपला चमक लगे  
लूकहै अचूकहिये कोकिल कुहक बरजोर कोरवान  
की । कूक मोरवानकी करेजा टूकटूक करैं लागातिहै  
हूक सुनि धुनिधुरवानकी ९ पावसमें नीरदै नछाड़ै छिन



दामिनिहं कामिनी रसिक मनमोहन को क्यों तजै ।  
 अचला पुरानी पुलकावलीको आनी उर धायरजवती  
 सरि सिन्धु सङ्गको तजै । नीरको नपुंसक कहतकवि  
 धीर सबै होयके अधीर तेऊ नारी नारी को भजै ।  
 कुसुमित लतालखो लपटी तमालनसें लालनसें कहौ  
 ऊधो क्यों न अजहं लजै १० कल न परै हिये कन्हैया  
 की सुगैयालखे चलनसमैया में ललनकह्यो आवनो ।  
 औधि आसआस रही प्यास अधरामृतको आये यह  
 सावनो न आये मनभावनो । पीरे वा दुकूल की  
 सुरति आये शूलउठै कूल कार्लिन्दीको हललागत  
 डरावनो । पावस रसमंदखि दहत असम बाणा ऊधो  
 क्यों खसम कह्यो भसम चढावनो ११ गये कहि आ-  
 वन न आये यहि सावन में ऊधो मनभावन भुलाय  
 रहेहैं तहीं । हैरहीं बिहाल बाल ब्रजकी गोपाल  
 बिनारैनि दिनानैनते अपारधार हैवही । बैठि जनपुंज  
 ठाम यमुना निकुंजधाम छांडि प्रयामपाहि ह्यां सुहात  
 नाहिं है कहीं । गरजैहैं घनघोर लरजैहैं बनमोर नन्द  
 के किशोर सुनी अरजै अजों नहीं १२ सेहैं कबहूँ धौं  
 हरि कहा तुम सूधो ऊधो ब्रजकी बधूटी जूटी बूझति  
 हैं बेरिबेरि । देहको परस मृदु सरससनेह वह होयगो  
 दरस घनप्रयाम को कि नाहिंफेरि । आये यहसावन  
 न आये मनभावनकों लगोहै डरावन मनोज जनफौज  
 घेरि । दूमें द्रुमडार छोर भूमैं पिक बरजोर घूमैं घन  
 घोर मार जूमैं चहुंओर टेरि १३ जादिनते प्राणा रख-



धारेने पधारे ऊधो तबते हमारे उर भारे खेद दैसबै ।  
 कोकिल कुहक हूक लगै बिजुक्कला लूक टूक टूक  
 करै हियो मेघ गरजै जबै ॥ घेरे दुख नैनमति धीरज  
 सकै न धरिआवत न चैन दिन रैन मन में अबै । पैहैं  
 सुख नैन समलखे सुखमाके सेन आये सुख दैन यह  
 बैन सुनिहैं कबै १४ होयरही हरी हरी ब्रजकी सकल  
 भूमि फूलनके भारभूमि रहीं दुमडारी हैं । लहरैं क-  
 लिनन्दनन्दनीकी नौकी लसे नभ उमडि घुमडि रहीं  
 घटा घुरवारी हैं । प्यारी मनमोहन जू भलत हिंडोरे  
 जहां सुरभि समीर धीर चले सुखकारी हैं ॥ प्रेम बश  
 भोजत फिरत फेरि बरयामें वनमें बिहारकरै राधिका  
 बिहारीहैं १५ योवन प्रवेश में विदेश सदसदनजी नि-  
 पट अंध्यारी कारी सावनकी यामिनी । यंकटक रटत  
 पपीहा पिक नीलकंठ हियो चमकत दमकत उयाँ  
 दामिनी । सुनो सेज मन्दिरमें सुंदरी बिसुरै बैठि प्रीतम  
 सुजान बिन कैसे जिये भामिनी । नैनभरि ठरे मुखहरे  
 हरेकरै हाय उछरि उछरि परै कामभरी कामिनी १६ ॥  
 सबैया ॥ घनघोर घटा चहुं ओर चली चिनगी जुगुन  
 चमकावनेो है । मुरवानके कूक अचूकहिये सहिहूक  
 महा पछितावनेो है ॥ मन माहिं सदा मुददस्पतिके बि-  
 रही जन ताप तपावनेो है । अलि सावनमें मनभावनेते  
 रहि दूरि महा पछितावनेो है १७ चाह चढी चितमें  
 हितकी उत कौनहुके रसमें अनुरागे । लेत नहीं सुधि  
 देत महादुख ये धुरवा मिलि आय अभागे ॥ कौलों



रहैं धरि धीर कृपानिधि बाल उराहनके कटलागे ।  
 बेलीलगी गरवृक्षन के प्रिय दसन हवै परदेश में पासे  
 १८॥ कवित्त ॥ आये ऋतुपावस प्रताप घनघोर भारी सघन  
 हरीरी बनमराडन बढायेरी । कोकिल कपोत शुक  
 चातक चकोर मार ठौर ठौर कुंजनमें पक्षी सब काये  
 री। यमुना के कूल औ कदम्बनकी डारनपै चारों ओर  
 घोर शोर मारन सचायेरी । येरी मेरी बीर अब कैसेकै  
 मैं धीर धरौ आये घनश्याम घनश्याम नहिं आयेरी १९  
 प्रवेत प्रवेत बकके निशान फहरान लागे ईचि ईचि  
 चपला कृपान चमकायेरी । घर भुशुआडीकी आवाज  
 सी करनलागे बुन्दनके भरनन भीने भरिलायेरी ।  
 भनत प्रताप रतिनायक नरेशजने धीरगढ़ तोरिवे को  
 पावस पठायेरी । येरी मेरी बीर अब कैसेकै मैं धीर  
 धरौ आये घनश्याम घनश्याम नहिं आयेरी २०॥ सवेया ॥  
 आसव में चपला चय चूधित चौकि अचौकि भुजान  
 भरैगे । साहसकै रसकै मुसकै सिसकै बग होतल ताप  
 हरैगे । पीपरदेश करै हियपीर अधीर भये हम हाय  
 जरैगे । पावसमें प्रियप्यारी प्रमोदित कोऊ बिलासी  
 बिलासकरैगे २१ सोइगई पछिरातमें आजु तहीं सन-  
 मोहन आइ गयेरी । तौलैं घनेरी घटा लखिके इन  
 मारन शोर सचाइदयेरी । ऐसो बियोग दयो बिधना  
 सखि सापनेहू न सँयोग भयेरी । कासों कहा कहिये  
 नंदराम भयोउर सौगुनो शोच नयेरी २२॥ कवित्त ॥ श्याम  
 घनघटाकाय आय आय अटापर दामिनि कटा दिखाय



कटासी करावै लाग । शोरकै चकोर मोर मोर मन  
मोरैलगे दादुर गोहार करि मार गोहरावै लाग ।  
कोयल कुहक कूक टूक टूक कीन्ह्यो हिय जुगनू  
दियासी बारि अंग अंगतावै लाग । बन्दिबिन भावन  
पपीहा यहि सावनमें पियापिया टेरिटेरि जिया को  
जरावै लाग २३ ॥

शरद ऋतुके कवित्त व सवैया ॥

कवित्त ॥ अम्बर असल होत चन्दकी बहत उयेत  
खंजनकी गोतमानो परी आइनाकते । भनतदिवाकर  
तरंग गंग स्वच्छभयो उगयोहै अगस्त जल सुखे जनु  
साकते । जहँतहँ पथिक चलन लागे चारोंओर शरद  
नरेश कियो तिय प्रिय छाकते । दिनतो बितत संग  
सखिन हिततसत रातिनाकरत विनुश्यामचन्दराकते १  
दीपदान देवन दिवारीको चढाते सब जुआ खेलि द-  
म्पति हियेमें हरयाती है । वेश्या गरा रसिक रिझावै  
कौ शिंंगार देहमुख मुसुकाति हरेराग बरयाती है ।  
भनत दिवाकर अटापै घाट बाट गोह रोशनी तमाम  
चहुंकोन दर्शाती है । प्यारी ब्रजराज बिनपापीद्विज-  
राज सखी रातिये दिवारीकी अराति समयाती है २  
मन्द मुसुकानि चन्द ज्योतिसे उदाति होति कुंदमेंदि-  
खावै द्युति दशन रसालकी । खंजन लखावै कान्ह नैन  
मन रंजनसे पानिलौं मुहावै कलाकंजन विशालकी ।  
भोरनकी गुंज पुंज मंजुल मंजारनसी हंसनि चलावै  
गतिश्यामके सुचालकी । आयोरी शरद काल दरद



बहावनको जरद करैहै हमें शोभाधरि लालकी ३  
 तारागगा भयगा सघन अंग अंगन में बसन मयूषनसें  
 रही लोनी लसिके । दन्तकुमुदावली चमक चारुचोरै  
 चित्त जोरै मुख चन्दको सुमन्द मन्द हँसिके । मालती  
 सुगन्ध सनी शालती हियेमें शाल रहे नंदलाल कहं  
 याके ख्याल फँसिके । शरद विभावरी न होय सुनि  
 वावरी त दावरी लियोहै यह सौति श्याम बसिके ४  
 चित्तन की छावनी विराजें दिनप्यादे पुनि नावक  
 निशाह भोर घानेदार पालाहै । ओसहै सुबेहदार जल  
 है इन्स्पेक्टर कपतान शीत बातको कसालाहै । जन-  
 रल आदि सब बादर औ बंदी ठाने शीतताके अस्त्र  
 घोर अश्वह सुचाला है । धनकेरे पंचदश मकरपचीस  
 अंश तेईचीफ शालग्राम शीत को रसाला है ५ गुण  
 के निधान दोऊ रूपके निधान दोऊ परम सुजान  
 दोऊ मिलि बतरावहीं । प्रीतिरीति देखे दोऊ रहें  
 अनमेखे दोऊ मुदित अलेखे दोऊ रस बरसावहीं ।  
 राधा मनमोहन अनंग की तरंगनि सों शिशिर की  
 रजनीमें सुख सरसावहीं । अगनि परसरै पुलकितगात  
 धरै प्रेममें विवशपर दोऊ लपटावहीं ६ ॥ सवेया ॥ बा-  
 रुनी ओरकी बायुबहै यह शीतकी ईतिहै बीसविशा  
 में । रातिबड़ी युगसी न सिरातिरह्यो हिमपरिदिशा  
 विदिशामें । गोकुल डारिहै मैन सरोरि कहौव कहा  
 कहे मान किशामें । कौनकी छांह छिपौगी तिया  
 छतिया तजि नाहकी साहनिशा में ७ ॥ कवित ॥ दुसह



दुशाला हात जनबिन बालाहात शोचअति आलाहात  
 मैन मन जागेते । द्विज बलदेव तूल मूलकै नसेव सब  
 पावकको भेव जानि लीन्हो जग आगेते । प्रचुर पदा-  
 रथ प्रसिद्ध पुहमीपै प्रिय परम प्रसन्न मनतासों प्रेम  
 पागेते । बीतिजात बैसन मनोजसन जीति जात शीत  
 जात उन्नत उरोज उर लागेते ८ शीतल समीर आय  
 उरन दुशाल हात जगत बिहाल हात बचतन भागेते ।  
 हाथपायँ कम्पेजायँ बसन न धरेरहैं रैन कम्पजाय ना  
 रजाई तनत्यागेते । राय कवि दम्पति विनोद चहंकोद  
 करै शिशिरमें हात घर बाहर अभागेते । अगिनिके  
 आगेते न जागेते न बागेते सुशीत जात उन्नत उरोज उर  
 लागेते ९ आडेना रहत रोम ठाढ़ेही सदारहत पच्छू  
 को पवन फेरि पालासों कटतहै । कम्पत करेज सेज  
 सोइये सुखत अस गढवर गरीबनकी गरुता घटत है ।  
 ठाकुर कहत फेरि पानीते परस हात हाततन पीरनेम  
 नाहीं निपटत है । ओढिये दुशाला तरे तोसक विशा-  
 ला बिना लागे अंगबाला शीतकालाना कटत है १०  
 रतन जटितियों घटित घरचारोंओर दरन दिवारन  
 किवारन मुदायेहैं । परदा पसमके असमके पड़ेहैं गोल  
 गेंदवा गलीचन गिलम गुदवायेहैं । मंजुकवि आतश  
 अगोठी धूप धूम धूम धूम भूम भूम शुचि सौरभ सु-  
 द्वायेहैं । कैलिकल क्रीडा ब्रीडाहसनबसनद्युतिदम्पति  
 दिपति दिव्य शीत सिसिराये हैं ११ कञ्चन के पलंग  
 बिछाये शीश महलमें चहल सुपेदी सनी सौरभ रशा-



लामें । ओढ़ेऊन अम्बर सकलनख शिख तऊ नेकहूँ न  
 मानें मन रहत कशालामें किबिबंशरूप साजे दीपगारा  
 माला स्वच्छ अधिक उत्तंग ल्यों अनंग चित शालामें ।  
 मदति सशालाहैं विशालाजे दुशाला आला पालासम  
 लागें बाला बिन शीतकालामें १२ नारी बिन हेतनर  
 नारीबिन हेतनर राति सियराति उरलायेपयोधरमें ।  
 बेगी कवि शीतल समीर को सनाका सुनिसेवैं सब  
 सांझते कपाट दें शहरमें । पक्षीपक्ष जोरेरहैं फूल फल  
 थोरैरहैं पालाके प्रकास आसपास धरा धरमें । बसन  
 लपेटे रहैं तऊ जानु फेटेरहैं शीत के समेटेलाग लेटेरहैं  
 घरमें १३ चित्रछविधामें रूपराशि बसुधा में अनुराग  
 बलतामें सो सुधीमें हेरिखायेहै । देतमनकामें बलदेव  
 कहैं कामें बालकामें की करासकरि कामें कोलजाये  
 है । सेवत सुवामें तेतसामेंहैं समामें जानि हरष हमामें  
 भोरसामेंना जनायेहै । शिशिर अरामें रस रसरसरामें  
 कसिजामें गजजामें हिलजामें चितलायेहै १४ असन  
 में आसनमें असल अवासनमें सांसनमें कहुका हुतासन  
 में आइगो । फूलन में तूलनमें मंजु सखतूलन में दोहरे  
 दुकूलनमें कूलन अघाइगो । सेजनमें तीखे सुरतेजन  
 उताजन में मदन मजेजत करेजन कँपाइगो । नीरन में  
 ल्योंहीं जगमोहन समीरनमें जहां जहां देखौ तहां शिशिर  
 समाइगो १५ मोतन के चौके चुने चमकैं नगीनन के  
 भीने पलमाने केसी गहव गहोलेहैं । तूलनके तागेधारे  
 मंजु सखतूलनके रेशम दुकूलनके परदे रँगोलेहैं ।



नीचे नये खासे जगमोहन गलीचेयोंसो सेजके नगीच  
 ही चिराग चटकीलेहैं । लपटे सुआसन में छपटे दुशा-  
 लनमें सोये शीत कालनमें छपके छबोले हैं १६ परे  
 कोऊ पछाह पिछौना करतेइ रह्यो प्यारी कहं पुहुमी  
 पै पालापरि जावैना । मीरन कपारसी परेखो इन नैनन  
 सों सारी दुनियांकी सियराई सरसावैना । देखो जग  
 मोहनज बावरी बियोगिनिको काह अव कलितकरे-  
 जो कपि आवैना । हाय नववाला बिन निपटि निरा-  
 ला परदेशमें पराला शीतकाला कहं आवैना १७ बेर  
 बेर ढांके बडेडर डरभांके तऊ और कड़कड़दांतेवाज  
 जुरि जुरिजात । जेकहेत न्यारेतोपै थरथर कांप्यारे  
 ओढि ओढि शालभालहू ते लुरि लुरिजात । शोभन  
 भनत भाग भागआग आगेजात लेखि छारभार पुनि  
 पुनि मुरि मुरिजात । शिशिरके शीतमें अनीत शीत  
 मान भीत सेजके पुनीत दोऊ मुरि दुरिजात १८ ॥  
 सवेया ॥ पूसको मास सुनीति गयो हिय जोशभरीविर-  
 हागिन पैठी । दायकहौ कोहको कहिये अब तोसन  
 हेतहै जाउंमें कैठी । यदि हौ बोल मसेसत है जिय  
 होश परीरहै तास अँगैठी । नेकतजे अफसोस कियो  
 जिहि हाय सुतीनसै कोशपै बैठी १९ ॥ कवित ॥ पावस  
 निकास ताते पायो अवकास भयो जोन्हको प्रकास  
 शोभा शिशिरमनीय को । विमल अकाश भयेवारिज  
 बिकाश सेनापति फले काश हित हंसनके हीयको ।  
 कितनगरद माने रंगेहैं हरद शालि सोहत जरद को



मिलावै हरिपीयको । मत्तहैं द्विरद मित्यो खंजनदरद  
ऋतु आईहै शरद सुखदाई सब जीयको २० कार्तिक  
की राति थोरी थोरी सियराति सेनापतिको सोहाति  
सुखी जीवनके गनहैं । फुलेहैं कुमुद फूली मालतीसघन  
वन फूलिरहे तारे मानो मोती अनगनहैं । उदित विमल  
चन्द चांदनी छिटिकिरही रामकोसो यश अध उरध  
गगनहै । तिमिर हरन भयोसेत है बरनसब मानहुंजगत  
सीर सागर मगनहै २१ विविध बरन सुर चापते न  
देखियत मानो मणि भूषण उतार धरे भेषहैं । उन्नत  
पयोधरबरसि रस गिरिरहे नीके न लगत फोकेशोभा  
के नलेशहैं । सेनापति आयेते शरद ऋतु फूलिरहे आस  
पास कासखेत खेत चहुंदेशहैं । योवन हरन कुंभयोनि  
के उदैते भई बरया विरध ताके प्रवेत मानो केशहैं २२  
राजीजिय करति रसीलिनकी राजीतैसी राजी सुकु-  
लित मालती की दरशातिया । कुञ्ज कुञ्ज मन्दिरन  
अलि पुञ्ज गुञ्जरत मंजु मकरन्द मन्दगातिसी विभाति-  
या । कहत किशोर कोशबद्ध कमनीय महा रमनीय  
रमन बिनाह बनजातिया । शरद समस्त शोभाशशि  
मयद्योसकास बसमयविश्वरंग रसमय रातिया २३  
आसपास पुहुमि प्रकास के अगार सोहैं बनन अगार  
दीठि हवै रही निवरते । पारावार पारद अपार दशों  
दिशि बड़ी चण्ड ब्रह्मण्ड उतरात विधिवरते । शरद  
जुनहाई जनुधाई धार सहस सुधाई शोभा सिंधुनभ शुभ्र  
गिरिवरते । उमड्योपरत ज्योतिमण्डल अखण्डसुधा



मराडल मही में बिधु मराडल विवरते २४ आई ऋतु-  
 शरद गगन विसलाई छाई खंजन की राजी कुञ्ज कुं-  
 जन बसैलगी । हरित हरित पथ पथिक सिधारे कथ  
 अकथ मुरारी ओप जग बिलसै लगी । सुमन शरासन  
 के सुमन शरानते सुछूटिके सुमन शर आलीही गसै  
 लगी । तालन कमलफूले कमल बितूलै अलि अलि  
 पर पीतमा परागकी लसैलगी २५ चाँदनी महलबैठी  
 चाँदनीके कौतुकको चाँदनीसी फूली राधे चाँदनी  
 महालरै । चन्दकी कलासी देवतासी देवरासी सङ्ग  
 फूलसे दुकूलगरे फूलनकी मालरै । छूटत फुहारै तारे  
 भलकै अमलजल चमकै चँदोवा मरिा मारिाक वि-  
 शालरै । बीच जरतारन की हीरन के हारनकी जग-  
 मगी ड्योतिनकी मोतिन की भालरै २६ मोती मंजु  
 महल बितानतने मोतीमयी मोतिन की भालरै मने-  
 जहिं गनै नहीं । सेवक भनत वैसे फरस फनस आज  
 सेज सुखमाकी छवि उरसों छनै नहीं । चाँदनी चटक  
 इत चमक चुनोन तैसी अङ्ग चारु तासों दोऊ मोरत  
 मनै नहीं । शरदको साज ब्रजराज राधिकाको आज  
 चाहत बनैपै त्यों सराहत बनै नहीं २७ क्षिति पर  
 देखो महा सौरभ सरस शुभ सौरभ सरस पर सुरस श-  
 रदकी । रसपर कहै श्याम सुन्दर भलकछवि छविपर  
 मारुत जो जलद शरदकी । मारुतपै राजत गगन सुग-  
 गन पर चाँदनी विराजत त्यों शरद शरदकी । चां-  
 दनी पै चन्दकी मुसाहिबी दुचंदफबी चन्दकी मुसाहिबी



१६२ यटकृतुकाव्यसंग्रह ।

पै साहिबी शरदकी २८ गगन गयन्दपर चढ्योकरि  
हङ्का डङ्का बङ्का पिकनाद आगे हात मन भायो है ।  
भनत कबीन्द्र तारे सुभट अमोर जोर पैदर चकोरमोर  
शोर सरसायो है । तोरतम अगग खरग लैकर उदगग  
बर सदन हरील मानगाढपर धायो है । चमू चन्द्रिकान  
के पसारे अलबेश नख तेश आज नवतम नरेश बनि-  
आयो है २९ कासन के कुसुम विकासन लगे हैं अङ्ग  
कज्ज कज्ज आसन पै चारुता चढैलगी । सेवक भनत  
छवितारन कतारन ह्यो तारन प्रियाकी पुरहारन  
सढैलगी ॥ अवनिमें अम्बुमें अकाशनिमें आछी भांति  
ठौरठौर दीपनकी दीपति कढैलगी । सेलीको सकेलि  
के चमेलीके चलत चाह बेलीसम बनिता नवेली की  
बढैलगी ३० नवोखण्ड मण्डित अखण्डल उदित  
भयो राका चन्द्र मण्डल दिशान दशदरशात । विमल  
विशाल भये शीतल सरित सर सकल कलित ते वि-  
लोकियत अवदात । मोतीराम मंजुल मृदुल मालती-  
न मिलि मलयजमलय समीर सीरे सरसात । दरद  
करतये भँवर भीर कुज्जकुज्ज बेदरद आलीरी सता-  
वत शरदरात ३१ हरत किशोर जो चकोरन को  
तापकिल कुमुद कलाप मुक्लीकर सुखन्द भो । सा-  
निनीनहं के हिय दरप दलितकर कन्दरप कन्दलित  
करि जगबंदभो । मुदित कमल अवलीकर तिमिरक-  
वलीकर दिशान धवलीकर अमन्दभो । आनंद अमित  
करलोक प्रमुदितकर कोक अमुदितकर समुदित चन्द



भो ३२ वरगयो कविन कलाधर को कलङ्क तैसा को  
 सकै वरगि तिनहं की सतिछीनीहै । सेनापति वरगो  
 अपरवयुगति ताहि कोविद बिचारो कौनभाँति बुधि  
 दीनीहै । मेरे जान जेतिक सेां शोभा होत जानपरी ते-  
 तिकै कलानिरजनीकी छबिकीनीहै । बढ़ती के राखे  
 रैनहु तें दिनहुवैहै याते आगरी मयंकते कलानिकारि  
 लीनीहै ३३ पूरुवहरित वनिता को मुखपत्रतामें रच-  
 ना रुचिरवर मृगमदरङ्गकी । कैधौनभसरवर फूल्योहै  
 कमल तामें मेचक प्रभाहै आली अबली उमंगकी ।  
 औरौ कवि कोविद न उपमा अनेक कहो बदन बखानै  
 एक इहि विधि अंगकी । विरही निरखियाहि नाखत  
 निसास याते दागिल दिखात मानो आरसी अनंगकी  
 ३४ सुन्दर सुधारयो सौध सुधासेां सुधार सन्यो सौरभ  
 सरस सुरभित आसपाससेा । विमल बिछौने बिछेरजत  
 जरीके चारु जगमग होत भोलानाथ के निवाससेा ।  
 राकापति छाये तैसा मध्यमें सुमध्यवाल बैठीपरयङ्क  
 पै विराजत सुहाससेा । अम्बर में चन्दकी अवनि पर  
 चन्दचहं चाहत चकोर शोर पार्योहै प्रकाससेा ३५  
 अतिही असंदबधुचंद्रिका सुधाकरकी पुण्डरीकपथिक  
 प्रिया को प्रतिकूल है । कहत किशोर निशि नारि  
 केहिये को मणि दरशावै कुंवर किशोरी दिनदूलहै ।  
 दरद हरनवर परबको इन्दुस्वच्छ शरद सुइन्दिरा को  
 मुख सुखमूलहै । तारकान कलित मभार चारु द्युति  
 फूल्यो अंतरिक्ष कल्प तरोवरसेा फूलहै ३६ मोदनीके



देखिये कुमोदिनी कीहीकेदीह दीपति दीपति दीपद्युति  
उपटानकी ॥ लोकलोकलोकनके धोकन विनोदबाढी  
शोभा सरसाई स्वच्छ सरित तटानकी । रंगभरी राजत  
नवीन रसराकारम्य शीतल सुगन्ध गन्धरजनी जटान  
की । निंदित चकोरै छबिछाकि सुखलूटेलेत छूटैचन्द्र  
मराडलते छहर छटानकी ३७ कटत निशाकर दिवा-  
करसो दीठिपर्यो अन्धकार सोतो एकपलमें पलायो  
है । भोरभयो जानिके बिहंगनमें शोरमचयो अवनीअ-  
काशमें प्रकाश सरसायोहै । परीचल चालबाल चमू  
चतुरङ्गिनीमें नागर तपत तेजब्रजपर आयो है । चाँद-  
नी न होय यह मानिनी के जीतिबेकी सैन महारथी  
ब्रह्मअस्त्रहि चलायो है ३८ घामसम चाँदनी बेघेर्यो  
ब्रजमराडल है ताती चराडकरसी मयूषन मचाय ले ।  
आज अबलानिसारि औरहू कलंकलैके मनकेमनोरथ  
निनीकेके रचायले । धीर बलवीरके वियोगी नैननीर  
भरे प्रेमरस दयासे प्रेमतिनको जचायले । हरिमन्द चंद  
सुनि आवै ब्रजचन्द जौलैं तौलैंतन गोपिनकोबिरह  
तचायले ३९ कास को विकासन सो कासन करैगो  
नाहिं याते हियो वासनसों मेरो अतिभ्वैरह्यो । धान  
पान पाके हेरिहेरि धीरहाके धरै बाढे विरहाके हाय  
नैननीर चवैरह्यो । कहैहनुमान फलेकजनपै भौरनको  
वृन्दसो बिलोकि बैसमानो यमज्वैरह्यो । जाकरिकहै  
नयों कृपाकरिके लालनसों शरद निशाकर दिवाकर  
सो ह्वैरह्यो ४० याहीते निपट निरधारि तोहिं नीर



सकै छाँड़यो सब सुरन सुधारसको चाखि चाखि । देव-  
 मरिणाबेही काज बैर बिरहीजन सों बाँध्यो ऐसीबातन  
 कलङ्की भयो साखि साखि । शरदकी ऋतुमें उचाट  
 चित्त ब्रजराज राधेको बिरह व्याप्यो उठतयों भाखि  
 भाखि । कियो कहा चाहतहै रैनचारी चितचोर एरे  
 चन्द चाँदनी कीचटकहि राखि राखि ४१ ग्रीष्मकी  
 घामहै नघाम घनप्रयाम याते छुवैगई सुवान प्रवेतह्वै  
 गई जरदकी । बीचन दरीचनके आभाहै मरीचन की  
 कामने निकारी कोर तीयन करदकी । फैलफैलगैलन  
 नवीन बिय फैल भरी दोषत दुखीन द्युति पारद बरद  
 की । गरद करीहैं दिन दरद मरीहैं सखी शरद परी  
 हैं लखि चाँदनी शरदकी ४२ बैरही विशद क्षीरनद  
 ते शरद शुभ शोभितसुसद फैली फेनके फरदकी । उन-  
 सदमदमें सुगंधकी बिहदसैना धाई चहुंहदते छपदरुज-  
 रदकी । तैसेही बिरह बदमारत दैगदबद चमतकरेजो  
 कोर कामके करदकी । चीरकीनेरदरी दरददै करीहैं  
 बेपरद बेदरद दैयाचाँदनी शरदकी ४३ फुले आसपास  
 कास बिमल विकास बास रहीना निशानी कहूंमही  
 में गरदकी । राजत कमलदल ऊपर मधुपमैन छापसी  
 दिखाई छवि बिरह फरद की । श्रीपति रसिकलाल  
 आली बनमाली बिन कछूना उपाय मेरे जियके दरद  
 की । हरद समान तनभयोहै जरद अब करद सीला-  
 गतिहै चाँदनी शरदकी ४४ चन्दनिशि ललना बदन  
 लखि आईकैधै पारदकी खानि फैलिआई आसमान



है । कैधों मुखके प्रबोध सुखित सकलसुर लोकन के  
 कलहा सभासै भासमान है । मेरे जान मदन महीप  
 सब जीति क्षिति ऊरध चढाइके तयारी को समान है ।  
 कैधों तारागन मुकताहल के भूमकन चाँदनी न होय  
 चासुताई को बितान है ४५ बादलाके बीजना बनाय  
 वर बादलाके बानिक सहेली उयोँ सुरेशके सदनकी ।  
 मोतिनके हार ओहमेल गुलुबन्द बेदी पहिरि खराज  
 खरी कुंजर रदनकी । हीराहीको चूराबाजूबंद औ त-  
 रौना बेना महासुखदानी रानी मोहन सदनकी । चाँदनी  
 में चाँदनी पै चाँदनी बिछौना पर चाँदनी सीफैली  
 चासु चाँदनी बदनकी ४६ पूरया शरदशशि उदितप्र-  
 काशमान कैसी छवि छाई देखो विमल जुम्हाई है ।  
 अवनिअकाश गिरि कानन औजलयल व्यापक भई  
 सो जियलागत सोहाई है । मुकता कपूरचूर पारदरजत  
 आदि उपमाये उज्ज्वल पै नागर न भाई है । वृन्दावन  
 चन्दचासु सगुन बिलोकिवेको निरगुन उयोति मानो  
 कुञ्जतमें आई है ४७ डोलै नभ बीथित में बोलै धरि  
 मौनव्रत भये सित सुतिलाये रहे तित छजिके । जीवन  
 द्विजनकोदै जीवन मुकुट होय बनेहैं विमलवास चपला  
 को तजिके । दीजै नहिं दोष एक ऐसेअलि ऊधवको  
 प्रयास भये वास अब करो जो गरजिके । नोरद शरद  
 के दरददलि देशदेश करै उपदेश येऊ यतीवेध सजिके  
 ४८ चन्द्रमाप्रकाशनमें चन्द्रमुखी हाशनमें अवनि अ-  
 काशनमें काशन में छाई है । नन्दराज तालन में इन्द्री



वनमालन में चंचरीक जालन में अधिक अमाई है ।  
 मैत्रकाकी डारिनमें मालती कियारिनमें फूलोफुलवा-  
 रिनमें सौगुणी सोहाई है । कामकैसी खेतिन में बालुका  
 समेतिनमें सूरसुतारेतिन में शरद समाई है ४९ हवैरही  
 तयारी महारानी रासमण्डलकी मल्लिका व मालती  
 सो अमित अगारहैं । कहैं नन्दरामगई सरीसेत सारी  
 साजि गोपकी कुमारी हिये हीरन के हारहैं । षोडश  
 कलासों आजु उदित कलाधरहै चांदनी के भारनसों  
 छोड़े अभिसार हैं । सेत चांदनी में सेत चांदनी चंदोवा  
 तनेमानो क्षीरसिन्धु परे पाराके पहार हैं ५० षोडश  
 हजार बाल षोडश अंगार साजि षोडश बरयवैस मु-  
 दित बिहारहै । बाहुन सों बाहु जोरि मोरिमोरि अंग-  
 नसों कोन्हों महामण्डल अखण्डल अपारहै । कहै  
 नन्दराम तैसे तारऔ सितारमिलि चूरी खनकार स्वर  
 पंचम उचारहै । भूतल दिशान बिदिशान आसमानहू  
 लों छम छम छाई घुंघुलकी भनकारहै ५१ ॥

हेमंत ऋतुके कवित्त व सवैया ॥

कवित्त ॥ ओक ओक लोक सबकरत कलोलनिशि  
 कोकन को शोकभो कलानिधि को काफांसे । भनत  
 दिवाकरलगावत अतरअंग बारतहुताशन डरपके बरा-  
 फांसे । राजा औ अमीर पशमीनाके बहारलेत मोजरा  
 बरंगना करावत इजाफांसे । आयेयेहेमंत कन्तलहत  
 अनन्तसुख सन्त जड सैनलेत जगत जुराफांसे १ पल  
 पल दिनदिन यामिनि घटनलागी भामिनी जगनलागी



यामिनी एकान्तमें । भनतदिवाकर संयोगिनी सुखीनी  
 कीनी दुखिनी बियोगिनी लगीनी हंस हंतमें । धरधर  
 धरधर बाजत कपाटफट सटपट सेजपै मजेज छबिवन्त  
 में । सुखी यह पाखमें जो आयो ना हमारोकन्त होंगे  
 प्राणा अन्त नहिं पाय कै हेमन्त में २ अगर की धूप  
 मृगमदको सुगन्धवर बसनविशाल जाल अङ्ग ढाँकियतु  
 हैं । कहै पदमाकर सुपौन को न गौन जहाँ ऐसे भौन  
 उमँगि उमँगि छाँकियतुहैं । भोगऔ संयोग हित सुरत  
 हिमन्तही में एते सबसुखद सुहाये बाँकियतुहैं । तान  
 की तरङ्ग तरुणापन तरुणा तेज तेल तूल तरुणा तमूल  
 ताँकियतुहैं ३ छाँडै हिमन्त बात तन्त की बतायदेत  
 अन्तको बराय जिय अन्तको न जाइये । द्विजबलदेव  
 कहै कसकहि दूरिकरि कामकी कलोल कान्ह का-  
 मद मचाइये । अतर तमोल तेल तूलन के तुङ्ग साँजि  
 तातीसी सोहाती सेज तापै इत आइये । करत हैं आन  
 तजि मानको समान नेक मानिये प्रमान निशि भान  
 उर लाइये ४ छाँडै शीतलाई सुरभाँडै कला कुञ्जनकी  
 मानो मनरञ्जनकी पाइके जुदाई है । कापै कहिजाई  
 दिनहुँकी लघुताई जनुरही छलताई लखि प्रीति सकु-  
 चाईहै । रेनि अधिकारि भयो विरह सहाई तासु शीत  
 चहुँघाई बिनु मीत भीति धाई है । पीर सरसाई फूले  
 सरसों सरस भाई हेमशतु आई ना कन्हाई सुधिपाई  
 है ५ तुलसी लसी सुअङ्ग अतिसे उमङ्ग देति जासु मैत  
 बास योगीजन बिलसन्त हैं । शीतल सवाँर उर कला



हरशाय करि जातन बिलोकि शोककोक बिलपन्त हैं ।  
 जासु की बिभावरी विशाल लखो दीनदाल मित्ररूप  
 सब हीके सुखद बसन्त हैं । किधौ हैं हिमन्त के सुतन्त  
 शित सन्त सभा किधौ सुखमाल सन्तकमला के कन्त  
 हैं ६ सूर सेसे शूरको गह्वरखरो दूरकियो पावक खि-  
 लौनाकर दियो है सबनको । बातनकी मारहीते गात  
 की भुलात सुधि कांपत जगत जाकीभय आनमनको ।  
 गिरिधर दासरात लागै कालरातकीसी नाहिंसों लगत  
 भास राखत चरनको । आयेहै हिमन्तभूमि कन्ततेजव-  
 न्त दीह दन्तन पिसावतो दिगन्तके नरनको ७ कंजना  
 सुखाये ये सुखाये रंज मनही के शीतना बढाई नीत  
 प्रकटी समन्तहै । रातना अधिक करी रतिअधिकाई  
 भाई दिनना घटायो कर्म बासना तुरन्त है । गिरिधर  
 दास पौन शीतल असहहैन प्रेम के प्रवाहजग चलन  
 तरन्तहै । राधिका के कन्त को भगत मतिमन्दहै कि  
 ब्रज शीतवन्तऋतु प्रकट हिमन्तहै ८ अतिही आराम  
 दैन औनको आराम अभिराम आठौऔर ओरयो सेश  
 अबलनमें । आसन अनूप आपईशहै अनीश जापै अटिठ  
 अवलोकिहै उदासी अस्वजन में । गिरिधर दासकी  
 उपमान आवतहै ईश्वरसी आखी अरुणाई अधरन में ।  
 अगधर इंदुमुखी ओजसों असल सेसेलसे अनननसे अजब  
 अगहनमें ९ चारों ओरमोर बैठेदाब चारों ओरन लौं  
 ड्योंहीं मनमथ राखो हिमन दुहाई में । जावक अर-  
 गजाके तिलक विराजिरहे भागभरे भासनकी जगमग



ताई में । अलक चमर घनप्रयाम बाजे नूपुरादि बटत  
 हंसन अवलोकन बधाईमें । थिर चर सेसी राज देखो  
 देखो सखी आज दुहुनर जाईपाई एकही रजाईमें १०  
 बरसै तुयार बहै शीतल समीरनीरकम्पमानउरक्योंहुं  
 धीरन धरतहै । रातिन सिराति सरसाति व्यथाविरह  
 की मदन अरातिजोर योवन करतहै । सेनापति प्रयाम  
 हमधनहैं तिहारीहमें मिलोबिनमिलेशीतपारनपरतहै ।  
 औरकीकहाहै सविताहूशीतकृतुजानि शीतकोसतायो  
 धनराशिमें परतहै ११ शीतको प्रबल सेनापतिकोपि  
 चढ्योदल निबल अनलगयो सुर सियरायके । हिमके  
 समीर तेई बरयें बियसतीर रहीहै गरम भौनकोनहीमें  
 जायके । धूमनैनबहै लोगहेतहैं अचैनतऊ हियसां ल-  
 गायरहैं नेकु सुलगायके । मानों भीत जानि महाशीत  
 ते पसारि पाणि छतियाकी छाहँ राख्यो पावक छि-  
 पायके १२ पसके सहोना काम बेदन सही न जाय  
 भोगही के द्यौसनहीं बिरह अधीनके । भोरही केशीत  
 सांन पावक छुटतयोहीं रातिआई जानिहैं दुखितगन  
 दोनके । दिनकी छोटार्ईसेनापति बरणी नजाइ रंचक  
 जतार्ई मन आवै परबीन के । दामिनी उयो भानु ऐसे  
 जातुहै चमकदेखो फलै नहीं पावत सरोज सरसीनके  
 १३ आयो सखि पूसौ भूलि कन्तसों न रूसौ केलिही  
 सों मन मूसौ जीउ उयो मुख लहतुहै । दिनकी घटार्ई  
 रजनीकी अघटार्ई शीततार्ईह को सेनापति बरणि कह  
 तुहै । याहीते निदान प्रात बेगि उदै होत नाहिं द्रौपदी



के चीर कैसे रातिको महतु है । मेरे जान सूरज पता-  
ल तपै तालै माँझ शीत को सतायो कहलाय कै  
रहतु है १४ सुरैतजि भाजी बात कातिक में जब सुनी  
हिमकी हिमा चलते चमू उतरति है । आये अगहनकी  
नागहन दहनहू को तितहू ते चलीकहूं धीर न धरति  
है । हिममें परी है हूलदौरि गहि तजोतल अब निज  
मूल सेना पति सुमिरति है । पसमें तियाँ के उच कुच  
कनकाचल में गढ़वै गरम भई शीत सों लरति है १५  
पीय पीय रत रहत आठहं पहर रसना भई रहत ज्यों  
पपीहा पावसी । घरी घरी दहै मैनचित्त कोन कहूं चैन  
रह्यो न परत अैन बूढ़े बैन नावसी । तुलसी कहत पिय  
प्यारे के समीप बिना भूषणा की कहा भौन भोजन न  
भावसी । पीवबिन पूसमास पैयत न चैन आली बुन्द  
ऐसी दिन होत रैन दरियावसी १६ भावन लगी है  
अंशु पावक प्रभाकर की छावन लगी है गति शीत  
की दिगन्तमें । रात अधिकानी दिनहानी त्यों प्रत्यक्ष  
भई सृष्टि सियरानी है गरम सलतन्तमें । कहै तो यह रि  
सजि सुहे रंग अंगपट चाहत उमंग कंत कामिनि एक-  
तमें । सेवै आगवन्त मदमादककन्त सुख प्रयासा  
को अनन्त छबिवन्त या हिमंतमें १७ खांसी कोठरीन  
में सवांरी सेज सैंधेसनी आसपास अगर कपूर बगारे  
रहैं । दरन सुपरदा गलीचन सों भंपी भूमि बरै दीप  
कंचन के अतर धरे रहैं । ऐसे समै कन्त संग युवती हि  
मन्तऋतु पीढ़ि पलका पै दोऊ आनंद भरे रहैं । शीत



घास दपटेसे कपटे दुकूल दुःख लपटे दुषालन सों  
 छपटे परे रहें १८ छोट दिन हवैगो दुख ओर छुटिबे  
 को भयो मोर सुखलूटि में निशाको बड़ी जोरैना ।  
 तैसेतेल तूलनि तमोलनिके रंग भरे पामरी दुकूलनि  
 ओढाय मुखमोरैना । सेवक रसालन मसालनके साचे  
 मोद आगिहकी सालन बिसालनको दोरैना । खाय  
 काम तन्त के अनन्त सरसन्त मोको पायपाय हरख  
 हिमन्तकन्त छोरेना १९ धाई है धरापै सिथराई चहुं  
 ओरनते पलटि गईहै पूरी प्रकृति अनन्त की । पानी  
 पौन पुहुमी पराग अङ्गरागन की अंगन अंगार दिशि  
 बिदिशि दिगन्त की । कम्पि कम्पि आवत करेजो  
 जगमोहन जो कामिनी छोडाये हिये छोडत न कन्त  
 की । हरषि हजारै कलका उत्क जाके छाके बाढत  
 निशाके अंगढाकत हेमन्तकी २० चारो ओर चरचा  
 चलीहै चपरालिन की दीरघदरेरो द्वारद्वार दुलहिन  
 के । लागे लोगलाले पीले बसन रंगिले लेन देन त्यों-  
 किवार कम्पि कोठेपै रहन के । त्योही जगमोहन त-  
 लाश अबला को हेन तरुणी तमूल तूल तीयन दहन  
 के । आछे मृग मदके अमोद उदगारे त्यों बहार दार  
 मंजुल महीना अगहन के २१ तलप तनाओना अतूल  
 मखतूलनसें तोसकदुलाईतूलतूननके तागैना । लागल  
 चहुंघा तापतीयरा तपनतेजज्वालाभरे ज्वालन जगावै  
 जुरि जागैना । तौलौ जगमोहन हजारों हरवासे हार  
 काहुहिमवन्तहोमें काहु भाँति भागैना । सारीकरि अ-



लगसकोचि सुकुमारी जौलौ उन्नत उरोज वारि प्यारी  
 उर लागैना २० भांपनमों भापैलगीं तापन तनूनपद काँ-  
 पन करे जालागे अदना औ आलाके । आंगन अगेलन  
 में आतप अतिये तो कछु छूटै ना पछेवा पछै ह्यांयो  
 न पालाके । देवकी दोहाई सहा दम्पति दिनेमों भरै  
 दावन दवाई देरी दीरघ दुशालाके । दैदैउर उरज उत्तंग  
 जग मोहनज रंगरस राते साते सादिक मशालाके २३  
 आवत बधूके चहुंघा रहे हुकहं आय गयो उहां हरि  
 हिमिवंत हमराही में । उयो उयो जग मोहनज नाहक  
 निहारी करी बसन बिद्यारी हवैन रसना बनीहीमें ।  
 त्यो त्यों मतवारी पौन बसिके करेजो भरै छोरसिसि  
 कीनमें समेटि अधराही में । दीपक बुझाई देरी दीरघ  
 दुशालन के दबकि दबाइ रहीं दबकि दबाही में २४  
 अंग सुखराय औ उसासन घमाय नेक होयकोहि  
 मंत वायबेधे चहुंघायजूटि । तासु दरशाय दशातोबिन  
 मलीन अब सब सुख चायन को लीन्हों काम देव  
 लूटि । खान पानको नशाय डालै तो बिरहपाय मूँदि  
 पलकों को रहै लोगन ते दूरि छूटि । भूलिभूलि के  
 कपन्य जाय सुनि प्यारी ताके काँटो गाँड़ि जाय पै न  
 जाय तेरो ध्यान टूटि २५ बैठत उठत जात आवत  
 सकारै साँभ कामके करारै बाणा हिये डोलियतु है ।  
 देखै बन बाग भले लागत भयावन से खान २ माहिं  
 मानो विष धारियतुहै । धाय के हिमन्त वाय बेधत  
 दुखद काप छाबके करेजो क्षण माहिं छोलियतु है ।



लखे क्योंन जाय ताहि विरह सताय तायो तो बिन  
 सहाय हायहाय बोलियतु है २६ वास पिय पास  
 जाको अतिही हुलास ताको भोगन रसालरासरससर  
 सायोहै । चक चौधि देखिदेखि चकित चकोर चाहै  
 शशिके समानसर शीतल सोहायोहै । बहतसमीरसीरी  
 दहत हमारोअंग रहत न धीरयो अनङ्ग उमगायोहै ।  
 छलसों धर्यो नामअगहनगहन समविरही गहन प्राणा  
 अगहनआयोहै २७॥ सवेया ॥ हेरुहि संतहुलासिन हालहि  
 माकरहेलिन को हरयाइकै । हारनहारन हीरनहारसे  
 हीरो हरी हिम बिंदु बिछाइकै ॥ श्रीघुराजनऊखम-  
 राख्योहि मारिउराइसि खीदि सिजाइकै । जायपरा-  
 य लुकाय रही तबहेलिन के हियरे में हेराइकै २८  
 अभिराम हमामके धामनमें चहै केतो अराम लपेटि  
 पटै । विरचे विधिकेते दुशाले विशाले धरेतन में नहिं  
 पालेकटै । रघुराज कहै शिखी सुरजहूँ न निवारिसकै  
 हिय हारि हटै । क्षितिमें सतदामें छबीलीबिनाछतिया  
 छपटै हिमकी दपटै २९ ॥ कबित ॥ परत तुषार भार  
 उठत अपार भार द्वारमों पहार पूस आंगन सुहातिहै ।  
 बीछे कैसे छौना भरे मानहुं बिछौना माँझ दिशिहूबि-  
 दिशि लागे घरे घर घाति है । बीठल सुहित अतिगति  
 मति भलि जात चातक करात जब बोलै आधीराति  
 है । विरह नेरही राति पिय बिनरही राति आठैनिय  
 राति तिय जाति पिय रातिहै ३० ब्रह्म यंत्र वारे भारे  
 लपकैं सुगंध तैसे आलदीप माल लाल जालन जरेरहे ।



परमप्रवीणाबीणा लैलैसुखकार सरदारचीन २ रंगराग  
न भरेरहे । चूमि चंदबदन चपाय पाइँ पाइँमेलि उरज  
उतंग अंग अंगन अरेरहे । करदे करन हारे सरदे समी-  
रन के जरदे दुशालनके परदे परेरहे ३१ प्यारी पिया  
पौढे परयंक पर सोहत हैं मोहन परसपर रस बतियां  
निकरि । आपसमें बेधेमननेह शरासनचढे तीक्ष्ण कटा  
क्षन सों भौहैं धनुतानिकरि । राधामनमोहनजू अंगनि  
के संगनिसों पुलकित होय रहे लिपटि भुजानिकरि ।  
सुखको न अन्त लह्योरजनी हिमन्तऋतु कियो गुनवंत  
कन्त कामकी कलानि करि ३२ तरुनि तमोल रचि  
अंग रंग राजतहै उमंग अनंग संग साजे निज कंतको ।  
द्विज बलदेवकहै हरयहिये अपार प्रमुदित वाद्यकार  
सुरताल तंतको । शीत सरसात तुल सेवत त्यों जातनेह  
उदितहै बातसुख शोभित सिमंतको । मोद अनुराग मन  
रङ्ग छवि बागम लखात बल भागमभो आगम हिमन्त  
को ३३ एकओर बानपंचबानको गहाइदीनो एकओर  
रगाअतिकठिन लखावतो । दोषाकर बीचदोषआकर  
बसाई शीत भीत करै जेते प्रीति बाहर निबाहतो ।  
बंशीधर कहै घरडगर नगर बीर लैकरि समीर रोम  
रोम निबसावतो । छूटतो नमान मन्त्र तन्त्र अरु यन्त्र  
कीन्है जानहिं हिमन्त दूती कंतबनिआवतो ३४ औनिते  
अंकासते अवासनते उदकते इंदुके उदैते आसुदेते उमड़ो  
परै । प्रयास कबि मालन ते मनते मनीते मनमोहन के  
मोहतते मनोजतेमड़ोपरै ॥ भांकती भरोखनते भंभाके



भूकोरन ते भूडनतेभूारनते भूमि भूमडो परै । पान  
 ते प्रसूनतेपरागते पहारनतेहारनते हेमतेहिमंत हुमडो  
 परै ३५ ॥ सवेया ॥ देखभट्ट दिनरैन दशायहमैनसदा शर  
 तानत तंतरी । शीत सो भीत भयो हियरा जियरागति  
 कौन लखै बिनकंतरी । कीजैकहा बलदेवरहै तनप्राणा  
 प्रवाणालहैं गतिरंतरी । अंतरी जायकहाँ किहिसों गति  
 कीन्हीकछु जसआये हिमन्तरी ३६ नौल निकुंज बने  
 रसपुंज चहुँदिशि हेमबितानहैतानो । आछेपरे परदाम  
 खतल के तूलको चारु बिछाये बिछानो । केलिकरै  
 गिरिधारन जू सँगलै तियकोमत्र आतशखानो । पाव  
 कहीकी शिखान के संग अनंगहि पावक पूजत मानो  
 ३७ सेजसजाई रजाई समेत जहाँ तहँ आई प्रियाजोस  
 अन्तकी । गाढसुराहै तुरन्त अंची तबकीनी शुरूकछु  
 बात इकन्तकी । त्योंहरि तोयज सो हँसकै रसकै चस  
 कौंससकै छबिवन्तकी । हलै हिये भुकिभूलै सुमूरति  
 भूलै नहीं हमैकेलि हिमन्तकी ३८ ॥ कवित ॥ आयेहै  
 हिमन्त जोर जाडेके प्रसंगनसों रेशसके भंगनमें अंगन  
 दुराये देत । कहैं नन्दराम त्यों हमामहं न काम सरै  
 धाम धाम आला पौन पालाको उमाये देत । तूल पेट  
 पीठिन अंगीठिनमें डीठिलगी तरुणी बिहीन तन कम्प  
 सरसाये देत । दागुने कहा तौ चित चौगुनो चुरात  
 हेरिनौगुने न सौगुने समीर शीतलाये देत ३९ आसव  
 निरालाभल भौन कि निकाला देत प्यालापर प्याला  
 तौहं शीत सर पेटे लेत । कहैं नन्दराम जरै दीपन की



मालालगे पेचिया विशाला धूमधाला अरपेटे लेत ।  
 दोहरे दुशाला ऊनशाला छौनशाला पट्टशाला कीट  
 शाला छीटशाला गरपेटेलेत । वन्दक्रिये ताला तौपे  
 तालके मशाला उरलागै बेशबाला तौनपाला भरपेटे  
 लेत ४० ॥

शिशिरऋतु के कवित्त व सवैया ॥

कवित्त

। गिरे द्योम बरफ भरफके सनाका चले  
 मखमली गादीचांदी पेंचुआ लगेरहे । भनत दिवाकर  
 दुशालावो विशाला आलाहरत कशाला रसखयाला  
 तेपगेरहे । छातीसे लगाय छातीताती कुचघातीमिसि  
 मै न सदमाती कर मातीमें जगेरहे । शिशिर के शीत-  
 केत भीतसमशीतचीत जीतलेत पालाजो सुबालाकेसंगे  
 रहे १ सीरीभयो जल सुसमीर थलसीरी भयोसीरीआ-  
 समान बानपान सीरी परिगे । भनत दिवाकर बसन  
 वोदसन सीरी बदन सदन बनसीरी सबकरिगे । सुन्दर  
 दुकूल सीरीतूल फूलमल सीरीपूल धलराह वाहसीरी  
 सम ठरिगे । शिशिर के शीतयहकौन्हेहै अनीतइत  
 शीतहै उरोज एकसीर संगलरिगे २ माणिक सहलमें  
 प्रमाणिक बिछाये सेजहीरनके हार तेज सेजपै धरे भ-  
 ले । द्विज बलदेव त्योहीं कंचन लतासी बाल परमन-  
 मोद के कपूर पङ्कमें मले । अमित अरामैं भोगदेतबसु  
 जामैं अरुशीत के तमामैंते समामैं जायके जले । शि-  
 शिर की शीकरन सोई है बशीकरन हीकरन हेतु  
 प्रियातो करत हैं गले ३ पदुसों छपावै परछिद्रन को



आठोंयाम अति अभिराम जग पूरैजन कामरी । जासु  
 संग पायकै उमंग सांहरातेसब माते गुसागावै शुभराग  
 रङ्गवासरी । लखो यासुमन रहेहरि अनुरागि रहै द्विज  
 शाखावर नाग जासु धामधामरी । शीतल सुभायचित्त  
 याके मित्रहूको ध्याय सिमिरिभै सज्जनन सज्जन भे  
 प्रयामरी ४ सोहैं सरसोहैं सरसोहैं करि डारै नैन लगे  
 सरसोहैं विरहीको दिनरातिहै । अम्बर मुहावै औप्र-  
 भावै बरहीकी बर सीकर परत निशिसबको सिराति  
 है । गावत हिंडोलै गरनागरी गरीय गिरा कहूं कहूं  
 कोकिलकी काकली सुनातिहै । चन्दन दिखात कहूं  
 दीनद्याल बन्दनमें निन्दतिहै पावसकै शिशिरसोहा-  
 तिहै ५ बिश्वना कँपावत है कांपति घनीसी आय  
 सीसीना करावती करत अतिदीनाहै । रदना बुलावतहैं  
 रदनिज पोसे सोई चन्दना स्रवत मुखचन्दको पसीना  
 है । गिरिधर दास पीरो खेतना शरीर यह कज्ज मुर-  
 भाये ना निगाह भमि लीना है । लेतसीरी सांसेकर  
 प्रयामसों प्रथम रति शिशिर न सरी यह नागरी नवी-  
 नाहै ६ बाहर गयेते घर आवनलगेहैं लोग घरके बसै-  
 यन पयान क्रियो साफ़ासो । ज्ञानिन को ज्ञान अरु  
 ध्याननिनको ध्यान मान मानिनको मान फाख्यो मृग  
 मदनाफ़ासो । ग्वालकबिकहै प्याला बालाये दुहूनही  
 में सबहीने जान्यो ठीक आनंद इजाफ़ासो । जोमदार  
 जीवनको जोमको जगैया बड़ो आया अब जाडोजग  
 करन जुराफ़ासो ७ गाले अति असल भराले तोशकों



में फेर ऊपर गलीचे जाल डाले बिछवाले अब । सेज  
पर सेजबन्द खूब खींचवाले खाले पान रसवाले ओ  
गजक सजवाले सब । खालकवि प्यारी को लगाले  
लिपटाले अङ्ग ओठिके दुशाले में सजाले सिसिकाले  
जब । संजुल मसालेमिले सुराके रसाले पीले प्यालेपर  
प्याले मिटे शीतके कसालेतब ठ आले रङ्गरङ्गकेतनाले  
दरवाजन में परदे मुंदालेवे भरोये उयोँन आवै पौन ।  
चारोंओर गरमगुदाले बिछवाले गाले छाले धपअगर  
अंगीठी दहकाले भौन । संजुकवि खाले जरा गजक  
चढाले मद बीडियां चवालेभरी विविध मसालेजौन ।  
भुजन फँसाले तिय उर लिपटाले अरे दुबकि दुशाले  
येकसाले तमिटाले क्यों ६ विविध बनातै कीमखाव  
की कनातै तामें दीरघ दुचोवैहैं सिचोवै हक हहीमें ।  
चांदनी है चोबनपै परदे दरीचनमें दोहरे दुलीचे हैं  
गलीचे गोल गहीमें । खालकवि भांति भांति भोजन  
हैं भामिनीहैं दीपहैं दुशालाहैं मसालेमेंन महीमें।चाप-  
के चुहही साजसेजपै बिहही वै सकसीतरही तबडव्यो  
जाय नहीमें १० सुघर सजाई कोठरीनमें बिछाई सेज  
छतपिछवाई छाई गसक कहा कहां । मृगमद कुंकुम  
सिंचाई बीरी कोचभाई नशाकी पिलाई इनहूँतेशीत-  
नादहां । कहीं धधकाई कहीं भीठी अंगीठीकी आंच  
कहीं तो उढाई दुशालाते कसाला लहों । कहैनाथ  
होईहै जाडाको भजाईजबै तेरीया रजाई में रजाई ते  
दबकि रहों ११ सुभग पलंगपै बिराजै नाथ साथ सब



विविध शिंंगार साजि जेती पुरबालाहैं । ओढ़िके दु-  
 शाला उर कंचुकी विशाला ओढ़ि मोतिन की माला  
 होरहारह विशालाहैं । कंचन अंगीठी सों सुमोठीमीठी  
 धूमउठै मनुकाम श्यामहेत रच्यो धूमजालाहैं । शोभन  
 भनत येते उदित मसाला जामें तामें बिच कोलि करै  
 ओढ़िके दुशालाहैं १२ शीशा के महल बीच कहल  
 हिमाचलकी पहल दुलाईवर्फ चहल कसालामें । चंदन  
 सों लागत कुरंग सार अंगन में अनल अंगीठी जिमि-  
 बारि होदशाला में । लागत गलीचा ऊन शीतल सि-  
 वार तूल दीपक नक्षत्र रघुनाथ रसथालामें । बालाउर  
 बीचजातमालासी जुड़ातजात पालासम लागतदुशाला  
 शीतकालामें १३ चिड़िया चुहुचुहानी रजनी बिहाने  
 जानी प्रकटी प्रभात बानी गोपिन के गीतमें । कालि  
 दास औचकसी सेजते उत्तरि प्यारी अनललगाईचली  
 चितै नवनीतमें । गात अंगरात अलसात अलबेलीभांत  
 भावतो तजो न जात शिशिरके शीतमें । फेर परयंक  
 पर ओठभर ओढ़िपट पीतमें लपटि लपटायरहीपीत  
 में १४ ॥ सवैया ॥ शीतसमै परदेशको पीय पयानसुने  
 वह रोवन लागी । याऋतुमें हरिक्योंहं रहैं घर देवता  
 पूजि मनावन लागी ॥ और उपाव तक्यो न कछू तब  
 साजिके बीनबजावनलागी । प्यारी प्रवीणभरेसुरमेघ  
 मलार अलापिके गावन लागी १५ ॥ कवित ॥ चन्दकवि  
 पागिआगि औरैचले भानुभागि शीत जागि जागिजग  
 ऐसे गरसत है । रदनसों बोलै रदबदनबिकासैकौन नदन



की गौन रौन सूधो सरसत है । लागी जऊभांपैं मची  
 भरकी भरापैं तेऊ सेवकजू कांपैं न दुराव दरसत है ।  
 दृढ बरसाला फोरि सालह दुशाला फोरि सकल म-  
 शाला फोरि पाला बरसत है १६ शीशाके सहलबीच  
 कहल हिमाचलकी पहल तुलाई बर्फ चहल कसाला  
 में । चन्दनसे लागत कुरंग सार अंगनमें अगिन अंगी-  
 ठी जिमि बारीहोज सालामें । लागत गलीचा ऊन  
 शीतल सिवारतूल दीपक नक्षत्रसे गनेश रतिथालामें ।  
 बाला उरबीच शीत मालासी जुडात जात पालासम  
 लागत दुशाला शीतकाला में १७ भानुशीतभानुकी स-  
 मान लघुमानभयो बारी बरसानसे कशानहकी साला  
 में । दीपगन बारनभयो है पौन बारनके सेवकसितारन  
 सुतारनकी सालामें । साद्योफल फूल ह्वै अतुल तूलह  
 को तूल तैसे मखतूल भो गलीचन के जालामें । मद  
 तमशाला कीनबाला बिन बालाहोति पालासमलाग-  
 त दुशाला शीतकाला में १८ पौन प्रविशौन परे परदे  
 दियेहैं पट आतशी अवास आसपासके भरेरहैं । दिपैं  
 दीप भुंडन दिवालन दिवालगीर फरसी फनुस चहूँरो-  
 शनधरेरहैं । अगरकी धूप सेज अम्बर अतररूप सेवक  
 मशाले मौज मनके करैरहैं । डपटे मनेज तेऊ भूपटे  
 शिशिर शीत छपटे दुशालनमें लपटेपरैरहैं १९ शिशिर  
 तुखारके बुखार से उखारत है पूसबीते हात सुने हाथ  
 पांवठरिक्के । द्यौसकी छोटार्इकी बडार्इ बरणी न जाइ  
 सेनापति गाई कछु शोचिके सुमिरिके । शीतते सहस



करसहस चरन ह्वैके ऐसेजात भाजि तमआवतुहै धिरि  
 कै । जौलैं कोक कोकी को मिलत तौलैं होत रात  
 कोक अधबीचहिते आवतुहै फिरिके २० देतहै नकल  
 एकोपल एहा रघुनाथ पौन पछिवाँहैं बहै अङ्गन छि-  
 लतसे । पानीकी कहानी सोतो जाति न बखानीकछू  
 नेक परसत पानि पाय पधिलत सो । कैसेके हिमन्त  
 अन्त शिशिरको ह्वैहै पल पटके टरत पेट पीठि सों  
 मिलत सो । जबसों डयो है आज तबसों हे देखिसखी  
 तरनिको तेज शीत आवत गिलत सो २१ शिशिर में  
 शशिको स्वरूप पावै सविताहू घामहूं में चाँदनी की  
 द्युति दमकति है । सेनापति होत शीत लता है सहस  
 गुनी रजनीकी भाँई वासरमें भ्रमकतिहै । चाहत च-  
 कोर सूर ओर टगछोर करि चक्रवा की छाती तजि  
 धीर धंसकति है । चन्दके भरमहोत मोदहै कुमोदिनि  
 को शशि शङ्ख पङ्कजनी फूलिना सकति है २२ धायो  
 हिमदल हिमभूधर ते सेनापति अङ्ग अङ्ग जगधिर ज-  
 ङ्गम ठिरतहै । पैंयेना बतार्इ भाजि गई है ततार्इ शीत  
 आयो आततार्इ सिति अम्बर घिरतहै । करतहै तयारी  
 भेष करिके उज्यारीहीको घाम बारबार बैरीबैर सुसि-  
 रतहै । उत्तरते भाजि सूर शशिको स्वरूपकरि दक्षिणा  
 के छोर छिन आधक फिरतहै २३ धिरचर सकलप्र-  
 बल भयभीत ह्वैके जगत जुराफा सम गति दरसतहै ।  
 ठौर ठौर बरषा ड्यों बरषै बरफपंज आलय हिमालय  
 के चहूँघा सरसतहै । उदित प्रभाकर की मुदित मयूषै



पुर पुहुसी पियधर कैसी परसत है । शोचित सरोजन  
 को पोचित बदनपेखि रोचित कुमादिके मोद वर-  
 सत है २४ अब आये माह प्यारे लागत है नाहिरवि  
 करतन दाह जैसा अवरैखियतु है । जानिये न जातवात  
 कहत विलात दिन सरासो न ताते तनको विशेषियतु  
 है । कलप सीरात सोतो सोयेना सिरातकेहं सोइसोइ  
 जागे पै न प्रात पेखियतु है । सेनापति मेरे जान दिनहं  
 ते रातभई दिन मेरे जान सपनेमें देखियतु है २५ गिल  
 गिलो गिलमै गलीचाहें गुनीजनहें चाँदनी हैं चिकौहें  
 चिरागनकी मालाहें । कहै पदमाकर त्यों गजकगिजा  
 हैं सजी सेजहें सुराहीहें सुराहें अरु प्यालाहें । शिशिर  
 के पालाको न ब्यापत कसाला तिनहें जिनके अधीन  
 सते उदित मशालाहें । तान तुकतालाहें विनोद के र-  
 शालाहें सुबालाहें दुशालाहें विशाला चित्रशालाहें २६  
 सोनेकी अँगोठिनमें अगिन अधूम होय होय धूमधारहू  
 तो सुगमद आलाकी । पौनको न गौन होय भरवयो  
 सुभौन होय सेवनके खौनहोय डिवियाँ मसाला की ।  
 ग्वाल कवि कहैहर परीसो सुरङ्गवारी नाचतीं उमङ्ग  
 सों तरङ्गतान तालाकी । बाला की बहार औ दुशाला  
 की बहार आई पालाकी बहारमें बहार बड़ी प्याला  
 की २७ बरु अति रुचिर विचित्र चित्रशाला बीच  
 आनंद विशाला सों दुशाला लह लैसह । दीपन की  
 वस्तु जे उदीपन की दिव्य दिव्य लीजिये मँगायकै  
 मजाय सेज सेसह । कहै प्रयाससुन्दर सुजान सुनेशोच



तऊ फीकोहि लंगेगे फागफरस मुकेसह । उरज कसीसी  
 बाल ताकी रति सीसी बिना शिशिर के शीत की न  
 सीसी मिटै कैसह २८ भर भर भाँपे बड़े दरदर हाँपे  
 तऊ थरथर काँपे मुख बाजत बतीसी जात । फेरपस-  
 मीनन के चौहरे गलीचा तापै सेज मखमली बिछी  
 सोऊ सरदीसी जात । ग्वालकबितैसे मृगमदसों धुकाये  
 भौन ओढ़ि ओढ़ि छारभार आगिह छपीसी जात ।  
 छाके सुरासीसी तौलैं सीसीना मिटैगो जौलैं उरउक  
 सीसी छाती छातीसों न सीसीजात २९ जायो कन्य-  
 काकोधायो आयोहै हिमालयते संगमें सहार्डिलैसुरभि  
 भयकारीके । कहै सिवराम याकपाये हैं सुतीनेंलोक  
 ओक ओक आपना प्रतापजोरजारीके । तेलतूलतपन  
 सुऊन हून जेरकीने येई दोऊ बीररहे जगकी जिवारी  
 के । सुन्दर सुव्रत ऊंचे आड़ेये अचल सुर जाड़ेको सु-  
 आड़े गाढ़े ठाढ़े कुचप्यारीके ३० बेरबेर हाँकैं बड़ेडर  
 डर भाँकैंतऊ कड़कड़ दांत बाजबाज जुरिजुरि जात ।  
 नेकहात न्यारे तोपै थरथर काँपैप्यारे ओढ़ओढ़साल  
 मालहूते लुरि लुरिजात । शोभन भनत भागभाग आग  
 आगेजात लखि छारभार पुनि पुनि मुरि मुरिजात ।  
 शिशिरके शीतमें अनीत शीत मानभीत सेज में पुनीत  
 भीत दोऊ दुरि दुरिजात ३१ खंभेदार रावटी बनाती  
 लाल डेरनमें अगर अँगोठी करी शीत की भजाई है ।  
 कहै सिवराम पसमीनेकी बिछाई तपै तखत के रूप  
 सेजसरस सजाईहै । मोरछली अलकैं अनूप शीशफूल



# शिशिरऋतुवर्णन ।

१८५

क्वत्र संजितको शेरकामनौवत बजाई है । प्यारेको मि-  
 लाप प्यारी पादशाही पाईरो भि सौतिनको शालेंदई  
 सखिन रजाई है ३२ सुंदर सुखदपद भजुमन तजिमद संद  
 जानि मेरो कहो शरद अनन्दको । द्विजबलदेव कहै दरदर  
 सदनमें सदनके दूत भेजि दीन्हो पतनन्दको । दलित दुकूल  
 दुमकदम कलिंदी के हैं इन्दीवर वदन दुरावनापसन्दको ।  
 दीपति दुगुणा देश दिशि दशाहमें देत दीरघ दराज दिल  
 देखियत चन्दको ३३ ॥ सवैया ॥ मलिका मालती जाती  
 जुही अरु सेवती सेनलै जीतन आसी । माधुरी मंजुम-  
 रीचिन बानन सारिकै मेघन दीन्हो निकासी । चारु  
 चकोरन चैन बढाय विकास करावत कैरव रासी ।  
 रुक्मिणी रावरी कीरति रूपसों आयो मयंक अकाश  
 बिलासी ३४ शारदी की रजनी में प्रिया रजनीपति  
 पास जनीनको प्यारै । सारी मरीचिन बीचिनते नव-  
 लाके नगीचिन को दुखहारै । भाषत हैं रघुराज हमें  
 शरदै सुख दै तऊं दोष अगारै । जो बिरहीनन दीनन  
 के उर धारिधि में बडवानल बारै ३५ ॥ कवित्त ॥ बनउप-  
 बन निरभर सर शोभासने अम्बर अवनि कलबल बर-  
 सावनी । हंसजल रंचित खचित थलवनन नितागपति  
 सरित जुन्हाई सुखदादनी । ऋषिनाथ मालती मुकुन्द  
 कुंद कुसुमित बास पारिजात पारिजातावलि पावनी ।  
 मन अरु भावनी रसिक रास रसरंग भावनी शरद रैनि  
 शरदसुहावनी ३६ तालनपै तालपै तमालनपै मालनपै  
 वृन्दावनबीथिन बहार बंशीबटपै । कहै पदमाकर अ-



वराडरास मंडलपै मंडित उमंडि महाकालिंदीकेतटपै  
 क्षितिपर छानपर छाजत छतानपर ललितलतान पर  
 लाडिली के लटपै । आई भले छाई यह शरद जुन्हारै  
 जिहिपाई छवि आजुहि कन्हारै के मुकुटपै ३७ ॥  
 सबैया ॥ महि मलिका मालती जाती जुही शुचिसेवती  
 प्राणा पियासी भई । हारादाकर की करकाती भई  
 बरयानि कितौ बरयासी भई । नंदराम ज चांदनी  
 चौकनमें चहुंओर ते भानु प्रभासी भई । अखियान में  
 तो बरयासी भई बरयान कितौ बरयासी भई ३८ खनक  
 चरीन कात्यो ठनक मृदंगनकी रुनुक भुनुक सुरनूपुर  
 के जालको । कहै पदमाकरत्यो बांसुरीकी धुनिमिलि  
 रह्यो बंधि सरस सनाको एक तालको । देखतै बनत  
 पै न कहत बनैरीकहु विविध बिलासयो हुलास इहि  
 खयालको । चंदछविरास चांदनीको परगास राधिका  
 को मदहास रास मण्डल गोपालको ३९ शरद रयन  
 अरु निर्मल प्रकास जानि कान्ह यमुनाकेतट बांसुरी  
 बजाई है । राग रागिनी छतीसों तारिहमें प्रवेश करि  
 तालको बंधान सुर तीनलोक छाई है । मोहेशेश औ  
 गणेश विधि लोकपाल सब षोडश सहस गोपी सुनि  
 उठिबाई है । पायके कन्हारै जीने रहस मचाय नित  
 यामिनी बढाई षटमास को बिताई है ४० अकल  
 अरीलमाते संजुलमलिन्दजल अमलअमन्द चन्दपूरगा  
 कदन है । अधर अनेखे अरुणारेबधु जावकसे चांदनी  
 से हास्यो सितारेसे रदन है । खंजनसे माते मन रंजन



चकोर से अञ्जत बने न नैन सुखमा सदन है । शरद  
मरालीसी मृनालीसी मिलीसी आली कैसी जगमोहन  
सोहावन बदन है ४१ दमकि गईरी देह दौरिके दुरावै  
काहि जारतो जुरासी उवाल जालिम जुन्हैयाकी ।  
शीतल सरोजनकी पांखुरी बिछाई सेज लागती अंगा-  
रसी अनेखी अँगनैयाकी । तीर कैसी तीयरा समीर  
सरिताकेबीर बीति है न येाहीं निशा शरद समैयाकी ।  
फांसुरी गारेकी बाजी बांसुरी विसासी कैसी बियकी  
भरीसी जगमोहन कन्हैया की ४२ रासको विलास  
मृदुहासकी सुरति जबसे है तब मोहनसों क्यों न मन  
उचाटि है । चांदनी शरदकी बढाई है दरददेह सुधिकी  
करद लगे क्यों न उर फाटि है । बैठि बनबेली बीच  
मेली भुजलताताहि श्यामकराठहेली कहै सेली किमि  
ठाटि है । धारि जब मालाको विसारि नन्दलाल ऊधौ  
बाला मृगछाला ओहि कैसे दिनकाटि है ४३ ॥

इति श्री षट् ऋतुकाव्य संग्रह सम्पूर्णम् ॥

मुंशी नवलकिशोर के छापेखाने मुकाम लखनऊ में छपा  
सितम्बर सन् १८८६ ई० ॥

इस पुस्तक का कापीराइट महफूज है बहक इस छापेखाने के ॥